

ALBERICI
GENTILIS

De Legationibus,

LIBRI TRES.

LONDINA,

Excudebat Thomas Vautrollerius

1585.

ALBERTUS
GENTILIS

De Legationibus

LIBER PRIMUS

LONDINI

Excusavit Thomas Vannellius

1582



ILLVSTRISSIMO
PHILIPPO SYDNEIO
Albericus Gentilis

S. P. D.



*AGNVM, Sydnei, desiderium fuit, quo
summam erga te animi mei propensionem,
summamque observantiam facere testa-
tissimam, & illustrem desideravi. Quid
quid enim hoc toto Anglicano quinquen-
nio potui in rem istam excogitare, mi-
hi illud omne exile semper, & tanta vo-
luntate longè inferius visum est. Sic sci-
licet usu venit, ut in qua studio quodam
ferimur singulari, in his numquam satis nobismet ipsis facere valea-
mus. Ego cum in Angliam appulsem primò, & nihil sanè pro ea,
qua me tenet condicio, cogitarem minùs, quàm nobilibus viris ope-
ram dare, aut in ipsorum oculis apparere: insignis fecit, frequens, &
constans virtutum tuarum prædicatio, ut ipse quoque caput attollere,
& ad eam, quam fortè a quo etiam plus refugi, lucem utrò decurre-
re, adeoque ad te properare voluerim. Et tu verò cùm litteris, tum
sepissimè coram ita mecum egisti, ut nunc rem nullam auribus um-
quam meis accidisse oportuniorem ipso hoc putem, quo factum est, ut
in tuam notitiam, & familiaritatem desiderarim, præque tua hu-
manitate, potueri impervenire. Nam quid eius quaeso viri benevolen-
tia gratius, qui auita nobilitate, præsentis virorum illustrissimorum*

necessitudine, suis virtutibus ita splendet, ut quod quod est præstan-
tissimum in multis, id tamquam in unam arborem plura genera, sic
in eum unum multorum insitum, atque illuminatum conspiciatur?
Illustrissimus merito sit, & habeatur parens Henticus, Proregis Hi-
bernæ munere, Præfectura VVallia, summo Garteria ordine, excel-
lentissima Consiliarij dignitate, honoribus reliquis: te tamen quod
talem, tantumq. filium habet, ipse & ab alijs, & a me longè nobilis-
simus existimabitur. Illustrissimum, & religiosissimum Wallinga-
mum, alterum parentem, socerum tuum, an credimus vel supremi
illo Secretarij gradu, vel insigni alia administratione se beatorem
censere, quàm quod filiam unicam, eamque lectissimam tibi ex om-
nibus nobilibus delecto in matrimonium, & in spem domus colloca-
rit? Dicam de fratribus? Ecce ipsi egregium nacti gloriæ carsum,
illum, te præcunte, ac praluciente, fœlicissimè tenent. Quid illustris-
simum Pembrochiæ Comitem appellem, nobilissima sororis tua no-
bilissimum virum? Iste adfinitate Sydneiorum maximè delectatus,
te in ore, te in oculis pectoris semper incredibili cum incunditate ha-
bet. Sed Comites illustrissimi Waruicensis, & Leicestrensis aum-
culi te unum sic intuentur, ut reliquorum, quibus honorati, beatig,
supra omnes existunt, bonorum obliti, & in te uno esse ipsis omnia,
credere, videantur. Quid attinet singula prosequi? Waruicensis
dignitates amplissimas, & summos exercituum narrare ducatus?
Lecestrij desora omnia explicare? Hic propter sapientiam singula-
rem, egregiam charitatem in patriam, admirabilem erga principem
fidem, religionem in Deum excellentissimam, suspicitur bonis omni-
bus, diligitur, colitur, veneratur. Is ille est, qui magnarum virtu-
tum suarum documenta toto hoc tēpore, quo SERENISSIMAE
REGINAE adsedit, talia ac tanta dedit, ut nisi penitus & nos oc-
cupet malus genius, de ipsius laudibus conticescere non possimus.
Sit enim, ut est, maximum, ac propè diuinū ELIZABETHAE
ingenium, consiliumque: deque ipsa cani illud verissimè possit,

Vos etenim reges animum geritis muliebrem,

HÆC REGINA viri:

Nullus tamen cum umquam fuerit princeps, nec esse quidem possit,
qui sine administris regat imperium suum: his certè rectionis non
minimum est deferendum. Itaque, si quid hodie boni Anglia habet,
(habet

(habet verò pacem, religionem, reliquaque, qua illas sequuntur bona.
 quibus nec ullum est sanctæ administrationis certius argumentum.)
 id tanta ex parte, quanta maxima ipsius est administratio, consilijs
 huius auunculi tui, necesse est, referamus acceptum. Et sanè nec possu-
 mus sine grandi alio piaculo non faustis omnibus acclamationibus ex-
 cellentissimo viro favere: quem ELIZABETHA (ELIZA-
 BETHA M quum dicimus, pietatem dicimus, & virtutem ipsam)
 a consilijs sibi esse voluit, & longissima experientia comprobavit.
 Nemo profectò, nemo, qui de PRINCIPE OPTIMA sentiat
 benè, Lecestrio non applaudet, & votis maximis non favebit. Nam
 sunt ita rationes consiliariorum iunctæ rationibus principis, ut Ro-
 mani illi Imperatores partem corporis sui consiliarios esse profitean-
 tur, & se violatos, consiliarijs læsus, adfirmant. Quasi profligatissima
 mentis homines quidam sentirent, vel famosa vocis turpitudinem,
 omnium temporum legislatoribus scilicet, & sanctissimis viris de-
 testatam, intuerentur: latratus nefarios contra virum fortissimum
 nec commonissent, nec os fa dissimum aperuissent. Verum & vecor-
 des isti virtutibus Lecestrensis testimonium (sint aliàs lege intesta-
 biles) non minus adferunt, quàm faciant boni omnes, qui virum me-
 ritissimum nec nominare quidem sine honoris præfatione, aut insigni
 laudatione solent. ut enim a probis laudari laudatissimum est, ita ab
 improbis audire conicia, non nisi summa in laude ducimus reponen-
 dum. quoniam & turpis hominis laudatio turpis laudatio est, labemq;
 turpem aspergit: & ut honestorum commendatio hominum arctissi-
 mam cum illis coniunctionem, sic istorum criminatio nobis cum istis
 dissimilitudinem, latamque disiunctionem esse demonstrat. Macte a-
 nimo ingenti, Comes excellentissime: cuius videlicet nomen cum ca-
 tera virtutes tuas, sum merita in patriam, obsequia in principem, pie-
 tas in Deum, voces honorum, ipsique improborum furores gloriosum te-
 stantur, & laudatissimum in omne ævum transmittent. cui inimici
 esse non possumus. (Anglum me pro charitate facio, qua indies An-
 glia magis, atque magis devincior) quàm patrie prius, qua secundum
 Deum, PRINCIPLE Mque, consiliariorum, adeoq; tua Lecestri, o-
 pera multa floret, prius PRINCIP I, qua nihil vidit Sol ipse in ter-
 ris umquam excelsius, quaq; optimū de te viro nobilissimo iudiciū tu-
 lit; religioni prius sanctissime a vobis cōstitutæ bellū intulisse nefariū

necessitudine, suis virtutibus ita splendet, ut quod quod est prae-
tissimum in multis, id tamquam in unam arborem plura genera, sic
in eum unum multorum insitum, atque illuminatum conspiciatur?
Illustrissimus merito sit, & habeatur parens Henricus, Proregis Hi-
berniae munere, Praefectura Valliae, summo Garteriae ordine, excel-
lentissima Consiliarii dignitate, honoribus reliquis: te tamen quod
talem, tantumque filium habet, ipse & ab alijs, & a me longè nobilif-
simus existimabitur. Illustrissimum, & religiosissimum Walsinga-
mum, alterum parentem, socerum tuum, an credimus vel supremi
illo Secretarii gradu, vel insigni alia administratione se beatiorē
censere, quā quod filiam unicam, eamque lectissimam tibi ex om-
nibus nobilibus delecto in matrimonium, & in spem domus colloca-
rit? Dicam de fratribus? Ecce ipsi egregium nacti gloriae carsum,
illum, te praesente, ac prae lucente, felicissime tenent. Quid illustris-
simum Pembrochia Comitē appellem, nobilissima sororis tuae no-
bilissimum virum? Iste ad finitatem Sydneiorum maxime delectatus,
te in ore, te in oculis pectoris semper incredibili cum iucunditate ha-
bet. Sed Comites illustrissimi Waruicensis, & Lecestrensis aum-
culi te unum sic intuentur, ut reliquorum, quibus honorati, beatique
supra omnes existunt, bonorum obliti, & in te uno esse ipsis omnia,
credere, videantur. Quid attinet singula prosequi? Waruicensis
dignitates amplissimas, & summos exercituum narrare ducatus?
Lecestrii decora omnia explicare? Hic propter sapientiam singula-
rem, egregiam charitatem in patriam, admirabilem erga principem
fidem, religionem in Deum excellentissimam, suspicitur bonis omni-
bus, diligitur, colitur, veneratur. Is ille est, qui magnarum virtu-
tum suarum documenta toto hoc tempore, quo SERENISSIMAE
REGINAE adsedet, talia ac tanta dedit, ut nisi penitus & nos oc-
cupet malus genius, de ipsius laudibus conticescere non possimus.
Sit enim, ut est, maximum, ac prope divinum ELIZABETHAE
ingenium, consiliumque: de qua ipsa cani illud verissime possit,

Vos etenim reges animum geritis muliebrem,

HÆC REGINA viri:

Nullus tamen cum umquam fuerit princeps, nec esse quidem possit,
qui sine administris regat imperium suum: his certe rectionis non
minimum est deferendum. Itaque, si quid hodie boni Anglia habet,
(habet

(habet verò pacem, religionem, reliquaque, quae illas sequuntur bona.
 quibus nec ullum est sanctae administrationis certius argumentum.)
 id tanta ex parte, quanta maxima ipsius est administratio, consilijs
 huius amunculi tui, necesse est, referamus acceptum. Et sanè nec possu-
 mus sine grandi alio piaculo non faustis omnibus acclamationibus ex-
 cellentissimo viro favere: quem ELIZABETHA (ELIZA-
 BETHA M. quum dicimus pietatem dicimus, & virtutem ipsam)
 a consilijs sibi esse voluit, & longissima experientia comprobavit.
 Nemo profectò, nemo, qui de PRINCIPE OPTIMA sentiat
 benè, Lecestrio non applaudit, & votis maximis non fauebit. Nam
 sunt ita rationes consiliariorum iunctae rationibus principis, ut Ro-
 mani illi Imperatores partem corporis sui consiliarios esse profitean-
 tur, & se violatos, consiliarijs laesus, adfirmant. Quae si profligatissima
 mentis homines quidam sentirent, vel famosa vocis turpitudinem,
 omnium temporum legislatoribus scilicet, & sanctissimis viris de-
 testatam, intuerentur; latratus nefarios contra virum fortissimum
 nec commonissent, nec os faidissimum aperuissent. Verum & vecor-
 des isti virtutibus Lecestrensis testimonium (sint aliàs lege intesta-
 biles) non minus adferunt, quàm faciant boni omnes, qui virum me-
 ritissimum nec nominare quidem sine honoris praefatione, aut insigni
 laudatione solent. ut enim a probis laudari laudatissimum est, ita ab
 improbis audire conuicia, non nisi summa in laude ducimus reponen-
 dum. quoniam & turpis hominis laudatio turpis laudatio est, labemq;
 turpem aspergit: & ut honestorum commendatio hominum artissi-
 mam cum illis coniunctionem, sic istorum criminatio nobis cum istis
 dissimilitudinem, latè amque disiunctionem esse demonstrat. Maecte a-
 nimo ingenti, Comes excellentissime: cuius videlicet nomen cum cae-
 terae virtutes tuae, sum merita in patriam, obsequia in principem, pie-
 tas in Deum, voces honorum, ipsique improborum furores gloriosum te-
 stantur, & laudatissimum in omne aevum transmittent. cui inimici
 esse non possumus. (Anglum me pro charitate facio, quae indies An-
 glia magis, atque magis deuincior) quàm patriae prius, quae secundum
 Deum, PRINCIPLE Mque, consiliariorum, adeoque tua Lecestri, o-
 pera multa floret. prius PRINCIP I, quae nihil vidit Sol ipse in ter-
 ris umquam excelsius, quaque optimū de te viro nobilissimo iudiciū tu-
 lis; religioni prius sanctissime a vobis cōstitutae bellū intulisse nefariū

iudicemur. Caterum de Lecestrio & alijs, & longè plurima. Ad
nunc, Sydnei, reuertor. Hunc tu tantum tuorum splendorem, quem a-
lij vix capere, aut ferre possent, non modo excipis, sed & maiorem
multo excellentibus virtutibus tuis reddis, & magis, magisque illu-
strem facis. De his tamen, ne quid culpa ingenij deiereatur, silendum
est mihi: qui etiam, quod in ea descriptione valui, exprimere toto hoc o-
pere conatus sum: ubi scilicet, ut de te imaginem perfecti legati, hoc
est viri excellentissimi, exprimerem, sedulo, & viribus cunctis incu-
bui. Me beatum, si huius voti aliqua ex parte sum factus compos. Vt e-
nim non fuerit pictor, tertius artifex, qui ad vinum, plenèque, uta-
tur quamuis penicillo doctissimo, opus vllum artificis cuiusq; primi re-
tulerit: ita nec ego is sum, qui tua ornamenta (quo stylo?) sic a me ex-
plicata credam, ut multa non pratermissa, plurima vix adumbrata,
& infra omnium dignitatem expressa omnia non agnoscam. Probe
mihi tenuitatis mea conscius sum. Et haec conscientia (ut iam com-
plectar quod a principio proponebam) longum me istud tempus deti-
nuit, ne mearum lucubrationum, quibus quidem poteram solis mea illi
cupiditati satisfacere, quiaquam ad te deferrem. Postquam enim pri-
mitias in nomine summi viri, auunculi tui emisi, cui tamquam tute-
lari numini debebantur: nihil sanè ad manus fuit, quod te dignum ex-
istimarem. Volebam enim aliquid non ex meis studijs agrestioribus,
sed, quod nobiliorem & magis ingenuam saperet eruditionem, obtu-
lisse. Quod quàm difficile fuerit, & panè impossibile, ut ego conseque-
rer, vel tu bonus mihi testis apud te eris, qui hominem, scio, nullis de-
ditum alijs litteris cognouisti, quàm his, quibus Bartoli, ac Baldi cor-
sperfi sunt, & alios ipsi studiosos suos conspergunt, penitusque, ac peni-
tus imbuere solent. Nec verò meum illud desiderium explestem um-
quam, nisi Oxoniam Illustrissimi Lecestrensis aduentus huic rei an-
sam aliquam prabuisset. Dum namque me illic, non doctissimos An-
glos tantum, audire (quod tu, qui aderas, benè tenes) voluisset: ea in co-
rona ordinarias questiones missas facere, atque ipsa vel inuita Mi-
nerua tractare aliquid oportuit, quod illam occasionem deceret. Trac-
taui itaque de Legato questionem, & (ut scio) eam, in quam dispicien-
dam tu me olim deduxeras, atq; explicandam penitus Socratico omni
artificio adiuuarias. An enim ego simile quidquam meditari, aut dis-
putare potuissem, praesertim cum dicendum mihi (ut nosti) ex tempo-

ve incubuerit? Ea tractatio, quod placere visa fuit, resumpta mihi in manus, & doctissimo Doctore Ioanne Iames hortante, ac impellente locupletata, expolitâque me tandem argumenti huius admonuit, quod aptum esset, in quo plenè explicando versarer, & in explicato veterem illam meam voluntatem perficere possem. Erat id quidem arduum mihi ab ijs omnibus adiumentis inopi, quæ res tanta requirebat: quaque ut compararem, ratio studiorum meorum, me diutius ab ipsis diuagari non sinens, summopere impediebat. Vicit tamen animi ardor hæc omnia. Repeti ex pristinis studijs ad rem quantum favere memoria valuit operis, nescio an succisimè, sed certè delectatione consueta detractâ, alia perlustravi. Sic festinaui, ut minutulo (vix enim sex intercedere menses agnosci) hoc temporis spatia opus præsens confecerim. Id nunc eius, quam dixi, observantia in te mea, ac nominis tuo adfero, facioque sacrum. Atque tu excipere quidem sic debes, vel si illud non prorsus dignum existimes, quod teo inter alia tibi nuncupata reponas. tibi enim desideratum, meditatum, elaboratum, affectum, de quæ te, quæ rudis potuit faber, effectum præferre aliud nomen non potest. At tu, tuus ille Sophus Lelius, Eduardus Dierius vel conatum meum iuvabit is: & is cum apud alios, tum apud vos, quibus probari maxime cupio, aliquem locum obtine-

bit. Vale. Oxon. K. II.

Kal. Aug.

AD ALBERICVM GENTILEM

RICHARDVS EEDES.

Q Valem Oratorem Cicero, Stagirita beatum,
Communem Plato finxit in vrbe statum,
Qualem Helenam Zeufis, Venerem depinxit Apelles,
Qualem Pandoram turba dedere Deum:
Talem legatum cum vis describere, in vnum
Cur non e multis quæ meliora legis?
Scilicet ille tibi describitur optimus vnus,
Optima qui clarus singula solus habet.

AD EVNDEM SCIPIVS F.

V T quondam rudis, atque indocta falce dolatus
Silenus mutis stabat hians calamis:
Quum verò arcanam referaret faginus aluum,
Mira oculis hominum signa videnda dabat.
Sic tu, cuius opes, ac dædala mentis imago
Sub duro legum cortice clausa fuit:
Mirandas animis hominum nunc pandis aperto
Ingenij formas, diuitiasque sinu.

ALBE



ALBERICI GENTILIS
DE LEGATIONIBVS
LIBER PRIMVS.

CAP. I.

Qui Legati nomine nuncupentur.



LEGATVS aut is dici (Varrone, Cicerone, alijs testibus) solet, qui alicuius potestatis, magistratusue personam, munusue sustinet: aut is, qui mittitur aliquid explicaturus, quod illi libeat, a quo mittitur. Priores sunt, qui bellica legatione (sic Cicero nominat pro Balbo) apud Imperatores, Ducesque exercituum funguntur. Sunt qui magistratibus similem fiduciariam (vt Cæsar loquitur) operam in officio administrando præstant: Legati Proconsulum, alij, quorum & historiæ, & libri iuris civilis frequentissimè meminerunt. Sed & multi sunt magistratus istius nominis, propria munera exercentes: vt Pontificius ille Legatus, quem in exercitibus bella pro Papa Romano tractare, notat libro decimoquarto Guicciardius. Ac quidem ex eodem foro sunt illi a latere, illi constituti, illi nati, de quibus scriptum in iure Pontificio non vno est loco. Fuit magistratus olim, quem dixere Legatum Cæsaris, siue Imperatoris. & is prouinciæ Præses erat, vt traditum est à Venuleio I. C. in l. 12. D. de accus. Hoc scilicet nomine Præsides, qui ab Imperatoribus in adsumptas sibi prouincias mittebantur, à præsidibus distinguiebant, quos in prouincias suas mittebat populus. Quod

*V. lib. 4. de lin.
La. C. V. 4.*

*Lib. 2. de be.
cin.*

*C. 1. de Off. leg.
c. 5. eo. in 6.
C. 1. de app. &
7 q. 1. placuit.
L. 1. D. de Off.
Præs.*

DE LEGATIONIBVS

Dio libro quinquagesimo tertio scribit. Fuit huius generis Legatus ad census accipiendum. De quo libro Epitomarum primo Hermogenianus loquebatur, & loquitur libro primo Annalium Tacitus. Sunt tandem & hi, qui re benè gesta, dispensandæ, cohonestandæque victoriæ ad Imperatores designabantur. Tales ad maiorem Africanū superatis Cartaginensibus, ad Quinctium superato Philippo, ad L. Scipionem victo Antiocho, ad Æmiliū victo & capto Perseo, ad Aniciū Gentio in potestatem redacto, alij ex his causis ad alios multi fuere. quos dicere nec operæpretium est, nec præsentis nostri instituti; quod alterum Legatum, qui magistratus nullo modo est, spectat. Hæc verò satis sunt, quæ de Legato magistratu, aut magistratus vicem gerente indicauimus: ne deinceps ambiguitate nominis capi hæsitamus alicubi, vbi minimè fuerit hæsitandum.

CAP. II.

Multiplex eius Legati nomen, de quo nos sumus dicturi: & definitio.



EGATVS, de quo institutus nobis est sermo, & Orator quandoque, & Interpres, & Nuncius, vocabulis scilicet latioribus, nuncupatur. Atque ad Oratorem quod attinet, loci illud plures confirmant. Inquit Virgilius

*Tum satius Anchisa delectos ordine ab omni
Centum oratores augusta ad mania regis
Ire iubet.*

& libro vndecimo,

Iamq; oratores aderant ex vrbe Latina.

Sed & Liuius vsus hoc nomine est frequentissimè: & vtitur Plautus in Prologo Amphitrionis, ac vulgata res est. Alterum nec videri obscurum potest, quod diximus, Oratoris nomen latius nomine Legati patere. Illud enim eius est, qui de rebus omnibus possit variè, copioseque differere: istud verò ad hos tantum refertur, qui negotia publica tractant. Ast & in eo differunt, quod oratoris, quia is est orator, artis propriæ appellatio est: Legati significatio

*L. l. D. de mun.
de be.*

*Lin. lib. 30 33.
§ 45.*

Lib. 9.

*Lin. 2. 5. 6. 24.
25.*

*Cic. lib. 1. de
Orat.*

nificatio ad ministerium alienum refertur. Quare ut sit orator, etsi iam causas non oret, orare tamen possit: non tamen dicitur Legatus nisi is, qui Legatione fungitur. Addite, quod Legare est mittere, & Legatus missus: orare est loqui, vel agere; orator vel loquutor, vel actor. Sic & alienas & suas causas orator agit, & apud alios, & apud ciues: Legatus rei suae, nisi vnus, non est; nec est ad ciues. Latior est ergo appellatio oratoris. Immo arctior iam ex communi usu videri aliquando potest: siquidem Legatos quosdam deprehendemus, qui penitus nihil, aut solum in accessionem operis peragendi aliquid loquuntur. Et istos ex recepta dicendi consuetudine nominare oratores vix possumus. Et scribit Plato, oratoriam earum esse artium, quae oratione perficiuntur, & opere aut nullo indigent, aut perexiguo. Itaque superet illam Legatio, quoniam haec & opere solo perfici potest, & opere verbisque. Quibus tribus differentiis artes omnes discriminantur. Quod autem Gulielmus Budaeus oratoris vocabulo eos Legatos proprie significari censet, qui deprecabundi veniunt: id mihi persuasum non est. Repugnat enim nominis origo: quoniam orare ab antiquis dictum pro agere, docent Grammatici; & inde oratores nuncupatos hos Legatos, quod reip. mandatas partes agebant. Quid praeterea eandem significationem omnis non susciperet orator? At dicitur orator non is modo, cuius oratio precibus constat, verum & alius quilibet, qui vituperet, accuset, minuetur. Non etiam in Budaei partes dederim usum auctorum. Ceterum de re isthac satis, & satis de oratore.

In G. rg.

Intit. de uir. pu.

Fes. Adorare.
Orare.

Interpretem quoque nominari Legatum scimus. Nam de nuncio Deorum Mercurio Virgilius Aeneid. 4.

Interpres Diuum fert horrida iussu per auras.

Et eius nominis, itemque Iridis ad rem bellè explicat rationem Plato in Cratylo, quam exscribere nolo. Sed & Cicero interpretes dicit, qui ferunt, referuntque mandata. quos Legatos appellamus probe. Et sanè tali ratione stat Lucretij illud lib. 6.

Ma. in ep. 9. ad
Bru.

Atque animi interpres manabat lingua.

Et quod in Timæo Plato, orationem esse interpretem scribit. Differunt porro isti. Quoniam & scriptorum interpres dicitur, non Legatus. Et pro praesente etiam ille est, quem loquentem non

referebat. Atque is propterea Philosophus in sua rep. legationem hanc sacram retinet. Ait enim libro duodecimo de legibus: *Ad Pythium Apollinem, ad Iouem Olympicum, Nemeam quoque Isthmū mittendi sunt nonnulli, per quos sacrificia, ludosque his Dīs ciuitas nostra communiter conferat.* Hi siquidem sacri legati ad templa Deorum, rem diuinam vt agerent, oracula consulerent, munera portarent, legabantur. Et non rara eorum historia est. Habet verò de ipsis plura libro secundo, & tertio Heliodorus, & Plutarcus aliquid in Demetrio. Cæterum sacre huius legationis meminit etiam Philo in libro de legatione ad Caium, & illam dicit, qua Hierosolymam ad sacrificia peragenda, primitias, donūue aliud ferendum in templum ibatur. At illud est perbellè a Plutarco relatum, quod Senatus Romanus Deos consultum quandoque miserit, quidnam ciuitati portenderet, quod mulier caussam (& hæc tamen propria fuit) in foro dixisset. Retulerint verò non pauci in harum legationum catalogum eas, quæ a Romano pontifice, vel ad eum sunt. Nam diuinitatis huic multum adfigitur. Et Hispani à legato Papæ, quo cum bellum gerebant, non aliter abstinuere annis abhinc cētum, atque piratæ Liparenses ab illis abstinerint qui Delphos ab Roma proficiscebantur sacram istam legationem peragentes. Hoc scilicet tenet præ cæteris sacra legatio, quod inuiolata esse apud eos etiam valet, ad quos missa non est. Nec enim vel ad Hispanos pontificius proficiscebatur: sed ab illis hostibus interceptus, religionis ergo dimissus est. Alij non dimitteret, scio nec Heluetij illo eodem tempore tantum honorem vel ad ipsos misso detulere. Sed de sacra legatione abundè. De alia enim nobis non de ipsa, dicendum adsumpsimus.

Lib. 1. b. 5. 12.
29. 45.

In co. 27. &
28.

Quicq. lib. 12.

Quicq. lib. 14

CAP. IIII.

*Diuisiones legationum a personis mittentium,
ysq; ad quos mittuntur.*



ALIAM Legatio inter hominesmet est. Et cum cæteras, tum illam suscipit diuisionem, vt quædam a libera rep. principēue libero ad similem personam sit: quædam a rep. non libera, non libero principe ad similem temp.

prin-

principemue similem : quædam verò ex his mixta. Qui illi sint nobiliores legati primæ speciei , notum videtur. Est Anglus ad Gallum legatus , & ad Anglum Gallus , alijsque eiusdem rationis. Quanquam regem Galliarum non vsquequaque supremi principis nomen ferre, quis dixerit : quoniam in re diuina Romanum sibi superiorem Pontificem tenet. Idem, quod de Gallo, asseuerari & de Hispano potest, alijsque : qui in hac vna causa religionis subiecti viuunt Pontifici ; cum in reliquis omnibus maximæ, liberrimæque potestatis existant. Cæterum hoc argumento , non esse hos summos principes, nolo. Videmus enim Legationibus inde nullum fieri impedimentum : quæ vtrò, citroque commeat. Quod si temporariam, quam appellabimus, legationem ab Regina Angliæ, eiusdemue religionis alio quouis principe Hispanus, alijsue talis apud se non ferat : id summi principis iuri nihil detrahit. Siquidem hæc legatio huiusmodi est , vt vbique , quod explanabimus, tolli queat. Quare non efficiat sublata principem minus præstantem. Sic si vel in re alia subiectus sit principi princeps, quæ tamen legationes non attingat, ego illum, iuxta propositum argumentum, supremi adhuc dignarim nomine principis. Ecce, Genuensis resp. regi Hispaniarum in quibusdam, vt audio, paret : & classem eius excipere vel ad urbem tenetur, & alia quædam facere, pari que, quæ summi prorsus principis nullo modo sunt. Genuensem tamen temp. de gradu illo excellentissimo minimè in re præsentī moueo : quoniam ad legationes isthuc non perinet. Minus autem nocet, quod maiestatem alterius alter (vt inquit Proculus) comiter conseruare obstrictus sit : hoc etenim non est, vt intelligatur, principem hunc liberum non esse, sed vt intelligatur, illum superiorem esse, vtriusque inuicem dignitate collata; non etiam quòd aliqua alterius in alterum potestas sit. De feudatarijs potest controuerti. Sed inspecto tenore inuestituræ, res facile componetur. Hæc porrò disquisitio vtilis est, ac necessaria: quoniam lata sit iuris differentia inter legatos istos supremi ordinis, & eos, qui inter subiectos habentur. Ista fuerat secunda species. Quæ qualis sit, ex iam dictis liquet. Nam simul atque liberos nouimus principes, &, qui liberi non sint, intelleximus. De finitione autem legati nostra concludo etiā illos, qui ab istis prin-

L. 7. D. de cap.

L. 16. D. de
v. sig.

cipibus, ciuitatibusq; maiori parentibus imperio mittuntur, quia & legati passim nominantur, & multis quâ legati priuilegijs fruntur: possuntque publici, quo in definiendo vsus vocabulo sum, appellatione optimè contineri. Tertia species mixtarum fuit. Et ea quoque reddita perspicua est. Nam aut a non libera rep. vel principe non libero ad liberam remp. principemue liberum legati proficiscuntur: aut contra. Illud verum est, quod hæc legatio vel inter subiectos & principem ipsorum est; vel principem aliū. Exempla (ne quid cuiquam desideretur) appono. Primi generis erant prouincialium legationes ad Senatum, siue imperatorem Romanum. Erant & quæ a magistratibus, alijsque, qui cum imperio extra urbem agebant, in urbem mittebantur. Quarum frequens libris nostris, Liuius, & alijs mentio est. Sunt hodie, quæ ab Hybernia, ab qua alia prouincia, ciuitatēue subiecta ad Angliæ reginam comitant. Atque hæ ipsæ ad regem Scotiæ (Num id fieri liceat, alia erit quæstio) missæ subiectorum ad principem non suum sunt. Hæc verò conuertantur: et exempla secundi generis constabunt. Mittet princeps ad subditum suum legatos, si quid sit, sibi magnæ curæ, & id subditum sentire velit. Retuli capite secundo de Cartaginensibus sic Syphacem & Afrubalem accersentibus. Alius est Liuij præclarus locus, vbi de Flaminio consule Romam retrahendo loquitur. Ait: *In eam legationem (legatos enim mitti placuit) Q. Terentius, & M. Antistius profecti.* Et verò illud fiebat, quod faciem reip. isti secum deferentes, & auctoritatem, non significabant modò principis voluntatem ei, ad quem ibant, sed & imperare poterant, & imperabant. Ast neque omittendum hîc est, quod subditorum legationes aut ex munere patriæ sunt, aut volentibus demandatæ. Item quod sunt quædam gratuitæ: quædam, quibus legatium præstatur. Et latius libro proximo. Nunc alias diuisiones prosequamur.

Lib. 22.

Lib. 9. 29.
30.

CAP. V.

De varijs legationum generibus secundum mandata.



ONFERTVR publicum legationis nomen & publicæ rei, & rei priuatæ causâ. priorque legatio vel in nomine manet generis sui, vel publica etiam appellatur. Posterior

rior

LIBER PRIMVS.

9

rrior libera nuncupatur. Est verò illa aut negotij, aut officij, aut temporis. Altera, quia libera est, nulli certæ rei adstringetur. Dicemus de ipsa capite integro. Legatio ad negotium vel ad pacis est, vel ad belli. Pacis negotia nominamus quæque illa sint. Nam & ad coëmenda frumenta legatos missos esse, nobis narratum est. Quidquid igitur mandatum sit, quod bellicam actionem non sapiat, id pacis negotium nuncupauerimus. Et illi profectò ad pacis negotium sunt, qui ad pacem ipsam ineundam mittuntur. Hi fuerunt, quos ad pacem dandam Verminæ filio Syphacis in Africam Senatus Romanus misit, & qui, cum in magna Græcia seditiones aliquando ingentes essent, vndiq; ad eas componendas confluxissent, memorantur. Legato belli suum dabitur caput. Item in officiū legato. Legatos temporis, siue temporarios eos dico, qui ad non definitum, certumque negotium, sed ad tempus siue certum, siue incertū ita mittuntur, vt dum in legatione degunt, omnia tractent, faciantque, quæ e re mittentis toto illo tempore esse contingant. Nam alij in certam aliquam occasionem legantur, redire iussi simulatq; quod habent in mandatis confecerint. Sed sunt isti temporarij satis cogniti. Sunt enim quos Residentes vulgari sermone nominare solemus. Est præterea legationū diuisio alia. Nam sunt quidam legati, qui nullam rem dicere, sed aliquam agere habent. Qui munera, qui litteras, qui rem aliam ferunt, qui veniunt præsentiam tantum in re aliqua exhibitori, aliudue quid facturi: ij, si ex potiori parte, si ex forma nomina rerum sunt, factorum legati dicentur. Age, exempla passim obtinuit eorum, qui dona ferunt. cui literæ tantum commissæ videri possunt, C. Popilius est. quem aduenientem cum rex Antiochus salutasset, & dextram peteret, tabellas ei Romanus scriptum habentes tradit, atque omnium primum id legere iubet. Quibus perlectis, cum se consideraturum adhibitis amicis, quid faciendum sibi esset, rex dixisset: Popilius virga regem circumscripsit, iussitque responsum reddere prius quam ex eo circulo excessisset. Paruit rex. Confecta legatio est. Si igitur litteras primo quoque tempore is legisset: & paruisset Senatui, exhibitione tabellarum absoluta omnis erat legatio: & facti hæc erat. Memorat Herodotus, a rege Scytharum legatum missum ad Darium cum aue, sorice, rana, sagittis, monitumque

*Lin. lib. 4. 42.
Dion. 7.*

*Lin. lib. 31.
Polyb. 2.*

Lin. lib. 32. 20.

Lin. lib. 43.

In Melpom.

ista solùm deferre, & agere præterea nihil. Ipse quid frequentissimas nostrorum temporum memorem legationes, quæ in id solùm sunt, vt præsentia ipsarum illustre magis reddatur, quod agitur? Cape antiquorum temporum historiam ex ludis, quos Amphipoli celebratos ab AEmilio post victoriam de Perseo partam, & hisce legationibus cohonestatos, Liuius scribit. & eiusdem Persei, & regis Prusie celebratas nuptias gratulatione, donisque innumerabilium legationum, & velut auspiciis populis nobilissimis. eodem scriptore. Legationes hæc in eo, quod post gratulationem habent, huius sunt proculdubio classis, quam hîc institui. Illa non est huius classis, quam Budæus pronubam legationem appellat libro primo de asse: quæque ab eo peragi dicitur, qui matrimonium pro absente contrahit principe. Nam verbis tota hæc res peragitur. Factitiam (cedo aptius nomen?) legationem confingere etiam possumus inuerso & superbi Tarquinij, & Trasyluli facto notissimo. Nam vt illi defectione eminentium papauerum, spicarumque, nullo verbo, nuncijs responderunt: ita nuncios hæc nos introducamus agentes. Cæterum & belli legatus aliquis huiusmodi ostendatur ex his, quæ proximo capite scribemus; & in alio, quod erit de Caduceatore. Nunc plenè declarata legati definitio est. Posuimus enim exempla ad verba illa: *rei dicenda, agenda causa*. Iam de bellico legato exponam, quod habeo.

CAP. VI.

De Legato bellico.

ELLICVM legatum ego dico non ex Ciceronis sensu, sed qui missus citra imperium est publico, aut principali nomine bellum indicere, aliudue hostile significare. Eum puta, qui in duellum vocare alterum mitti solet. Et is ille Idmon fuit a Turno missus ad Aeneam: & quem Pyrrhus ad Antigonom, Antonius ad Augustum, Carolus Imperator ista ætate ad Franciscum regem Galliarum transmisit. Hocce cur legatos belli non nominem, sanè non video. Nam quæ ad pacem componendam

Lib. 45.

Lib. 43.

Lin. li. 1. Diog.
in vi. Perian.
Arist. lib. 3.
Politic.

Phil. Enic.

dam legatio est, eam pacificatoriam dixerit M. Tullius. & si legati cuiusque munus est mandata peragere: qui verò bellum denunciare iussus est, bellum denuntiat, qui non appellabitur belli legatus? Nam quòd belligerantis principis, ipsiusque belli pax sit finis: huius tamen legati bellum denuntiantis is finis non est. aut bellici cuiusque instrumenti etiam erit. miles erit vir pacis. immo bellum pax erit. Si res non ex eo, quod sunt, sed ex fine, ad quem sunt, censemus, & nominamus; & media cum finibus commiscere licet. Certè id non ferret Plato, qui pastoris munus pecorum saginatione finit; & refellit Trasymacum, qui ad utilitatem usque pastoris, & domini rem deducebat. Nec inde quoque consequitur, legatos belli non esse, quoniam vetitum legatis est, arma tractare. Siquidem bella etiam voce mouemus, tractamusque. Et præco ille apud Aesopum, belli se ministrum non extitisse, hac ratione, quòd arma non strinxerit, nequijt adprobare. Infirma hæc ratio est: *Non ferit Legatus. Ergo non est legatio belli.* Etenim eo argumento nec bellica sunt hostica verba. Et nos facimus istum legatum, qui (vt de Atheniensibus Liuius dicit) verbis, quibus solis vti potest, bellum gerat. Non igitur viro diuino assentior Torquato Tasso, qui alios esse pacis legatos, alios belli non fert, sed omnem legatum pacis virum esse contendit. Atque huius sunt rationes istæ, quas reiecimur. Adducit verò & imaginem (ea est ex Sisyphe Platonis, aut cuius est ille dialogus) de Sagittario, quod vanissimus vt hic esset, si in scopum nullum collinearet, sed, elegans vt pareret, iacularetur: ita & legatus fuerit inanissimus, qui in belli finem non intendit, eoque suam non dirigit legationem. Ast hoc argumentum quanti? Mandatum legato scopus est, quò collineet. Quod si mandatum liberum datum sit: tum aliqua poterit ratione dici, hos etiam, qui bellum denunciant, pacis esse legatos. Et ita fortè accipendus erit Xenophon, qui alicubi ex Socrate scribit, legati officium esse, amicum ex hoste cum reddere, ad quem proficiscitur. Certè in mandato definito, & bellum indicere iubente vera Tassi sententia esse non potest. An pacis legationem appellauero factitiam, si hastam hæc ferat? Videbimus quid istud fiet. Et si legatio hæc est bellica; qui eadem fungitur, an

Lib. 1. de rep.

Lib. 31.

Lib. 4. de fa. di So.

non est legatus bellicus? Hanc disceptationem & veritatis causa habere volui, & ne quid sibi licentiæ legatus in re commissa adsumat, quasi cogitare debeat aliquid præter mandatum. Id, quod ducta hinc origine, Tassus permittit: & nos suo loco refutabimus.

CAP. VII.

De officiosis Legationibus.

AM de officiosis legationibus dispiciamus. Ad prosequendum Scipionem officij causa vndique ex tota Sicilia legationes conuenerant. inquit Liuius. Et temporaria legatio plurimum officij habet. Nam quid summi principes apud minores quosdam non habent, nisi quia illi his genus istud quasi obsequij non debent? Videtur officiosa legatio & quæ a provincialibus mittebatur ad hominem laudandum, qui magistratum apud eos gessisset. Mittuntur officij ergo, qui gratulari, dolere, atque id generis reliqua peragere debent. Missa (inquit Tacitus) legatio, quæ gaudioungeretur. & legationibus testatam læticiam, alibi dixit. Commemorat aliquas Herodianus libro secundo, & aliam occiso Maximino solennē valde ad nouos Imperatores lib. octauo. Scribit lib. i. de be. Pers. Procopius, Cosroem misisse talem legationem ad Iustinianum. Sunt apud Liuium plurimæ. qui libro quadragesimo quinto & candidam his vestem designat. Orosius, Diodorus Siculus, ille capite vigesimo libri tertij, hic libro duodecimo, ad Alexandrum quandoque tales ex vniuerso terrarum orbe profectas legationes recensent. Et de hoc legatorum gratulatorum genere aliquid etiam I. C. Paulus adnotauit. Similia aliorum exempla nec difficile est inuenire, sed passim occurrunt. Missi ad Germanicum legati, qui cum mœstum Augusti morte solarentur. Missi ab Illo ad Tyberium, qui idem officium in morte filiorum ei præstarent. Legati Syracusani nuntiarunt, cædem Flamini consulis, exercitusque adeo ægrè tulisse regē Hieronem, ut nulla sui propria, regni que sui clade moueri magis potuerit. ut est a Liuiio libro vigesimo secundo relatum

lib. 29.

Cic. pro Flac.

lib. 2. hist. &
lib. 14. ann.lib. 3. 7. 26. 27
87 42. 44. 45.L. 35. D. ex
qui. ca. ma.

Tac. lib. 1. ann.

latum. Legationem, qua gratiæ aguntur, an huc non referemus? Misit quandoque legatos Dauid, qui id pro Saulis agerent sepultura. Missam ab omnibus pagis Helueticorum legationem, quæ Papæ gratias ageret, a quo titulus, & insignia defensorum Ecclesiæ tributa ipsis fuissent, libro vndecimo narrat Gucciardinus. Verū ista congerere (& habeo plura ex Liuiο) nolo. quamquam in tractatione historica, quæ hæc est huius primi libri, quid similis opera improbetur? Sed nec aliàs vana est: cum vsitatam rem ostendere, vanum non sit: firmamus enim talium legationum ius, dum hoc agimus. Illud tamen nouisse, potius est, quod etsi legatio ista officij appelletur, habeat tamē aliquam necessitatem. Nam a Prussia obiectum Byzantijs tradit Polybius, quod isti legatum ad se nullum in gratulationibus Deorum transmiserint. Et Papa, si Deo placet, indignabatur quandoque regi Hispaniarum, quoniam ad se non miserit legatos rex, qui creato Pontifici adorationem pro more exhibuisset. Deputo ego officio id, quod huiusmodi principes præstant pontifici. Cæterum viderint ipsi. Quod dicere habeo, hoc est, iure sequi offensionem his prætermisissis legationibus quoniam omni officio præterito id fiat: & contemptus videtur is, in quem sinimus officia nostra desiderari. Finem facio, si prius dico, legationes has non modò eorum esse, qui aliena bona gratulantur, dolentue malis, sed & ipsorum, quibus hæc obtigerūt: dum scilicet hi suos amicos participes eius, quidquid sibi acciderit, factos esse exoptant. Sunt apud Liuium exempla, & apud Procopium in fine lib. 3. de be. Goth.

Saul. 2. cap. 2.

Lib. 28. 32. 48

Lib. 4.

Græc. lib. 7.

Lib. 31.

CAP. VIII.

De Libera legatione.



NA restat legationis species Libera, de qua aliquid exponamus. Libera legatio est eius, qui publico legati nomine commendatus, ornatusq; re ipsa ob priuatam exijt occasionem. Similis scilicet hic est procuratori, quem dicunt in rem suam iurisconsulti. Hæc porrò legationes ornamentum tantum causa impetrari solebant, quò gratiosiores ad sua hi essent negotia, qui impetrant: aut honestius se sal-

tem haberent, vbi degerent, otioſe cum dignitate fruerentur. Sic & voti cauſſa ſoluendi, hereditatis adeundæ, debitorum exigendorum cauſſa concedebantur. Sic Scipioni Naſicæ hanc decretâ legationem Plutarchus in Graccorum vita commemorat, vt tutius, honorificentiusq; in Aſia eſſet, quò proficiſcebatur, plebis ob necem Gracchi infenſe furorem, ſi Romæ ſubſtituiſſet, reformidâs.

Cic. in ora. con. Rull. Et Tyberius, dum Rhodi manet, ad velandam, neſcio quam, ignominiam, conſecutus fertur, vt quaſi legatus ab Auguſto abeſſet. Idemque prætor deſignatus liberam obtinuiſſe hanc legationem ſcribitur; ſimilem, ni malè memini, ob cauſſam, propter quam & Rhodum ſeceſſit. Cicero etiam, quò magis a curiſ quibuſque vacuus dare commetationibus operam valeret, voce Attici in libro primo de legibus legationem iſtam, ceſſationemque liberam, & otioſam ſibi exoptat. Habuit verò (quod dixit in prima Philippi-
Val. lib. 5. c. 3.
Suet. lib. 8. Cic.
Ob. 1. 2. ſam.
Ob. 9. Obi. c. 29.
Ob. 3. de legi.
vbi Turneb.
Es. 6. Cmi. c. 3.
Fig. 8.

ca) hoc ipſum ius legationis liberum: ſed dum arma fugit Antoni. Quæ ad rem hiftoricam ſatis ſunt. Poſſum etenim de Lentulo de Othone, de alijs dicere, qui libera legatione abſuerunt. Nomen porrò liberæ legationis inde (vt Manutius ſcribit) ortum videtur, quòd introire in urbem, & rurfus exire liberam legationem habentibus liceret. Nam cæteri honores, qui extra urbem gerentur, ingredientibus in urbem deponerentur. Cuiacius inde dictâ docet, quòd nullo ſit finita tempore, ſed redire, & abire ei, qui impetrauerit, quandocunq; liceat. Id, quod mihi perperam ſcriptum videtur. Nam lege a Cicerone lata annuum tempus hiſce legationibus præſtitutum fuiſſe, certo certius eſt. Et doctiſſimus (vt ipſe Cuiacius appellare hominem ſolet) Turnebus lege Iulia datum quinquennium tradit. Dixiſſet itaque Cuiacius, quòd nullo fuerit finita tempore, quòd redire, & abire quâdocunq; licuerit ei, qui liberam legationem impetraſſet, ſic nominatam fuiſſe, & ſcripſiſſet benè. Quamquam quid dico, Scripſiſſet? exſcripſiſſet. Budæus enim ſcripſit. Inquit iſte ſic dictâ legationem hanc, quòd nullo tempore, vel loco circumſcripta, nullis rationibus reddendis obnoxia ſit. Adde tu, quòd impetrata an vt impetrator voluerit, ſux poteſtatis eſſet. Altera enim quæ ob cauſſam publicam iniuncta erat, neceſſaria dici merebatur, quam non obire, haud licebat. Alexander ab Alexandro, qui ſcribit, dictam illorum quoque liberam

beram legationē qui difficillima quæque explicaturi in prouincijs a Senatu nomine legatorum mittebantur; illam rationem addit, quod soli sine consule, aut prætore legati munere fungeretur. Cæterum fateor incognitum mihi, vbi ista legatio isto nomine nuncupetur. Auctorem itaque (vt dicitur) pro re pono. Duos verò lectores obeuntibus liberas legationes dari solitum, in oratione pro Quinctio, notatum est ab interprete. Qui quoque docet, Senatoribus necessariò aliquam huiusmodi remissionem impetrandam fuisse: quoniā Roma abesse aliter non concedebatur. Et in libro de Senatu, ad finem, Senatusconsulto & de re isthac priuata deliberatum, scribit elegantissimè.

ex ep. Caius lib.
12. fam.
Mann. in ep.
1. lib. 11. Fam.

CAP. IX.

Quorum esset apud Romanos cura mittendi, & excipiendi legatos.



EXPLICATIS omnibus legationum generibus, sequitur, vt reliquam tractemus historiam, atq; nouo huic operi principium illud tribuamus: Qui Romæ istam partem cum mittendæ, tum excipiendæ legationis curarent. Siue enim sit Romana historia omnium nobilissima, & cognitu dignissima: siue ea mihi ignota est minus: de ipsa certè explicatiùs, quàm de alijs, dicendum videtur. Propositam autem quæstionem dissoluit Polybius, qui in Senatum perspicuè curam hanc totam reiecit. Ait enim libro sexto quod a Romanis si legatio aliqua mittēda fuisset, quæ vel aliquos conciliaret, vel hortaretur, vel bellum denuntiaret, aliudue quid ageret, Senatui id muneris incubuisset. Et sanè ita se rem habere vniuersa Liuij historia contestatur. Vbi legationes a Senatu missas & semper, & multas admodum legimus. Nec verò huic sententiæ repugnat Varro, qui Senatus, populiq; nomine legatos missos adseuerat. Nihil enim communi nomine missos, & lectos tamen a Senatu fuisse, vetat. Cicero id voluit populo communicare illo legum suarum versiculo: *Imperia potestates, legationes, cū Senatus creuerit, populusue iussit, ex urbe exeunto*. Et non tantum ipse per se Senatus deligebat legatos, sed & per Consulem aliquā-

lib. 4. de lin. lat.

lib. 3. de legi.

*Lib. 31.**Lib. 19.**Lin. lib. x. 33.**37. 39. 40. 45.**Ioseph. lib. 14.**antiq. c. 16.**Lin. lib. 39.**Lin. lib. 23. 30.**37.**Lin. lib. 8. 37.**&c.**Lin. lib. 39. 40.**43.**Lin. lib. 34.**Suet. in Claud.**& Lin. lib. 1.**Lin. lib. 7.**Lib. 5. 7. 9. 27.**Lin. lib. 37. 42.**Plut. in Scip.**Not. pro imp.**Ro.*

do idem expediebat. Consuli (inquit Liuius meus) a patribus permissum, ut quem videretur ex ijs, qui extra Senatum essent, legatum mitteret ad bellum regi indicendum. Et alibi. Consules decem legatos, quos ijs videretur ex Senatu legere, quos cum prætore mitterent &c. A Senatu etiam, qui Romam veniebant, exceptos legatos, docet Polybius, Liuiusque: & in Senatum a Consule introductos, aut hoc absente, a prætore, siue urbano, siue peregrino, quem id agere Senatus iussisset. Sed & a Dictatore, equitumue magistro, ut alij indicant. Immo & ab his scio legationes in Senatum deductas, qui missi ipsi fuerant ad aliquem imperatorem re benè gesta, & redierant. Sed & illud fecit prætor. Patres de legationibus consulebat, monebatque, ut si quis quid voluisset legatos interrogare, id ageret. Quare Senatorum frequentes huiusmodi interrogationes videmus. Item respondebat legationibus & prætor: sed id tamen, quod Senatus iubebat: cuius scilicet hæc erat potestas respondendi, quod videbatur. Quique non magistratibus tantum aut potuit, aut voluit negotium hoc demandare, verum & vni mandauit Senatori. Eius moris, cuius libro quinquagesimo sexto meminit Dio, quod Senatores tres legationibus responderent, ego aliud nullum testimoniū habeo. Et fieri potest, ut hic mos fuerit recens inductus. Quando tamen mox nullis cum arcanis dominatio exercebatur, ipsos imperatores respondisse in Senatu legationibus noui: & regum temporibus reges. De rep. sunt, quæ diximus. In qua nec Consules sine iussu Senatus id sibi adsumere valuerunt: nec vel illud facere, ut populus etiam legationem audiret. Quod ex Publicola Plutarchi liquet, & ex Liuij non vno loco percipimus. Et de reip. temporibus querendum sanè fuit propter mixtam illam trium rerump. formam, & admirabilem nexum. Hoc ergo ostendimus in præsentia, tota Senatus, liberamque fuisse curam mittendi, excipiendi legatos, & qualiter agi cum iisdem deberet. Quæ & ex alijs mox firmabuntur. Illud notissimum puto: ab ducibus, magistratibusque, qui extra urbem erant, legatos mitti consueisse, excipique ad se venientes: & id quidem modo præsentem concilio factum, modò arbitris omnibus remotis, ut ut libuit imperatori, magistratuiue. Sed non omitto dicere, quod sub Augustis magister epistolarum legationes ciuitatum

ciuitatum tractabat: & quod sub magistro Officiorum agentium in rebus (aliunde petatur horū numerum explicatio) interpretes omnium gentium erant. Magistratum verò horum interpretum extitisse, indicat Procopius satis libro secundo de bello Persico. Nunc videamus de legandi modo.

CAP. X.

*Disceptatum de loco Taciti, an sorte ducerentur,
qui legationes obirent.*



LEGATOS, temporibus reip. flagitantibus, mitti solitos, & alij scribunt, & probè nobis compertum est. Illud ego non intelligo, quod libro quarto historiarū Tacitus ponit; magnam agitatam in Senatu controuersiam, si electione, an sortitione sumi legati debuissent, qui Vespasiano occurrerent: & quod pars vicerit, quæ sortiri legatos secundum vetera exempla voluit. De his mihi exemplis non constat. Et mirum est, nullum nec expressum, nec eius rei vestigium aliud in toto Liiuo extare, ipsiusue Tacito, alijsque, quos legere contigit, rerum Romanarū scriptoribus. Magistratus sortitos prouincias, templorum dedicationes, ius dicendi dictatorem milites etiam sorte, non delectu, quandoque vocatos legimus, & id generis reliqua. Sorte euenire iurisdictionem, rem illam illi, & euenire absque sortis mentione scriptum videmus. Nullum deprehendimus huiusmodi verbum in hoc, cuius tamen mentio est frequentissima, negotio legatorum. Quid? Maiores natu viros missos lego, nobilissimos, decretos, lectos, aptos præ cæteris rei gerendæ. Quid Ciceronem, Seruium, alios tanta cum disquisitione electos, legatos memorem? Verisimile profectò mihi non fit, ut sorte ducerentur, qui legationes obirent. Et si hoc dicat Tacitus. Nihil hîc disputo de eo, quod fieri debet: nam eligi legatos oportere, non sorte duci, Aristoteles lib. 4. Politicorum probat. Et Socratica collatio, quam idem alibi ponit, oppidò quàm facit ad rem præsentem. Sorte scilicet legatos creare non aliud esse, quàm & athletas sorte eligere, & nautas: quasi non ex viribus, & ex peritia, sed casu & nauigatio, & lucta peragatur. Etiam sapientissimus

*Tur. ad lib. 3.
Cic. de leg. 1. lib. 42.*

*App. de be.
Hist.*

*Liv. lib. 2. 3. 27.
29. 31. 42.
Phil. 9. 12.*

Lib. 2. Rhet.

Adu. Colut.

Nestor Plutarco reprehenditur, quòd eligere de quibusdam heroibus præstantissimum cum deberet, rem fortunæ & sorti commisit. Cæterum defendi Pylius potest. In nostro argumento eorum apud Tacitum oratio, qui sortem obtrudentibus aduersabatur, partem hanc satis confirmat: & nostra libri tertij cuncta disputatio rem exploratissimam faciet. De re igitur gesta hîc sermo est. Quid ergo? An de ea legatione loquitur Tacitus, quæ ab vnoquoque confici valuit? Magistratus quidem, qui peritia non indigent, & arte, minimos etiam tribui sorte posse, ac solere, tum ex Aristotelis non vno loco, & Platone, tum nostra etiam ratione cognoscimus. Num statuimus ius hoc sortitionis ordinari in quæstione nostra, & extraordinarios casus, quos retuli? Non probò. An igitur sequutum Tacitum opinabimur illius disceptationis rumorem, nec quidquam intuitum rei veritatē? Si nota historico non aspergitur, senatuique vniuerso. Non definitio. Vtrum ergo placet magis, sortem hîc adhibitam dicere eo modo, quo in alijs relatis speciebus scimus adhibitam? & lectos, qui possent legatione fungi, sorte ductos, qui fingerentur? Quid si nec illa lectione opus fuisse in Senatu Romano existimamus? Etsi sub Imperatoribus Senatus ille nec regum, nec deorum, vt olim, personis constabat, at longè deterioribus: quod ipse Tacitus notat *Annalium* primo. Nihil extrico. Doctissimi interpretes nec attingunt. Ego & illud scio, quod aliàs deligi ex omni ordine, non ex Senatu tantum, legati solebant: atque eò respiciunt *Virgiliana*

*A lib 6. Polit.
Lib. 1. R. S.
& in Rb. ad
Alex. P. lib. 6.
de legi.*

*Lin. lib 9. 4. 5.**Seru. ibi.*

*Tum satis Anchisa delectos ordine ab omni
Centum oratores &c.*

Ast hinc manum tollo, vbi nil nisi vmbra delineamus.

CAP. X.

De Legationum solemnibus.



EREMONIAM porro aliquam in mittenda legatione solitam adhiberi, monet nos Cicero in oratione, quæ est pro Roscio Amerino. Vbi tamen de omni legatione ab oratore id dictum inuidiosè, interpretes tradunt: & in

Hu. Freig.

ijs legationibus solum verum fuisse, quæ ad fœdera facienda, aut leges pacis dicendas, bella indicenda mittebantur. Sed quæ hæc ceremonia fuit? Libet rem totam exscribere ex Liuiio. Fœdera (inquit ille libro primo) alia alijs legibus, cæterum eodem modo omnia fiunt. Fœcialis regem ita rogabat: iubésne me, Rex, cum tali fœdus ferire? Nominabat eum, quo cum fœdus fuerat ferendum. Iubente rege: Sagmina, inquebat, te, Rex, posco. Rex dicebat: Puram tollito: Fœcialis ex arce graminis herbam puram afferebat: postea regem ita rogabat: Rex, facisne me tu regium nuntium populi Romani Quiritium? Vasa, comitesque meos? Rex respondebat: Quod sine fraude mea, populi que Romani Quiritium fiat, facio. Fœcialis aliquem patrempatratum faciebat, qui ad iusiurandum patrandum, id est fanciendum fiebat, & verbenâ, caput capillosque tangens fœdus multis verbis longo effatis carmine peragebat. Legibus deinde recitatis. Audi (inquebat) Iupiter, & tu audi (appellabat illum, quo cum fœdus percutiebat) vt illa palam prima, postrema ex illis tabulis, cerâue recitata sunt, sine dolo malo, vtique ea hîc hodie rectissimè intellecta sunt: illis legibus populus Romanus prior non deficiet. Si prior defexit publico consilio, dolo malo, tu illo die Iupiter populum Romanum sic ferito, vt ego hunc porcum hodie feriam: tantoque magis ferito, quanto magis, potes, pollesque. Id vbi dixerat porcum saxo scilicet percutiebat. Hæc ex Liuiio. Et eadem in pacis conuentione seruata, idem in fine trigésimi libri ostendit. Ipso autem libro primo belli indicendi ritus sic descripsit. Legatus, vbi ad fines eorum venit, quibus indicendum est bellum, capite velato: Audi, Iupiter, inquit: audite fines: (cuiuscunque gentis sunt nominat) audiat fas. Ego sum publicus nuntius populi Romani, iustè, pièque legatus venio: verbisque meis fides sit. Peragit deinde postulata, propter quæ, ni fierent, bellum mox erat indicendum. Inde Iouem testem facit: si ego iniustè, impieque exposco ista, tum patriæ compotem me nunquam sinas esse. Hæc cum fines suprascandit, hæc, quicumque ei primus vir obuius fuerit, hæc, portam ingressus, hæc, forum ingressus, paucis verbis carminis, concipiendique iurisiurandi

*Vide & Gell.
lib. 16. c. 4.*

mutatis, peragit. Si postulata non fiunt diebus tribus & triginta (tot solennes sunt) peractis, bellum ita indicit: Audi Iupiter, & tu Iuno: Quirine, Dijque omnes coelestes, vosque terrestres, vosque inferni audite: Ego vos testor, populum hunc iniustum esse, neque ius persolvere. Sed de his rebus in patria maiores natu consulamus, quo pacto ius nostrum adipiscamur. Cum his Romam ad consulendum redit. Confestim rex patres consulebat. Decreto bello, foecialis hastam ferratam, aut sanguineam praestitam ad fines eorum ferebat, & non minus tribus puberibus praesentibus dicebat: Quod hic populus aduersus populum Romanum Quiritium fecit, deliquit, quod populus Romanus Quiritium bellum cum hoc populo (nominabat populum semper) iussit esse, senatusque populi Romani Quiritium censuit, consensit, consciuit, ut bellum cum hoc populo fieret: ob eam rem ego, populusque Romanus huic populo, hisque hominibus bellum indico, facioque. Id ubi dixisset, hastam in fines eorum emittebat. Haec de solemnibus, quae (ut arbitror) non frustra descripsi. Declaranda verò in ipsis quaedam sunt.

CAP. XII.

De Foeciali, & Patrepatrato.

FOECIALIVM fuisse Romae collegium, libro secundo Dionysius scribit, & id Romanorum inuentum. Qua in re sibi adstipulantem habet Plutarchum, qui acceptum institutum hoc Numae refert. Fuisse tamen & Samnitibus foeciales indicat in fine libri octauo Liuius. Et morem illum haste emittendae etiam Persarum commemorat Ammianus. Sed haec stare simul possunt. Illud videndum est, quod habet Liuius, qui cum supradictis conueniat auctoribus. Illi & alia, & rationem indicendi belli foecialibus a Numa expositam tradunt. Liuius Numae instituta persequitur diligentissime: nec tamen rem tantam illi regi adscribit: immo adscribit disertè Anco. Ut tamen (ait de isto) quoniam Numa in pace religiones instituisset, a se bellicae ceremoniae proderentur: nec gererentur solum, sed

etiam

etiam indicerentur bella aliquo ritu, ius ab antiqua gente Æquiculis, quod nunc Fœciales habent, descripsit. Mirum mihi præterea est, quod in tanta inopia gestorum Numæ Liuius de nullo fœcialium instituto scribat: & illud magis, quod nec alibi vel verbū scribat. Verū alijs, qui scribunt, in re ista stemus, & Numæ institutum credamus: nam meminit & Liuius fœcialium mox sub Tullo. In priori est difficultas: nec video, quid dicamus aliud, quàm quod & de Hercule, & de ipso hoc Numæ, & de primis rerum inuentoribus dici solet. Quæ vnius heroica illa facinora Herculis memorantur, vnius non fuere: sed collata in vnum sunt vel præstantiorem, vel quem talem reddere auctores voluerūt. Sic instituta religiosa ad Numam referantur omnis religionis fontem, atque parentem: quo ille insignior ostendatur. Id quod accidere primis rerum auctoribus solet, vt ipsis & ea dentur, quæ ab alijs postea inuenta sunt. Atque Numæ tantum contigisse, maxime si de alio auctore nō liquebat, me legisse, scio. Cætera de fœcialium & nomine, & munere non libet exscribere. Qui isthæc cupit, Dionysium, Plutarcum, Nonium adeat. Ego quæ sunt legati propria absoluo. Legati nomen fœcialis tenet cum ad fœdus ferendum, aut indicendum bellum proficiscebatur, ad res repetendas, ad iubendum alicunde aliquem decedere, ad aliquem dedendum. Vt Liuium liquet versantibus. In quo illud obseruatione dignum est quod sine duobus fœcialibus factum fœdus inutile prorsus existimabatur: bellum indici per alios etiam ritè potuerit. Item quod per fœciales tum res repetebantur, cum per alias legationes absolui nihil potuisset. Quod colligo ex quarto Liuij, & ex eo, quod missio fœcialium erat præambulum quasi ad bellum. Porro, fœciales quatuor ad res repetendas proficisci solitos, Nonius scribit. Sed multa de fœciali. De Patrepatrato vnum. Creari iste non poterat nisi & patrem haberet, & filios. Quod mihi ex Plutarchi problematibus retulit Alciatus, dum illud Catullianum.

Lib. 9. 10. 38.

Lib. 31. 36.

Lib. 11. Patr.

c. 9.

*Quæ suis careat sacris,
Non queat dare præfides
Terra finibus, &c.*

in nomine præfidis de patrepatrato accipit, qui fœcialibus præfuerit.

Lib. 6. de Simp.
m. fa.

Lib. 22. c. 2.

Lib. 4. c. 56. &
57.

Diosc. lib. 4. c.
28.

Lib. 12.

Scal. lib. 4. par.
4. 5.

SPECIALIBVS herbas traditas vidimus, easque Sagmina, gramen & verbenas esse nominatas. Quæ igitur istæ herbæ? Vnâ, an plures erant, vt nomina? Nominat Galenus Pamphilum quendam, qui herbas, quas vidisset numquam, ex libris depingeret: & præconem indicia prouocantem, ait, sæpe oculis obuertantem rem non cognoscere, quam minutissimè alijs designat: & cum Pamphilum herbas non agnouisse, si sibi quisquam ostendisset, quas depinxerat. Vereor autem, ne & ego aliquis huiusmodi sim in tractatu isto. Sed, si quod possum, id & communico alijs, & quale ipsum sit fateor: ceddò, vbi est vitium? Plinius non obscurè herbam vnâ opinatus est tribus illis nominibus significari, & quarto adhuc, quod est Verbenacæ. Sed istam cum a Verbenâ peritissimus Dioscorides longè diuersam, maximè foliorum colore constituat, quæ Plinio adsentiemur? Verbenâ numquam singulari ramo, radicèque vnica (quod sæpe Verbenacæ euenire Dioscorides tradit) inuenta est, sed pluribus semper. Magnitudo item, & facultates diuersissimæ sunt Dioscoridi: Plinius vtrique tribuit easdem vires. Non est igitur Verbenacæ in rem præsentem ducenda. Errandi autem causam Latino fuisse crediderim, quòd & Verbenacæ, & sacre (hæc verbenâ est) herbæ idem Peristereon nomen a Dioscoride tribuatur. De Gramine & Verbenâ maius negotium. Liuius enim videtur eandem facere: & tamen differentia longè maior Verbenæ cum Gramine est, quàm cum Verbenacâ. Opinari non possumus, graminis nomine vti Liuium pro herba: inquit enim. *Ex arce graminis herbam afferebat.* Sed & gramen, & verbenam reor adhibita ex illis Virgilij.

*Rutulique viri, Teucrique parabant
In mediòque focos, & Dys communibus aras
Gramineas: alij fontemque, ignemque ferebant
Velati lino, & verbenâ tempora vincti.*

Sagminum nomen & herbæ proprium: Verbenæque sic dicebatur antiquitus, quòd in loco sancto secaretur: vt ait Festus. Vel, quod

quòd ad fœdera faciendâ adhiberentur. Aut quia (id voluisse Marcianus I. C. videtur) Sanctos, id est, defensos, atque munitos facerent eos, qui ipsas portabant. Nam cum sua terra solitas euelli, non secari, Plinius tradit. Hæc de ipsa herba. Sequitur illud: Cur ea Romani hîc vterentur. An quia Æneadæ Romani, & Æneadû genetrix Venus, & Veneri Verbenas adolebant, & Venus conciliatrix quædam discordiarum est? Certè altera Veneris arbore Myrto in re ista vfi sunt antea: Si Alexandro ab Alexandro statum, qui id ponit libro quinto, capite tertio Genialium. Et gramen, altera herba, Marti alteri parenti sacrum fuit. Illam sententiâ iuuat, quod in fœdere iciendo, & pace ineunda, non in bellis indicendis fuerat Verbenarum vsus. Vt ego ex eo Liuij loco, quem de ritu belli indicendi recitaui, collectum verius credo, quàm quod Plinius, Festusque contrarium notant. Lanæ filo bellicos hos legatos facit velatos Liuius. Attamen, si nostra non placet opinio; adsit Plinius, qui ad legatorum auctoritatem augendam, non quidem Verbenas nominat, sed herbas datas dicit: quasi vt perhiberetur auctoritas tanta, quanta surdis etiam herbis, mutisque indicari queat. Mihi placet ratio propior. Et ea firmatur, quod Verberna (vt ipse testatur Plinius) priuilegijs pluribus donata est. Plinio tamen concinere videtur I. C. dicens: Sanctum est, quod ab iniuria hominum defensum, atque munitum est. Sanctum autem dictum est a sagminibus. Sunt autem sagmina quædam herbe, quas legati populi Romani ferre solent, ne quis eos violaret. Quid quid verò est: habes iam ecurr herba, ista herba, & in quem finem vterentur legati. Nec de ipsa sunt plura. Cum Silicibus longam moram non facio. In quem vsum portaretur, patet ex Liuij non vno loco. Porcus feriendo fœdere feriebatur. Dixit & Virgilius libro octauo.

Et caesa iungebant fœdera porca.

Credo autem soni vastioris vitandi gratia diuinâ poetam vitasse masculinum genus: non quòd sacra voluerit præstantiora designare, quæ victimis scæmininis adsumptis talia sunt. Porcum autem cur cæderent Romani, opinor ex Coruini libello de Romana historia posse explicari. Instituti mei non est, vterius progredi. Ab Annibale agnum in solenni quodam promisso mactatum, legi.

L. B. D. de vi
din.

Lucr. lib. 1. Vir.
lib. 8. Horat. od.
19. lib. 1.

Alc. smbl. 26.

Lib. 35. c. 9.

L. B. I. 9.

Lib. 30.

Gell. lib. x. c.
30.

M. lib. 7.

Lib. 30.

Restat, vt, quid priui nomine intelligi putem, paucis perstringam. Nam inquit Liuius: *Fœciales cum in Africam ad fœdus ferendum ire iuberentur, ipsis postulantibus Senatusconsultum in hac verba factum est: vt priuos lapides silices, priuasque verbenas secum ferrēt.* &c. Ego priuos lapides puros, & priuas verbenas puras interpretor. Dicebat enim Rex: *Puram tollito.* Ait Liuius: *Puram attulit.* Et conuenit interpretatio cum Grammaticorum opinione, qui priuum esse proprium docuere, & inde priuilegij nomen constare, quod propria alicuius lex est, non communis. Et isti quoque lapides, & istæ herbæ non communes, sed propriè priuatimque ad rem præsentem excisi, euulsæ fuerint. Nam quid eidem auctori nostro sunt alibi priuæ tunicae? Puras, nouas ego existimo. Vt vasa pura in Captiuis Plauto omnino sunt, quæ in alio vsu non fuerunt. Voluerint scilicet Romani sic & religionem plenè colere. Quare & ex loco sacro omnia ista accipiebāt. Lapidēs (auctore Festo) ex templo Iouis Feretrij. Vnum porrò legatorum verbenā portasse Plinius scribit. Vnde & Verbenarij nomen illi. Tandem moneo ex Festo, Consulem mox, Prætoremque hæc legatis in libera rep. tradidisse, quod olim reges fecerunt. Et Festum Liuius comprobatur. Itaque in tota illa, quam capite vndecimo descripsimus, solenni legationis designatione, cum in rep. sumus, expungendum regis nomen erit, & Consulis, vel Prætoris introducendum.

CAP. XIV

Explicatum principium L. 7. D. de sup. leg.

L. 8. au. lib.
27. c. 14.

IXIMVS de ijs legationibus, in quibus adhiberi ceremoniæ solebant, & de his ceremonijs non pauca. Iam vnum, quod commune est omnium legationū videamus. Scribit Celsus I. C. originem fuisse Suppellectilis. quod olim his, qui in legationem proficiscerentur, locari solerent, quæ sub pellibus vsui forent. Ego, vt rectè omnia capiam; nec Rhodigino assentiar, qui pro *in legationem* reponit *in legionem*: in eo tamen, quod de locatione scriptum est, subsisto paulum. Docet libro trigésimo Liuius, tabernacula, & militarem suppellectilem Consuli præberi, morem fuisse. Et libro quadragesimo

fimo secundo, Omnes magistratus, inquit, mulis, tabernaculisque & omni alio instrumento militari ornabantur, ne quid tale imperarent socijs. Priuata hospitia habebant: ea benignè, comitèrque colebant: domusque eorum Romæ hospitibus patebant, apud quos ipsis diuerti mos esset. Legati, qui repente aliquo mitterentur, singula iumenta per oppida, iter quàm faciundum erat, imperabant. Aliam impensam socij in magistratus Romanos non faciebant. Hactenus Liuius. & in eandem sententiam Cicero Verrina sexta. Atque quod hinc volo, dari eam supellectilem solitum proficiscentibus in legationem, id liquidò & ex ea formula patet: *Facis me regium nuntium, vasa, comitèsque meos?* Militare enim verbum *vasa*, & *vasa colligere*; quo militaris suppellex significatur. Et ita euandidum est, quod Rhodiginus substituit. Si enim eadem ratio, quæ firmat etymologiam, legendo *in legationem*, firmat etiam lectionem receptam: quid hanc immutamus? quid in deterius mutamus? Cedò, an vsitata phrasis, *in legationem proficisci*. Proficiscentibus ergo cum potestate, aut legatione isthæc dabantur. Dabantur autem (vt scribit Liuius) ne quid oneris socijs apportaretur: aut (quod docet Cicero) occasio auarè agendi præbita magistratibus esset, si emere in prouincijs ea ipsi debuissent. Nos, ad legatos quod attinet, commentari aliam probabilem causam possumus: quod scilicet proficisci legati viderentur, quasi nullus eos esset hospitio excepturus. Nam aut ad hostes ibant; & ab his quid hospitalitatis officia expectassent? Ipsi Romani nihil comiter, nihil hospitaliter hostium legatis, aliorumque, in quos fuissent infensi, præstare consueverunt. Aut ad amicos ibant: quibus vel oneri esse noluerint; vel ab illis pendere non placuerit, vt sub diu degere legatio, inuè sordido diuersorio perindecore debuisset, si amici aliter non prospexissent. Idem noster historicus quandoque narrat, Senatori Romano quid factum Præneste sit. Audimus Ciceronis quærelas ea Verrina sexta. Habet in selectis de legationibus Polybius duriora, quæ C. Fannius legatus passus in Illyrio est. Frigida amicorum studia ignoramus? Quid quoque (sit alia ratio) si cogitarunt Romani legationem, quàm possent, maxime a ciuilibus commercijs continere; cum sit legatio iurigen-

Lin. lib. 45.

Lin. lib. 42.

tum? Hæc verò illuc spectant omnia, vt cognitam mihi (quod dixi) ostendam totam Celsi sententiam; & ipsam esse veriore in lectione recepta. Nec enim istæ rationes ad Cælianam quadrant. Quod ergo vnum de locando scribitur, illud me remoratur. An enim facerent sumptuum quoque iacturam legati? Opinari licet verbum *locandi* pro *commodandi* verbo vsurpatum. Et est adfinitas vtriusque maxima: cum vtroque vtenda res concedatur. Atque sic vsus Liuium existimo libro quadragesimo tertio. *Munera* (inquit) *binum millium aris legatis missa, & vehicula Miccioni* (is vnus legatorum erat pedibus captus) *publicè locata, quæ eum Brundisium commodè perueherent.* Et libro præcedenti. *Ea regis legatio grata Senatui fuit. Deceuerunt, vt Cn. Sicinius pr. ædes instructas locaret, vbi filius regis, comitésque eius habitare possent.* Posses etiam apud I. C. accipere verbum *locandi* pro altero *conducendi*. Quod frequens fit. nec non faciunt loci Liuiani. Atque ita nihil esset, quod nos moraretur: nam ab alijs, prætore, quæstore, non ab ipsis legatis conducì illam suppellectilem diceremus. Potes & nihil deflectendo a proprietate verbi, locatam legatis suppellectilem credere: quoniam & legatium ipsis daretur. Si scilicet Romani sic agebant cum suis, vt cum suis agebant prouinciales, & Athenienses cum suis. Prima expositio magis placet. Et sanè in verbo obiter vsurpato supersticiosos esse non dect.

Lin. lib. 45.

CAP. XV.

De loco, temporèque excipiendarum legationum.



VM Senatus hanc curam esse dixerimus excipiendi legatos, qui Romam mittebantur: videtur, exceptos vbique fuisse loco apto habendo Senatui. Quod & verum, & notissimum est. Aptus autem locus qui fuerit, mei propositi non est declarare: & facit plenè in libro de Senatu Manutius. In Comitio video quosdam

Lin. lib. 45.

dam steterisse expectantes, ut in Senatum introducerentur. Erat autem fori pars Comitium ante Curiam. Erat verò & Græcostadium, ubi sedere solitos legatos, ex Varrone norant. Inde intra Curiam, ubi erat Senatus, vocabantur. Et hæc, si oppidum legatos intrare volebant. Oppidum ea Romæ pars dicta fuit, quæ intra moenia erat. & ab urbe differebat. Etsi nostris iuriconsultis aliter visum sit, & alijs, ipsique Liviø hæc appellationes confunduntur. Excipere autem in oppidum legatos hostium moris non fuit: nec aliquarum gentium externarum admittere quandoque placebat. Hos extra urbem excipiebant vel in æde Bellonæ, senaculouè iuxta posito, vel in Apollinis, fortè & in templo Herculis, alteriùsue peregrini Dei, quod esset positum extra urbem. In quibus templis & ciuibus his Senatus dabatur, qui, cum in imperio essent, ingredi urbem legibus vetabantur. Fortè tamen & istis erat in urbem aditus: si placuisset Senatui. Atque sat scimus, Cyncam Pyrrhi legatum ingressum. Facit etiam quod de legatis Persei, Cotysque scriptum a Liviø est libro quadragesimo secundo, & quadragesimo quinto. Certè attendebant Romani multum huic consuetudini, iurique. Et Numantinorum legatos non admiserunt, ne foedus, quod nolebant, confirmare eo facto viderentur. Cur verò legati hostium in oppidum non admitterentur, ratio manifesta esse potest: nempe quia & priuatos inimicos nec recipimus in priuatas aedes, nec recipiebant ex antiqua formula. Iidem legati hostium, si in castra venissent, in Quæstorio excipiebantur. Ut ex manuscripto Hygino alij nobis renunciarunt. Hastenus de loco. De tempore illud. Mense Februario & prouincialium, & externorum audiri solitas legationes. Istud multi adnotarunt. Quale tamen sit, per eos haud intelligo. Nihil de prouincialibus loquor: his enim, cum essent sub imperio, statui dies poterat, in quem venirent. Sed si amicus rex, aut etiam externus legationem misisset pridie Kalendarum Martias, an manendum legatis annum fuisset? Video etiam auditas omni tempore legationes. Quid igitur? Datum illud tempus (& id legi alicubi) Senatoribus crederem, quo ab alijs negotijs sub eo prætextu otium esset. Nihil enim agi aliud potuisse videtur. Obseruo tamen, ut initis statim

*Egn in Pi. Cap**L. 2. de ur. fig.**Liv. li. 3. 4. 37.**39. 41. 42. &c.**Fest.**Flor. lib. 1.**Dio in selest.**Lip. ad lib. 1.**ann. Tac.**Alex. li. 4. Ge.**c. x.**Manu. Verr. 3.*

Lin lib. 28. 39.
40. 44.

Alex. li. 2. gen.

Debe. Mirr.

magistratibus huic vni curæ audiendarum legationum circa illa tempora vacaretur. & , vt tum temporis multæ admodum legationes Romæ esse solerent. Atque hæc ita videntur. Gressu autem paulum retroacto, & illud notemus, quod si incognita aliqua legatio Romam aduentabat, ei obuiam & alij exploratores, & maiores magistratus procedebant, quo & de personis legatorum, & de ipsa legatione fierent certiores: atque ita deliberari Romæ posset de tota ratione, quæ seruari debuisset in ea legatione excipienda. Quæstorem, qui sumptu publico duceret, deduceretque in aliquam viæ partem, a Romanis missum legimus non vno loco. Sed & in selectis Polybij obseruauimus, itum his obuiam legatis, qui gratulandi causa Romam adueniebant. Speculatores apponi legationibus solitos arbitror, si timebatur, ne quis per eam corrumperetur. Nam huiusmodi cautionem commemorat alicubi Appianus. Sic volunt alij, datum legatis hospitium publicum, ne quid intra priuatas ædes machinarentur. Et iidem ex Demosthene narrant, a Philippo eos punitos, qui legatos priuato hospitio exceperant. Quod hic recensui, etsi non sit Romanæ historiæ: quia ad hanc facit.

CAP. XVI.

De muneribus, alijsque hospitalibus, quæ Romanis legatis Romam aduenientibus præstabant.

Lib. 45.

App. & D. in Select.

LEGATIS Romam venientibus munera dari solitum, aliaque hospitalia comiter a Romanis præstita docet libro quadragesimo secundo Lilius: sed socijs tamen & amicis, vt alibi ostendit. Verum & hostibus dedisse hospitium in villa publica notat libro trigésimo, atq; trigésimo tertio: imò etiam lautia. Quamquam non tam hostium hi erant legati, quibus hæc præbita dicuntur, quàm deuictorum, supplicumque, & tantum non se dedentium. Eorum, qui etiamnum hostes starent, datum nihil legatis videtur. Etenim de Cynea solum, & legatis Numantinorum quibusdam diuersum legi.

gi. Cum alijs, etsi hi visi essent indignissimi, beneuolè eò vsque actum lego libro quagagesimo quarto, vt munera etiam illis mitterentur. At quæ illa erant amicis dari consueta? Locus, Lautia Munera. Loci nomine ædes liberas accipio, libera loca. quod & Liuius ait. Et liberi appellationem ego ad ius magis retulerim; & proximo libro explicabo. Lautia quæ sint, Plutarcus docet. Vocantur (inquit) lautia legatis missa Xenia. Sunt sumptus. Ex quadragésimo secundo Liuij. Quos omnes sub falis & lignorum specie aliquando Horatius intellexit, Porphyrio enarratore. Atque apud hunc scriptum est, parochos, qui isthæc legatis regum, populorumque parabant, dictos latinè copiarior: quòd omnium rerum necessariorum copiam supradictis præberent. Sic verbum *copia* alicubi apud I. C. pro com meatu: & alibi castrense verbum *copiari*. Quæ Duarenus docuit lib. i. Disp. c. 26. Pro Lautijs antiqui Dautia dixere: vt Festus tradit. Et eodè auctore Lautia dicta nos opinabimur a magnificentia præbitionis. De muneribus quid scribam? Et legatis, & aliquando comitibus ipsorum dabantur. Singulis verò supra centum coronatos datos, legere me non memini. plerumque viginti dabantur. nisi scilicet persona aliqua insignis aduenisset: aut qua alia causa singularis intercedere visa esset. Nam filio Masinissæ munera data ex centum pondo argenti sunt. quæ mille coronatorum esse dicuntur, atque regis Antiochi legato totidem, hoc est, cētum millium æris missi sunt. Quod commodè facere potuerunt Romani, quando hic donum attulit vasa aurea quingentum pondo, sex scilicet & quinquaginta millia coronatorum. Attalo etiam regis Eumenis fratri, optimèque merito de re Romana, munera data, equi duo, bina equestria arma & vasa argentea centum pondo, & aurea viginti pondo. Et quidè quòd parciores fuissent in re isthac Romani, quàm e dignitate tati imperij videri potuerit: vel eò referatur, quòd se datores respici voluissent, quàm rem datam: vel quòd in tanta legationum frequentia, nec consultius fuisset, existere liberaliores. Ac narrat Plutarcus, solitum primò, vt legati Quæstoribus nomina darent, quæ in publicas tabulas referebantur. et mitti a Quæstoribus munera. et ægrotos publico sumptu curatos: & funeratos mortuos. Postea, cum nimia (vt dixi) frequentia legatorum esset, desitum

Liui. lib. 27. 30.
35. 42.

in probl. Ro.

Sisy. 5. lib. 1.

Liui. lib. 28. 30.

Liui. lib. 42. 45.

Liui. lib. 35.

In quæst. Rom.

L. 32. D. ex qui
co. 32.

L. 6. D. de bo.
dam.

L. 16. & l. pe.
C. de cur. pub. l.
8. de vect. l. 4.
de commerc.
Lin. lib. 43.

dari munera, dari sumptus. retentum solum morem nomina describendi. Quod verum est. Et Modestinus I. C. vel ad ærarium in Saturni (vt ait Plutarcus) æde nomina edi legatorū, vel in principis commentarium referri solita, scribit. Quod & ad prouinciales, & ad suos Romanorum, Principisue pertinere potest. Illud referre pudet, quod habet Vlpianus, vt ex pannicularijs munera legatis barbarorum a magistratibus prouinciarum cogerentur. Datur eodem iure nostro legatis vtendi cursus publici facultas. Remittitur aliquid de vestigalibus. Conceditur aliquid commercij, quod alijs interdictum est. Et olim Romani Gallicis transalpinis legatis permiserunt aliquot equos ex Italia ducere. Prosecuti vero sunt discedentes & litteris commendatitijs ad reges, ciuitatesque, quā remeandum fuit. vt legi apud Iosephum libro decimotertio antiquitatum capite octauo. Et apud eundem, quod penè eram oblitus, in publicis spectaculis, loco nobilissimo in Orchestra datum confidendi locum legatis, scriptum est libro decimo quarto, capite septimodecimo. quod & Suetonius in Augusto, & in Claudio habet. Legatis suis quæ præstabāt & Romani & alij, inducam proximo libro. Hic finem esse volo Romanæ historiæ.

CAP. XVII.

Quedam Græcorum.

Sig. lib. 4. c. 7.
de rep. Ath.



HABEO autem quædam & in historia Græca, quæ omittere non placet. Athenis curam mittendi legatos populo incubuisse volunt. quod ab Æschinis oratione de falsa legatione confirmatur. Vnde & alterū cognoscimus, quod tamen ad Senatum legationes veniebant: quas præco vocaret in Curiam: de quibusque ducendis ad populum Senatus deliberaret. quæ ex Alcibiade Plutarchi rectè adseruntur. Et id postremum cum re Romana conuenit: Si tamen Senatus Atheniensis hic tantam potestatem obtinebat, quantam Romanus. Quam autem seruarent in legatis mittendis Athenienses rationem, Sigonius explicat, dicitque, merito, non sorte, ad huius fastigium muneris homines adscendisse. Et Plato
latis

fatis ostendit, dum Pyrilampem, nescio quem, probitate & dignitate hoc argumento extollit, quòd varijs, ac frequentibus legationibus ad magnum fuerit Persarum regem defunctus. Res ad rem nihil, si sorte demandatæ fuissent legationes. Obseruandum verò id est. Nam in magistratibus creandis Athenienses sorti omnia permittebant. Vt Sortiilegam eam remp. quidam meritò censent appellandam. et stolidos Socrates etiam appellauit Athenienses eadem ratione. quod Xenophon libro primo de factis Socratis commemorauit. Ego tamen, multos maximosque magistratus aliter delatos, scio. Sed ea disquisitio ab re est. Legatis suis Athenienses magnum exhibuisse viaticum, Demosthenes aperit nobis in ea oratione, quam scripsit (incertum enim ait Plutarcus, si fuerit vmquam dicta) de falsa legatione aduersus Æschinem. Et idem Plutarcus, pactum Demadem quinque talentorum mercedem legatione functum ad Alexandrum, recenset, quam refugit Demosthenes. In publica verò monumenta, & ibi solitum fuisse, nomina legatorum referri, Æschines tradit. Aliorum legatis datum scimus, vt ad cœnam, si digni visi fuissent, iuuarentur in Curiam, & laudibus ornarentur. quod idem orator habet. In publicis quoque spectaculis certum locum legatos, vbi sederent, Athenis tenuisse, Cicero in Catone ostendit Publicum & datum hospitium iisdem censemus, quia id exprobretur Atheniensibus aliquando, quod præconi cuidam hospitium nō tribuissent. Illud certum videtur, quod poterant illic legati & apud priuatos hospites esse. In theatris porrò, curijs, foris Græciam excepisse legatos cognoscimus & ab alijs, & ab libro nono Herodoti. Atque is libro septimo narrat, honorem hunc in legationes proficiscendi vni apud Spartanos familiæ Talthibiadarū datum: factique explicat rationem. Fuisse scilicet regis Agamēnonis Talthibium quendam præconem: cui & templum positum Spartæ: atque propter eum conlatam in posteros istam prærogatiuam. Ita est de Talthibio. Celeberimus Homero est. Hæc tamen narratio non est nisi de præconibus accipienda. Nam & reges, & alios missos in legationes Lacædemone memorat Aristoteles libro secundo Politicorum, & Xenophon in laudatione Agefilai. Atq; hanc distinctionem Eustatius probat. Sed qui illic sustinebant istam prouin-

*In Charmide.**Bod. Meth. hist. car. 294.**Ex Meno. Plat.**Xenoph. lib. 6. re. Græc.**Idem. lib. 5.**Iliad. 3. 4. 7.**Iliad. 1.*

Lib. 6.

Lib. 3. 4. de leg.

In Agessil.

Lin. 40

ex lib. 12. de
legi.

Lib. 5. 6. de rep.

Xenoph. lib. 6.
re. Grae.

ciam mittendi legatos? Credo Ephoris, regibusque eam curam incubuisse: quoniam illa resp. non dissimilis fuit Romana, si licet Polybium audire. Quamquam & variatam illic resp. formam nō vno ex Platonis loco adnotare licet. Habet tamen Xenophon in libro, quem de ea rep. scripsit, quod ratio hae legationis cōmissa regis diligentiae fuerit. Ad reges etiam, sed & ad Ephoros, venisse legationes, & productas istas ab iisdem in concionē, idem auctor est libro secundo, & quarto rerum Graecarum. Legationibus reges respondisse, colligimus ex Plutarco. Apud Achaos sanē praerorem, ex gētis tamen decreto, solitum legatis responsa dare, ostēdit libro trigesimo secundo Linius. Quod cum re Romana conuenit. Vt etiam illud Graecorum omnium, quod (sed in Graecia per praconem) a magistratibus potestas fiebat: si quis quid vellet de legatione audita differere. Quid de rep. Platonis dicā, cōmēter? Ea non est resp. sed votum: quidquid ille philosophus hoc nō ferat. Cum tamen libro nono, verbis solum existere eam in terris, ingenuē fateatur. Populi primores apud Mantinenses excipiebāt legatos: atq; an ad populum essent producendi, deliberabant. Ecce quomodo a Graecis institutis fluxerint instituta Romana.

CAP. XVIII.

De Caduceo, & velamentis, & reliquis solennibus.

L. 8. D. de re.
diu.

T verò Romani sagmina, ita Graecorum legati ferebant ea, quae vocantur Cerycia. vt inquit I. C. Cerycia autem caducei sunt. Etenim sic Eustatius libro Iliados secundo: *Iuppiter sceptrum* (supplicia dicunt Latini) *Mercurio dedit tanquam Cerycium*. Estq; (eodem auctore Cerycium baculus, qui symbolum sit, Caduceatorem eum esse, qui baculum portat. Et baculus est (vt scribit Suda) lignum habens ab vtraque parte duos serpentes inuicem implicatos, & se mutuò respicientes. Est autem lignum rectum, symbolum recti sermonis. Illaque anguim inuicem se contuentium species castris opposita castra significat. Et quidem ita se res habet, vt in bellis tantum, & armorum strepitu, & ardore praeliorū, certē inter hostes tantum Caduceatores interuenirēt. Hostes dico vel natura. Atque ideo opus

pus caduceatore, alioue huiusmodi homine barbaris fuit in Græciam proficiscentibus, si a Græcis mali aliquid pati nolebant: & Græcis contra euntibus in barbaras regiones. Nam cum barbaris æternum natura bellum omnibus Græcis esse existimabatur. Liquet verò id, quod de vsu caduceatorum dico ex Alcibiade Plutarchi, & pluribus locis Thucididis, meique Liuij. Vt tamen in bello tantum fuerit horum legatorum vsus: bellum tamen, hostile nihil ab ipsis audiebatur. Pacem caduceatores orabant, offerebantur: inducias petebant: corpora repetebant ad sepulturam: potestatem dari redimendorum, permutandorumque captiuorum rogabant: simile aliquid agebant, dicebant: quæ a ratione belli omnia disita sunt. *Caduceatores* (inquit Festus) *Legati pacem petentes*. Quare reprehendendi illi forsitan videntur interpretes, qui apud Thucididem, apud Plutarchum cum possent præconis nomine uti in eo legato designando, qui bellum indicit, inque pugnam prouocat, maluerunt verbo Græco insistere, & caduceatorem referre. Quod multò magis in Appiani interprete vitiosum est, qui cohortatores in pugna Romanorum eisdem hos facit. Verùm hîc ego sutor supra crepidam longè. Sed sic accepi. Placet autem, nisi aliqua interpretatione res aliter componatur, quia prouerbio etiam vsurpatum tradit Polybius, hastam & caduceum ut dicerent pro bello ac pace. Ut liceat rectè iudicare, caducei nomen pacis significationem habere. Quod & proximus Suda locus ostendit: & Gellius dicens belli, pacisque signa hastam, caduceumque. Et quod Ammianus scribit, nuncupatum Iulianum quasi caduceum mundanum lenientem. Addo Plinium, qui libro vigesimo nono, capite tertio, & alia, & hæc ad rem præsentem extulit: *Hic tamen complexus anguim, & efferatorum concordia, causa videtur esse, quare externa gentes caduceum in pacis argumentis circumdata effigie anguim fecerint. Neque enim cristatos esse in caduceo, mos est &c.* Sed quid est, quod de exteris gentibus Plinius scribit, & nos cum ipso idem affirmamus? Attende quomodo quæstiones nectantur. Narrat Gellius, a Q. Fabio Imperatore Rom. epistolam ad Carthaginenses scriptam, qua iisdem significabatur, Roma hastam ad ipsos missam, & caduceum, belli, pacisque signa: vel (ut vole-

*T lib. 1. Plin.
in Pyr.*

*Lib. 2 de be.
cin.*

Lib 4.

*Lib. x. c. 27.
A lib. 25.*

L. i. p. 18. D.
de orig. iu.

P. h. 3. L. li. 31

bat Varro) tesserulas missas duas, in quarum altera caducei, in altera hastæ simulacrum incisum fuerit. Et hic quidem in tesseris ad stipulatorem habet Pomponium I. C. Ergo & Romani caduceo utebantur. Cæterum neque Polybius, neque Linius vel tesserarum meminerunt, qui latè hanc historiam tangunt. Et non in hoc vno I. C. a Polybio, & Liuiο differt, verum & in eo, quod illi bellum a legato datum Cartaginensibus volunt: hic (qua in re discrepat etiam a Varrone & Gellio) a Cartaginensibus duas illas tesseras positas scribit, dato arbitrio oratori Romano, referendi Romam, vtram mallet, & eum vtramque sustulisse, dixisseque, Cartaginenses petere debere, vtram mallent accipere. Rursus aliud huius legati nomen memorat I. C. Linius aliud. Quid itaque a consensu summorum scriptorum, & auctoritate Plinij discedemus, vt minoribus (quamquam & I. C. in præsentī quæstione non est contrarius) scriptoribus auscultemus? Teneco, Romanos caduceo vsos non esse. Priuernates tamen vsos, populū propinquum, indico ex octauo Liuij. His iam addo, quod fuit & munus Caduceatorum certaminibus interesse singularibus, atque illis sic præesse, vt pugnam regerent, certisque terminis, vt visum ipsis esset, circumscriberent. Ita ex Platonis Protagora noto. Estque quod Tassus vsurpat in certamine Tancredis. & Argantis. atque Homerus in pugna Hectoris, Ajacisque, Iliad. 7. Sed & si rixa aliqua incidisset, caduceo (sceptrum dicitur) interposito eam sedabant. Iliad. 23. Hæcque habui de caduceo. Nisi & illud scribendum est, quod caduceatores a Ceryco Mercurij filio ortos Eustatius tradit. Ceryces dicuntur caduceatores. Et stare cum reliquis antedictis id potest. Sed an horum (omitti hoc non oportet) legatorum proprium erat, an omnium commune, qui vtrò, citroque belli tempore commeabant, quod Alexander Alexandrius scribit? *Apud Græcos (inquit) nisi præconibus adhibitis, legatis minime hostium fines ingredi licuit: neque legationis munere fungi quisquam potuit, nisi prius, infusa aqua ab iisdem, manus ablisset, Iouisque coronatis poculis propinasset.* Credo non fuisse id vllō modo caduceatoribus necesse, per ea, quæ libro proximo exponemus. Itaque hæc solennitas aliorum fuerit. Et quia in solennium tractatu nunc degimus hic ista posui. Est & quod dici

dicitur de velamentis huius loci. Supplicum verò morem hunc velamentorum fuisse, locis Liuij admodum multis constat: & Græcorum morem. Rami oleæ (icheteria dicebantur) vittis compti, siue lana obuoluti erant. Ipsi & supplices oratores, qui veniam petebant, vel auxilium, vittis redimitti procedebant. Quæ constant & ex septimo, atque octauo Æneidos, & ex Plauti Amphitrione, in prologo. Argiui coronatos præcones mittere consuevere. Quid de reliquo vestitu? Fœciales Romanos veste augustiori, & verendis insignibus vsos in legationem euntes, Dionysius scribit. Sacram stolam, vestem inuiolabilem legatis huius generis, & eam coloris ad purpureum accedentis tribuit Appianus. Virgilius etiam præconi vestem facit illius coloris libro sexto: atque legatis alijs Plutarcus ad rem Græcam in vitis alicubi, nisi Ius memoria sum. Credo, datos Romæ & anulos legatis aureos: & opus datione fuisse, quoniam cum ex omni ordine mitterentur, multos eo ornamento carere aliàs oportebat. Credo & quod iter facientes ita velati, ornati incederent, non solum quum peruenissent illuc, vbi peragere legationem debabant. Nam inquit I. C. *Sunt sagmina herba, quas legati populi Romani ferre solent, ne quis eos violaret.* Et Xenophon libro sexto de Cyri expeditione in hæc verba: *Equites cum præcurrerent, legatos quosdam offenderunt: incertum quò iter haberent.*

Lib. 14. 25. 30.
35. 36. 37. 44.
45.

Xenoph. l. 6. 4.
re. Græ.

Lib. 2.

in Select.

Plu. lib. 3. c. 1

CAP. XIX.

Racematio.



OLIGAMVS iam quidquid nobis ex huiusmodi observationibus superest, nec inutile fuerit reliquis adiungere. Veteres Hebræi ad portas vrbum (vt reor) legatos audiebant. Ibi enim conuentus agere consueuerunt. Audiri autem a gentis principe, primatumque consilio, certò scimus. Mihi de eo tempore sermo est, quo sub regibus non vivebatur. Cartaginenses idem, quod fuit Romæ, institutum tenuisse, vt Senatus isthæc curaret, persuasum habeo. vt audiret, venientes. vt in templis, curijsque

Deut. 17.
Is. 19.

Liuij. 27. 30.
41.

*Lib. 31.**Sene. de cons.
ad Elb. c. x.**Diod. Sic. lib. 12**Bud. in L. 7. D.
de re. di. Gnic.
lib. 7.**Lin. lib. 1.**Lib. 39.*

audiret. Vt Suffetes (illic is velut Consul Romæ) partes Consul-
lis, prætorisue Romani ageret. vt de legatis mittendis, Senatus
censeret. cum reliquis, quæ diximus ad Romanos. Gallos in ar-
matorum conuentu audisse legationes, Liuius tradit. Illud bar-
barum erat, quod legatos audirent reges Indi dum caput sibi, bar-
bamque pecterent. vt est a Curtio relatum libro octauo. Igitur &
Curius notam subibit, qui, cum Dictator esset, legatos Samnitum
audisse dicitur, dum cibum vilissimum manu sua in foro versa-
ret. Magnus Alexander in legationibus audiendis certum tradi-
tur seruasse ordinem. Audiebat primùm, qui rerum sacrarum
caussa venissent: secundò, qui munera attulissent: tertio agentes
de obsidibus: quartò, qui priuata ad ipsum haberent negotia: tum,
qui de restituendis exulibus actum venissent. Iam videamus so-
lennia. Nergobriges populi Hispaniæ (quod Appianus notat)
pro caduceo pellem præferabant lupinam. A barbaris, inquit Sui-
das, coronæ, & folia geruntur, tamquam Caduceus: quo Græ-
cis significant, se adesse; & nolle quidquam nec facere, nec pati
mali. Hodie, qui bellum denunciare proficiscuntur, Araldos di-
cimus. Hi veste velantur distincta, signatæque illius principis in-
signibus, a quo mittuntur. Eam autem nescio si antea induere
soleant, quàm eò peruenerint, vbi exponere legationem debent.
Sed historiam præsentium temporum non moror. Legati Per-
sarum deditioem postulantis formula eiusmodi verborum ute-
bantur, qua significabant, regem suum petere aquam sibi, &
terram dari. Cuius non scriptores modò Græci meminere, sed
& apud Liuium de ea re agitur libro trigésimo quinto. quaque
comprehenduntur omnia, quæ longiori apud Romanos carmi-
ne explicabantur: aqua enim & terra tenentur omnia, quæ de-
di possunt. Restat de muneribus. Legatis Romanis dona a Gal-
lis data, Liuius refert. Quæ reges Persæ præstabant, Ælianus
libro primo exscribit. & magna fuisse, credendum est: nam Epi-
crates decretum ferri Athenis vrgebat, vt ad eum regem pau-
peres homines legati mitterentur, quo ditescerent. Hæc, & si
quæ alia colligeremus, cui bono? Vt extitisse apud gentes omnes
nomen legationis ostendam, & curam, & ius, & dignita-
tem.

De legationum causa & antiquitate.

NA superest quæstio historicæ tractationis, de legationum origine & vetustate. Et Belo hoc institutum quidam adscribunt. Belus Nini pater fuit. Iosephus ad Deum refert, qui Angelos propterea fecerit, qui isto munere fungerentur. Ego sic statuo, vt discretis gentibus, regnis conditis, dominijs distinctis, commercijs institutis, legationis extitisse nomen opiner. Quoniam in tanta illa naturæ ruditate, quantam carmine incôparabili depingit Lucretius, homines nec commune bonum poterant spectare, neque vllis moribus inter se sciebant, neque legibus vti. Postea & amicitiam cœperunt iungere habentes finitima inter se, nec lædere, nec violare. Quæ expressa ex Platonis Protagora sunt. Si verò inter eos, inter quos est aliqua iuris communio, vt inter gentes est, respub. reges, necesse fuit officia, negotiâque intercedere: & istæ personæ vel conuenire nolunt, vel sæpe etiam non possunt, certè ipse nūquam ciuitates queunt: pernecessarium profectò (vt de procuratore scribit in simili quæstione Vlpianus) & illud fuerit, vt alij constituerentur, qui, eas personas referendo, agere possint, quod incumbat. Hos autem esse tales oportuit, quales legatos videmus, non illi subditos, ad quem mittuntur. aut ea imperiorum distinctio inuiolata non retinetur. Nam in persona, quæ principem refert, ipse princeps subditur, si ea subditur. Ac a Mose quidem legatos non semel missos, omnium librorum antiquissimus memorat. Nec dubito, quin fuerint legati etiam ante. Sed familiarum historias scripsit priorum temporū Moses. Legatio autem res priuata non est. quare legatorum meminisse nequiuit priusquam ex familia, de qua sibi dicendum fuerat, resp. consurrexisset. Quod si scriptorum consensum non aspernamur, ab illis sanè non discedemus in principio legationis constituendo, qui id Belo ferunt acceptum. nam primam regum originem sub Nino scriptores tradunt. & regia dominatio antiquior alijs passim narratur. Fœciales, Caduceatoresque. item legatio libera ortum adeo vetustum procul dubio non habent. De Solēnibus loquor. Belli enim indictionem suspicor ab omni æuo v-

*Lib. 15, c. 8.**Lib. 5.**Cic. lib. 1. de Inuent.**L. 1. de procur.**Numer. 20. 11.
Deut. 2.**Institutioni Iornani,
alijs.*

*Poly. lib. 13.
Lin. lib. 1. 43.
Plin. in Publi.*

surpatam: immo v^surpatam magis vetustis seculis, quàm Punico (vt Liuius diceret) isto, Græculoque. Bella autem, quis non credit, mox facta illa gentium discretione fuisse? Et de muneribus. certè, quæ obit Caduceator, minus dubito. Legationem liberam non tam longè repeto. Originem verò eius ex epistolis commendati-
cijs facile quis deducet. Et pro re priuata cum sit, in ipsa supradictæ non obtinent rationes. Romanorum porro peculiaris fuisse non videtur: nam Phrynonis cuiusdam meminit Æschines, qui Athe-
nienſes orauerit, vt ipsum mitterent legatum ad Philippum, si sic pecuniam quandam suam recuperare valuisset. Et certum argu-
mentum in rem istam est illud, quod retulimus capite proximo de his apud Alexandrum legatis, qui priuata ad eum negotia defe-
rebant. Hi namque alij omnino nō sunt, quàm qui libera legatio-
ne funguntur. De sacris legatis, quòd cultu diuino vetustius, & re-
ceptius nihil sit, idem cenſeo, vt vetustissimi & ipsi fuerint. Mutā
legationem non statuo relatis exemplis antiquiorem. Nam pris-
cæ ætatis homines, vix est, vt mysteria illa scierint excogitare. Ni-
si quid ex Ægyptijs huc adferamus. sed libet solennia ista non re-
ponere cum ijs, quæ necessitas v^surpauit. In temporaria hæreo.
Scio legatos Athenienſes annos duos Demetrio adhæſiſſe: at le-
gatos temporarios non fuisse, adfirmare licet. De Leone etiam
quod cum Timagora (referente Demosthene) quadriennium in
legatione fuerit, aliquis dicit: sed nec inde firmum ad rem argu-
mentum. Tandem a legationibus prouincialiū, gentiumq; fœde-
ratarum (quas tales mansiſſe Romæ sæpe exiſtimo) morem hunc
& ad nos perueniſſe puto: auctum ſcilicet institutis Pontificum
Romanorū, qui cum legatos illos ſuos habere vbique ipſi volue-
rint, id imitati & alij omnes principes ſint. Et in iſtam coniecturā
me induxit quā doctrina, quā nobilitate vir in pauciſſimis An-
glorū præſtantiſſimus D. *Philippus Sydneius*. Bona occasio fuit,
quòd inter principes frequentiora intercedunt negotia, quàm vt
commodum ſit iugiter legatos mittere, & non hos potiùs alterū
apud alterum habere ſemper. Alij turpiter faciant ipſos eſſe ſpe-
culatores, & exploratores, & ad iſtud haberi: ego non facio.

*De cultu diui-
no locus egre-
gius apud Plu-
tar. adu. Colo.*

Plin.

*Lin. lib. 25. 27.
38. 39. 40. 44.*



ALBERICI GENTILIS
DE LEGATIONIBVS
LIBER SECVNDVS.

CAP I
De iure legationum.

SUPERIORE volumine, quod in legationum generibus explicandis, & in antiquitatibus, Romanis maximè, enarrandis posuimus, & videri possumus, & ita sanè est, manum nos ad alienā messem (quod dicitur) admouisse. Verū illa parte mihi presens carere opus non posse videtur, nec certè primis multis capitibus potest, in quibus tot legationum genera exposuimus, quot simul quiuimus indagare, simul etiam nouisse oportet, ad reliquam omnem disputationem rectè instituendam, & de iure, & de officio legatorum. Nam variari definitiones in vtroque argumento necesse est pro alio atque alio genere legationis. Ast nec operam (vt existimo) in reliquis lusimus: quoniam præter eam, quam potuimus, historiā, alia quoque docuimus, quæ non in solo labore consistunt. Historia etiam ipsa utilis fuit. nulla enim historia inutilis est. ac dum curam, dum diligentiam, dum solennia, dum sumptus, dum honores tributa legationibus, & earum causam, originemq; narraui, id certè ostensum est, & magnum esse legationum ius, & a legato expectari, vt officium ipse suum cumulatissimè præstet. Si scilicet ita actum cum ipso est, vt nihil, quod ornare, quod susceptā personam munire valet, non abundantissimè indultum dicere queat. Et verò eorum multa, quæ scripsimus, non antiquorum solū, sed

*In orat. de her.
re.
Lib. 3. de be.
Gall.*

*L. vii. D. de le-
gatio.*

Var. 3.

Ilia. 1.

Ilia. 7.

& nostrorum sunt, & omnium temporum erunt. Reliqua etiam non tam sublata, quàm commutata cognoscemus, si & presentem historiam indagare, & cōferre cum relatis ex antiquitate libebit. Placuit autem mihi vetera potius exponere: quoniam ipsa, quæ nunc obtinent, vulgaria sunt, inque omnium oculis collocata: & ex his præterea tanta neutiquā auctoritas legationibus conciliata fuisset, quantam & nos esse adfirmamus, & vetustas rebus omnibus adiungere facilè solet. Si ergo (vt ad iura legationū examināda rectā pergamus) omnis antiquitas, Græcia, Roma tot modis, tam sanctè, tam solenniter contestatur, apud se dignationis maximæ legationes fuisse, hæc quid & apud nos, & apud omnes, nunc, semper non erunt? Ius legationum (dicit Cicero) humano, diuinoque vallatum præsidio est. et Ciceroni Cæsar, alij concinunt. Hoc verò est, sicuti ego sentio diuina quadam prouidentia immutabile ius, & omnibus constitutum, gentibus etiam barbaris exceptū & manifestum. quod quoque libro primo de bello Gothico Procopius ex Totilæ oratione confirmat. Sanctum ius legationis cōsueuisse apud gentes esse omnes, Probus in Pelopida contestatur. Sacrum ait Tacitus libro tertio historiarum. Sanctos & inuiolabiles existere legatos, Pomponius I. C. libro trigesimo septimo ad Q. Mutium notat. Dionysius libro quinto corpora legatorum sacrosancta appellat. Et Cicero (vt his congerendis testimonijs, eumque illo, a quo incēpimus, finem faciamus) ait, nomen legati eiusmodi esse debere, quod non modò inter sociorum iura, sed etiam inter hostium tela incolume versetur. Atque ista sic explorata, sic certa sunt, notaque, vt antiquissimum prouerbium fuisse dicatur: *Legatus neque caditur, neque violatur*. Narrat de Caduceatoribus Eustatius, diuinum eos genus existimatos, certè medium quoddam homines inter, & Deos: nec nisi a Lestrigonibus, Cyclopibusque, alijsque, qui fas non norunt, de ijsdem aliter cogitatū. Nuncios Iouis atque hominum eos Homerus nominat, & oratores honorandos Xenophon libro secundo de pædia Cyri: & Cato apud Festum, *Caduceatori*, inquit, *nemo homo nocet*. Sed & alij omnes legati hoc priuilegio muniti sunt, vt nunc narrabamus. nisi quis fortè prouinciales excipiat: quibus (verum est) nomen tantum communicatur propter ministerij similitudinem, & quòd multis

multis iuris ciuiliſ priuilegijs, quā legatī, ſubornantur. At ſupra dicta ſunt de iure gentium, quod longē excellentiſſimum, & præſtantiſſimum eſt. De quo priuſ quā dīco, multa neceſſariō ſunt diſcutienda, quæ & alijs omnibus legatis adimere ius iſtud videntur.

*C. ius gentium
diſt. 1. & Ege-
ſp. lib. 1. c. 36.
& d. l. vlt. de
lega. &c.*

CAP. II.

De mentita legatione.

ET prima quidē quæſtio erit de hiſ, qui miſſi legatī non ſunt, & legationis tamen nomen obtendunt. quā in duas partes diſtribuo. Nam, aut nec miſſus quiſ eo titulo eſt: aut eſt quidē miſſus vt legatus, ſed alia quæque (& hæc ſcelera) in mandatis habet, quæ procuret. Aduocauerit huc aliquiſ & falſam illam legationem, quæ dicitur, quōd aliquid contra quā inunctum fuit, egerit legatus, dixerit. Sed nos hīc dare locum legationi iſti non poſſumus, vbi de iure gentium legationis tractamus, quod ad alios eſt, non ad ſuos. Alibi itaque de hac. Nunc de prima exemplum ponimus in hiſ legatis, quos Philippus Macedoniæ rex ad Annibalem miſit: qui ſcilicet in manus Romanorum incidentes, legatos ſe ad Romanos dixere miſſos. Sunt Illyrij, quorum libro quadrageſimo ſecundo Liuius meminit, homines eiſ regionis morantes Romæ, ſuſpectique ab Iſſenſibus facti, quōd ſpecie legatorum ſpeculatores eſſent. Sunt multi & illuſtres illi Cartaginēſes, qui in poteſtatem maioris Africani redacti, legatos ad eum ſeſe miſſos apertē mentiti ſunt, vt Valerius libro ſexto exſcripſit. Illyrios verō facilē iſtiſ adiunxerim: quoniam & Senatus Romanus, in ea illos adſertione mentiri, cenſuit. Romæ erant. Senatum adire non poſtulabant. non magiſtratum conueniebant, vt ex inſtituto acciperent, quæ legatis præſtari conſueuerant. non denique, niſi vocati in Senatum venire. Et hæc mendacio ipſorum cum obiecta forent, in reſponſo planē etiam hæſitarunt. Age: in prima parte & tria exempla recenſuimus: & exempla talia ſunt, quæ illam partem in alias adhuc partiatur. Mentitur legationem quiſ, qui legatus eſſi ſit, non eſt tamen ad eum, ad quem ſe miſſum adfirmat. Tales Macedones. Mentitur ille, qui ad neminem legatus eſt. Tales Cartaginēſes.

Lin. lib. 12.

*C. in ora. pro
Flac. & in ora.
pro Sextio.*

ses. Tandem mentitur, qui nomen legationis non profert tempore suo. Hi sunt Illyrij. Hic definitiones dicamus ad postremas species. Nam primæ tribui caput præcipuum oportet: & de secunda partetractationis longè fusiùs est disceptandum. De Cartaginensibus itaque, & id generis alijs, nemo, opinor, dubitabit, quin non fuerint, sintque iure vllò legationis excipiendi. Nam qui missus non est, is vtique legatus non est. vt Demosthenes, vt Cicero, vt ipse intellectus naturalis probat. Quare si Africanus eos dimisit incolumes, id non iure coactus fecit, sed pro naturæ, morumque suorum benignitate, magnanimitate. Atque rem sic se habere, non vno loco ostendemus. Et Valerius de eo facto scribit, Africanum potius voluisse, vt Romani imperatoris decepta fides, quàm frustra implorata iudicaretur. Idque breuiter in ista specie: Ad Illyrios verò quod attinet, credo necessarium exemplum ad imitandum omnibus a Senatu Romano propositum. *Ipsis* (inquit Liuius) *tamquam legatis responsum dari non placuit.* Et ratio fuerit, quia suo tempore adprobare se legatos isti neglexerint. regressus verò ad ius neglectum non datur. Et nomen, quod spernimus profiteri, mox patrociniò nobis esse, cùm id volumus, funè non debet. Estque rationis summæ, vt quod nolueris quando debebas, id cùm velis, non possis. Quæ enunciata possum multis locis iuris ciuilibis illustrare. Tamen ab ipso opere libens abstineo: quoniam sunt illa ex se nota satis, superque. Et hæc ergo definitio est apud me certa. Sed an ipsam sic accipimus, etsi mandato, literisque perspicuis se mox legatum iste ostendat? Id rationes probant. Sed an rationes accipimus, vt si is legatus quidquam admisserit, quod poenam mereatur, puniri tamquam nec legatus possit? Quid ni? Si Illyrij puniti non fuerunt: nec erat causa cur punirentur. Nec enim speculatores propterea deprehensi sunt, quòd legati habiti non sunt. & licebat illis etiam citra ius legationis Romæ esse. Itaque quòd cum iure legationis irritò facto morarentur, nocere eis non potuit. Et hanc quoque rationem loci multi iuris nostri confirmant, quos Baldus, adque Baldum alij notant in L. potuit. C. de iur. delib. Romani, quod potuerunt, id fecere. Nomen detraxerunt, quod mentiebantur Illyrij, aut certè perdididerant.

*L. x. C. de fi. in-
str. et C. de prin.
de re ux. act.*

CAP. III.

*Antuti Legati sint etiam cum ijs, ad quos
missi non sunt.*

Hic de ea legatione scribendum est, quam aliò missam aliqui fortasse velint & apud alios, quibus missa non est, iura legationis obtinere. Atque ut recipiat quæstio inspectiones duas: & si ea iura tribuantur, cum missa legatio ad hominem non est, apud quem tuti esse legati volunt, & hi se non missos fatentur: & cum missos se immo contendunt: ego ultimam hanc partem absolvo prius; quoniam recta præcedentibus iungitur. Exemplum proximo capitulo allatum de Macedonibus fuit. *Ita* (ut narrat Liuius) *facili primùm enasere mendacio: mox verò cogniti, capti sunt, Romanique deducti.* Rectè. Legati enim ad Romanos non erant, sed ad hostes. Itaque hostilia molientes, si passi paria sunt, non habent, quod iustè doleant: non magis quàm miles quispiam, qui parci sibi ab hostibus velit, quòd ipse non pro se, sed pugnet pro principe suo. Nunc alteram partem expono. Legati ex ipso nomine ad alios non sunt, nisi ad quos legantur. Cum alijs ergo iura legationis non obtinent. Quorsum aliàs inducijs inter Lacedæmones, & Athenienses cautum fuisset, caduceatori atque legatis, comitibusque quocunque dissoluendi belli gratia, & controuerfiarum in Peloponnesum, Athenasque euntibus, ac redeuntibus, ut terra, marique fœdera essent? Adde, interceptos ab Atheniensibus regis Persæ legatum ad Lacedæmones. Spartanorum proficiscentes ad Persam captos a Sitaice, & Atheniensibus traditos: qui & interfecerunt. Interfecerunt Illyrij legatum Elsiorum ad Romanos, & legatum istorum ad Elsios. Xenophon nec abstinuit, quin captos aliò proficiscentes legatos adseruandos iuberet. Possum alia, & recentiora facta narrare istius generis. quæ scilicet nec improbata, nec improbanda opinor. Sed hîc nos rationes magis sectamur. Primùm igitur positæ rationi altera adiungatur, quod si ius legationis ei non est, qui non publicam cum principe causam agit: ut dice-

Thucid. lib. 4.

Thucid. lib. 2.

*App. de be. 17.
li. 6. de exp.
Cy.*

mus ad liberam legationem: longè erit minus cum isto, qui omnino nullam agit cum eo, ad quem missus nec est. Et hæc de stricto (vt aiunt) iure certissima sunt. Nam legatis etiam ad se non venientibus multa omnem præstare principem debere, notum magis est, quàm vt a me confirmetur. Alexander & his pepercit legatis Cartaginensibus, qui ad Tyrios in eum animandos venerant. Similes Lacedæmoniorum legati indigni erant, quibus parcere debuisset. & perfidi enim isti in Alexandrum. Aliàs pro illa æquitate facit, quod legati homines pacis (sic & cum omnibus agent ipsi pacificè) sunt. principis, aut reipublice personam gerunt. rem curant publicam. delecti vt sacri, sancti mox sient, & hostibus quoque inuitolabiles. Pateant itaque legatis viæ: quibus vt obstruantur, nulla causa est. Et scimus quantam vel suspicio labem asperfit Carolo V. Cæsarum regis Gallie legatorum ad Turcam proficiscentium. Ipso enim mandante, aut a suis facinus scelestissimum patratum, crediderunt eius ætatis homines. Audiuius, quod secutum deinceps bellum fuit. Etiam ob tabellarium interfectum, etiam priuato quorundam militum consilio, Tigurini arma in Gallos mouerunt. De legatis diuinorum planè sic statuendum existimo, vt vbique ij sancti sint. Diuina enim, Deusque omnium sunt. Indicauimus quid piratæ Liparenses egerint cum ijs Romanis legatis, qui Delphos proficiscebantur. Scribit & de Delio templo Liuius, quod permixti ibi Romanique, Macedonesque manebant, sanctitate templi, insulæque præstante omnes inuiolatos, induciasque religione loci præbente. Ac si sacer locus id facit hominibus, quid sacer ipse vir sibi non faciet? Quid Fabium illum memorem, qui per media Gallorum agmina sacrificatum processit, obstringente religione Gallos, tutusque in Capitolium a sacrificio redijt? Hodie sacri legati essent, qui religionis causa ad aliquem conuentum Ecclesiasticum proficiscerentur. Iam de ijs videamus, quibus quidem legati nomen constat: sed missi tamen sunt ob aliam causam verius.

*Curt. lib. 4.**Græc. lib. x.**Lib. 44.**Liv. lib. 5.*

De legato speculatore, & perfido.

VNT quidam legati, qui speculandi causa verè mittuntur. Atq; id vt faciant tutius nomine illo sanctissimo muniuntur. Sed an tuti sunt? Puto ego, primum Africanum, qui speculatores nec legati nomine ornatos dimisit incolumes; immo & perlustrare omnia voluit; ius nobis, qui ius indagamus, nō magnanima facinora, haudquaquam statuere. Ceterum cum legato speculatore non arbitror agi durius posse, quàm vt nō admittatur, vel expellatur admissus. Antiochus certè legatum huiusmodi ad se Roma missum regaliter & perhumaniter tractauit. Vt ex selectis Polybij de legationibus relatum est mihi. Et legatos quosdam Volscos agnitos, & conuictos speculatores Posthumius dictator Romanus seruauit: quia (sic Dionysius) legationis nomini, quod præ se ferebant, plus dandum censuerit, quàm facinori certo rependendum. Est autem & simile regis Ætiopum exemplum: quod Herodotus in Thalia recenset. Ac dicere idem nos possumus de eo, quem Pompeio missum a Mitridate Cicero narrat in oratione pro lege Manilia, & legatum Pompeius, alij speculatorem iudicarunt. nam & ego cū istis sum. quorsum enim in Hispaniam legatos misisset Rex? An, vt cum Sertorio egisse dicitur, ita & cum Pompeio foedus iniret contra rempublicam? Satis vel vno argumento constat, speculatorem illum fuisse, quod Cicero nec conatur adprobare legatum. Sunt autem hæc exempla in dictam definitionem satis: quoniam probabile illud est, quod probis, peritis rerum, pluribusque visum est. Et eò magis probabilis nostra definitio est: quia improbis alioqui lata penderetur ianua in legatos omnes defraudiendi, si sit ius, nomine legati quempiam spoliare, subditumque sibi reddere; quòd eum ipse iudicet exploratorem, non aduenisse legatum. Nū Ariouistus nequisset facinus immane suum excusare, cuius meminit Cæsar belli Gallici commentariorum libro primo? Num & suum adprobare Iulius papa, quod recitatur patrasse cum legato Ducis Sabaudia? Num quod regem Ammonitarum cum le-

Plura exempla habet Ap. de be Syr.

Lin. lib. 30.

Lib. 6.

Arist. lib. 3. Top.

Cnice, lib. 12.

Sam. 2. c. v.

App. de be. illy.

L. 30. D. de test.

Lib. 4. de be
Gall.

gatis egisse Dauidis memorat pagina sacra velamento isthoc regi non valet? Malè legati illi omnes excepti: quòd exploratores ab Ariouisto, Papa, Ammonita habiti sunt, non legati. Superfunt & alia exempla. Et ista, cum tamen de legatis veris, nec speculatoribus sint, a me producuntur, vt ostendam, quod si aliud in presenti quæstione ius constituitur, facilis aperietur improbis via ad circumueniendum ius & nomen legationis. Sed firmius adhuc disputo. Qui missus speculator probabitur, si certum est nomen legationis? Quod deprehenditur omnia exploratoris more agere? At hinc minimè inferitur, eum non esse legatum: vt vt inferamus, malum esse legatum. Est verò hæc alia quæstio de improbo legato a nostra, in qua, si omnino legatus non est, quidquid nomen præferatur, dispicimus. Disputamus, si, nequidquam obstante nomine, cum isto tamquam cum non legato agemus. Agendum tamquã cum legato dicimus, quia vanum legati nomen non potest probari. Nam quomodo: si non hominem mittens prodat, aut ipse se? Nec enim credendū est, Volscos illos, aliosue conuictos aut sua, aut suorum voce fuisse. insipida enim Posthumij sapientia, aliorumque: qui nomini pepercerint, quod ipsi prodidissent hostes. Itaque si constaret, exploratorem venisse: ego, quin inane, & ementitum legati nomen nihili esset, potius arbitrarer. vana namq; nomina reiecta passim. Sed illud dico, constare de re ista non posse. Ergo (vt loquitur Paulus I. C.) hîc nō ius deficit, sed probatio. Aliam a confessione mittentis, ipsiusque legati probationem nō excipio: quia nulla esse alia potest. At huius generis aliam quæstionē videamus. Quid si legatus mittatur in hoc solum, vt moretur, frustretur, ludat eum, cui missus est? id solet sæpe valde cōtingere: vt sæpe etiam, quod de speculatore protulimus. Nam quem dicēs caduceatorem Alcibiadis ad Selibrianos? Habet Plutarcus historiam. Quos Fritigerni legatos ad Valentem imperatorem? Nar- rat libro trigesimo pri nō Ammianus. Quid ego istos, qui admodum sunt multi, recensco? Quæro, quid iuris. Extat Cæsaris exemplum, qui detinuit. & contrarium Gallogræcorum, qui dimisere. inquit libro quadragesimo quarto Liius de Persei nuncio huiusmodi ad eos legato: *Inuiolato fallaci nuncio (quod vix sperauerat Perseus posse contingere)* &c. Fallacem nuncium dicit, quòd illuse-

illuserit Gallis non semel. Age verò ex opinione Persei an nō stat definitio præsens quæstionis? Desperatio enim significat cognitum Perseo ius, ne iniolatus dimitteretur. Et rem certè improbabilem ab his legatis agitari, quis neget? Martius legatus Romanus vituperatus est ab illis Romanis vehementer, quòd huiusmodi artes in legatione & ipse exercuit: ab illis Romanis, qui ius, & honestum iniuriæ, commodoque antestare volebant. Hi istas appellarunt Græcas, Punicas artes: calliditatem Græcam, versutiam Punicam, inquit Liuius. Ceterum nō est hoc satis, vt animaduerti in legatum grauius debeat, quàm vt dimittatur. Cur enim hic ius diuersum ab eo, quod speculatoribus scripsimus? Adderet aliquis, quòd vt illuditur legatis non rarò, ita & legati illudere alijs posse debent. at ego iniustum dico, vt illudatur legatis. Ridiculum autem est quod quidam mihi in proposito obijciebat. Quid (dicebat) opus prudenti legato est, si non timetur, ne homini quisquā illudat. Hoc enim est, atque si quæreretur, cur armis induimur, si parricidium est, hominem interficere. cur arcas, domum, tabernā claudimus, si furtum facit, qui quid nobis inuitis contrectat. & id generis reliqua. Vt verò capiti huic finem faciam, dico, probare me Gallos, Cæsarem maximè imporbare. & hic proculdubio facinus illud patrauit, quòd tutum, commodumque videbat, tam multos, tam nobiles in potestate Germanos habere. Quamquam si istam definitionem tenemus, alteramque superiorem, vereor, ne certa securitas delictis proposita sit. Si enim speculator puniri nō potest, sed tantum dimitti, quid id est, nisi compotem voti facere speculatorem? & is enim discedere mox omnia speculatus volebat, & missus in hoc erat. Qui etiam legatus iam illuserit principi, quid ipse aliud voluisset, quàm ad principem suum, re benè gesta, reuerti? Fortè igitur distinguendum est, vt, qui iam speculatus sit, frustratus sit, is dimitti non debeat: atque iustè adeo timuerit suo nuncio Persea: nam ille (vt dixi) fallax. At si in ipso legati aduentu versemur: vt in specie Cæsariana est: quid non dimittantur, non video, aut non reijciantur potius. Etenim, iure gentium non puniri propositum, certum est: nisiq; facta respici, & res facti. Semper ergo Cæsar vituperandus? Si scilicet sic se res habuit, vt non alia causa interfuisset: quæ factū eius maximè comprobaret. Verum

caussa intercessit iustissima. nam ius gentium violarunt Germani violatis inducijs. neque hoc solum, quod satis futurum non fuisse alibi dicam, admissum ab illis est; sed & ludificatum per easdē legationes Cæsari fuit. Easdem dico, etsi aliæ atque aliæ fuerint legatorum personæ: quoniam eadem causa, iidem litigantes. Hæc nostra opinio est. quidquid apud Appianum Cato decreuerit in Cæsarem durius.

In selet. de legat.

CAP. V.

De interdicta legatione.

*L. lib. 22. 37. 41.
42. D. 8. A. 29.
H. 9. T. 3.*

NUNC videamus, si ius adsit legationis illi, qui nomine, & quæ legatus aduenit: sed interdictum cum esset legationibus ab eo, ad quem itur. Etenim hoc frequentissimè contingit. ut videre apud Liuium est benè sæpè: & apud Dionysium, Ammianum, Herodotum, Thucididem. Denuntiatur Ætolis, habitos eos iri pro hostibus, si legati venirent. Legatis Persei dictum, non venturos tuto. Curio lanus interminatus est, pro exploratoribus se ducturos, qui adfuerint. Et apud Heliodorum libro primo, in simili casu iussis legatis abire mortis pœnam dicta, cognoscimus. Athenienses igitur, Achæi, Romani, viri sanctissimi Curio lanus & Theodosius ius hoc legationibus interdicendi, omnes usurparunt. ius est igitur. Et quidem si prohibere liceret, ne legationes ad se mittantur: hoc vno satis iura gentium perturbarètur, quæ rerum dominium distinctum, inuiolatum esse volunt, iubentque. Homo enim (legatus is est) in alieno solo alienus inuito domino sisteretur necessitasque a principe principi iniungeretur, hominem sibi non subditum in subdita sibi terra habere. Verum de re perspicua non est diutius disputandum. Videre tamen oportet, ut aliqua ex causa fiat hæc prohibitio. alioqui iura gentium immutabilia mutari, tollique a nemine possunt. Quare Annibalem, quod legatos Romanos non admisit, rectè, & ita apud Cartaginenses suos inculcat Hanno: *Legatos ab Socijs pro socijs venientes bonus imperator vester in castra non admisit: ius gentium sustulit*. Et quod legati Romani fuga vix ab impetu Syracusanorum euaserint ait Liuius, eo facto

L. in lib. 31.

non

non modò pacis, sed ne belli quidem iura relicta esse. Sed quænam isthæc causa sit, propter quam non admittere legationes cõcessum est, vnius non est definitionis. Improbã prætexuit Annibal, quod sibi in tanto belli apparatu degenti otium non esset legationes audire, neque has tutas præstare posset tot inter, barbarasque nationes. An enim barbaris incognitum ius legationum? An legationes non auditas in longè maioribus occupationibus? Achæi f. r. t. s. s. e. non malè decreuerunt, ne legatos, ne nuncios admitterent regum, quoniam sic sollicitari se posse aduerterunt. & Senatus Rom. legato Pyrrhi nunciandum regi iussit, ne legationem cum donis postea mitteret. Cartaginensibus reiectis dixit, ex more Romano non esse, vt dum hostis degeret in Italia, tractarent Romani de pace. propter quam scilicet illi legati Cartaginenses venerunt. & Annibal adhuc in Italia erat. Si mora fiat rebus agendis, si dignitati labes aspergitur; si quod periculum creetur ex hac facultate mittendi legatos: hæ, & similes profectò sunt satis iustæ causæ prohibitionis. & id indicata superius exempla confirmant. Iam verò si licet hoc prohibere: quid alterum non consequitur, vt missis iura legatorum non maneant? Si licitum est, vetare, ne legati accedant: illicitum est mittere: illicitis autem ius non adsistit. Sic itaque ad Coriolanum cum proficisci mox post illam interminationem legatæ mulieres debuissent: & timeretur valdè, ne eas Coriolanus retineret; non satis fuit, iura legationum obtendere, inque istis spem facere, sed ius quoque supplicum in medium prolatum est. Et hos quidem supplices rectè dicemus, qui accedunt prohibiti. nec alio sunt (vt arbitror) iure tuti, quàm quòd supplices Deo curæ esse, nouimus abundè, & disertè Dionysius scribit. Ille etiam Romanus, contestatur, qui ad deditiõnem Ætolos adhortatus; *Verecundiam*, inquit, *supplices violandi imponetis Romanis*. Et ita sanè accidere solet, ne violentur. Dicitur semel & iterum apud Ciceronem lib. i. de Inuent. vt supplicum misceatur, vulgò omnes probare: & in supplices seuire ferinum penitus esse. Sed Athenienses, quibus non supplex legatus adstitit, metu omnino manus continuisse, dicendum est. Nam, ius fuisse ipsis in legatum agendi, nos declarauimus. Quid ergo de ea Ligurum ciuitate existimabimus, quæ legati Romani

L. i. 24.

L. i. li. 41. App.
in select. Dio
in select.

L. i. lib. 36.

Polyb. in S. l. 19.

seruos occidit, ipsum legatum fuga vix elapsum vulnerauit, quòd iussus abire negauit se id facturum legatus? Romani bellum propterea indixerunt, captam seruam faciunt ciuitatem. At quòd ex facto ius oritur, nos qui omnes facti rationes non nouimus, nec respondere aliquid possumus. In ambiguo contra legatum dicerem, quia causam Liguribus fuisse, cur respuerent legationem, adfirmare decet, & propterea vi irrumpentem licuisse vi repellere. Causam stetisse vel hinc dicitur, quòd eam Romano legato narrare, necessum non fuerat. itaque causam adserentibus hoc solo prospectum de causa est. Satisque habent hi, si mox ad amouendam violati iuris suspicionem, & belli forsitan aduentantis calamitatem, causam istam exponant.

CAP. VI.

Qui alterius laesit legatos suis non speret stare ius legationis.



ED quid, si interdictum non est legationi, is tamen qui nunc mittit, causam aliquam præbuerit aliquando, quæ faciat, ne & suis legatis ius legationis præstetur? Dicamus, ab hoc violatos legatos alterius, ad quem nunc mittit ipse. Est maioris Africani exemplum, vt nihilominus iura legationis adseruentur legatis suis. nam ille intactos dimisit Roma redeuntes Cartaginensium legatos, & in castra Scipionis tempestate depulsos, hostes iudicatos a senatu, patratoque in legatos Romanos nefario a Cartaginensibus facinore. Rogatus (inquit Appianus) Scipio, quid fieri illis legatis deberet: Nihil tale, respondit, quale Cartaginenses. Variat autem ab hoc auctore Liuius in quibusdam: sed & ipse idem a Scipione factum adseuerat. Scipio (ait) etsi non induciarum modo fides a Cartaginensibus, sed etiam ius gentiũ in legatis suis violatum esset, tamen se nihil, nec institutis P. R. nec suis moribus indignum facturum dixit, & legatos dimisit. Et ratio adhuc potest in hanc definitionem adduci, quod si ob sui principis crimina legatus plecti valeret: nulla omnino superesse posse in bellis legatio videtur: in quibus & hinc & inde maximæ, multaq; offensiones semper existunt, & mala importantur ingentia. An verò pluris est momenti in legato vno, & verbo forsitan, non aliter,

viola-

De be. Pnn.

Lib. 30.

violato, vt violatoris legatus violari etiam possit, quàm in tot illis malis, quæ P. Cornelius Lentulus, a Cartaginensibus illata Romanis, commemorat? Ista pluries fœdera violarunt, & iuramenta pluria. Vnus Annibal quadringenta deleuit oppida Romanorum, vastitatem toti intulit Italiæ, nullum non crudelitatis summae, perfidiæque genus omisit, trecenta millia hominum Romanæ militiæ occidit. & quid non? Ius tamen post hæc omnia fuit Cartaginensibus, Annibalique, legatos ad Romanos mittere: & legatis ius suum datum est. An dari non debuisset, si digito tantum attigisset Romanum legatum? Quæ præterea ratio est, vt in homine innocente sons puniatur? Verum nec me mouet Scipionis exemplum, nec proximæ rationes, quominus credam, ius legationis ei non stare, qui missus a principe sit eius iuris violatore. Iura etenim violanti si ius non prestatur, ei non violari, sed ius reddi, creditum est. Et Franciscus I. rex Galliarum cum a Carolo Imperatore suum legatum detineri audisset, ipse Imperatoris legatum quoque detinuit. Detinuit & Belisarius legatos Gothorum donec dimitteret Gothus legatos Iustiniani domini sui. Neque huius generis alia exempla defunt. Sed quid alia recitem, si Scipionis recitatum exemplum in istas partes concedit? Romanorum instituta, suosque proponit mores Africanus, ne sit in eos legatos deſeuiendum. & illa, & isti penitus ad clementiam, ad magnanimitatem erant. Audiamus verò & Polybium eiusdem scriptorem historiæ ait, a Scipione pro sa'ute legatorum responsum, non quid æquum esset Cartaginenses pati, illud agere oportere, sed quid facere Romanos deceret. Quo responso, quid iustum fuerit, declaratum est. & de iusto nos quærimus. Adde, hoc expresse confirmantem Xenophontem lib. 5. de exp. Cy. *Quis* (inquit) *ad illos audeat cum caduceo venire, quorum caduceatores occiderit?* Satis, ait, tutum non est. Ratiunculae, quæ attexebantur, non valent. Bellum enim iuris gentium est, vt ipso, bellicisque facinoribus ius gentium non lædatur. Quare vt tot illa sustinuerit populus Romanus a Cartaginensibus mala: quia iure belli sustinuit, ius in ijs gentium violatum dicere nequisset: & propterea nec ipse debuit violare. quod fecisset, si ob illa violasset legatos ad se postea missos. Insons verò qui iste dicetur, qui nocentissimi personam

*App. de be. Pu
in fi.*

*Guic. lib. 18.
Procop. lib. 2.
be. G.*

Lib. 15.

*App. li. 5. de be.
c. 11.*

Plut. in Peric.

*Alc. li. 8. Pare.
c. 18.*

De be. Pim.

Enf. li. 1.

*Li. lib. 34. 45.
37.*

induit? Sed sic numquam in subditos agere principis liceret ob offensam a principe præstitam; & nullum bellum esset. Maiorem speciem habet illic, quod de iuramentis, fœderibusq; violatis dictum est. Horum enim temeratoribus nulla fides (ait ille) reliqua est apud amicos, ac inimicos. Sed nec propterea vel infirmari ius legatorum debet, qui in id sunt instituti, ut ratio cuiusque mali componendi superesset. Et sanè quidquid gestum est, videmus in historijs passim, remedium hoc retentum ad mala quæq;. At si quis contra alium eo spreuerit, non est, cur ipse pro se illum uti velit, cupiatque: sed hostiles expectet potius inimicitias. quibus scilicet omnia iura belli, omnisq; penitus tollatur communio. Ut etiam decreuerunt aliquando Athenis contra Megarenses, quorū culpa Atheniensem interijssse legatum, ferebatur. Et huiusmodi bellum, in quo nec tutus quidem est vel caduceatoribus accessus, tum aliàs tum nostro hoc sæculo a Rhœtis cum Maximiliano gestum Imperatore huius nominis primo, rescuiimus. Ceterū hoc nō fuit argumenti propositi. Statuo igitur, legatos ab huiusmodi principe ad alterum tutò non ire, cui iura legationis violata sunt. aliàs legatos violari non oportere: nec si alia gentium iura violata forent: nullum enim maiestate, firmitate cum hoc conferendum est. Et ideo ni alia patrassent Germani, de quibus diximus cap. 4. mala: iustè Catonem censuisse censerem, qui Cæsarem illis ob detētos legatos dedendum suaserit: etsi inducias violassent. Et hīc verò illud repeto, quod superiore capitulo scripsimus, supplicibus adhuc suum ius esse, vel si eorū princeps violarit legatos alterius, ad quem supplices proficiscuntur. Atq; in hanc rem libenter profero, quod de seniore Africano Appianus scribit, præstasse cum Cartaginensibus iterum ad se venientibus supplicatum omnem securitatem. Adhibuerunt autem legati hi supplices & sanctissimum Caducei signum quod vel Achilles reueritus fingitur, ut ut diuersa minitatus quoque fuisset. Ac sanè non mirum, si Caduceatoribus idem ius attribuitur, quod supplicibus. nam utriq; sunt sub diuina tutela. Sic ubi periculū legatis est. Caduceatores missos, qui illis tutum accessum impetrarent, legimus non infrequenter. Sed de supplicibus legatis non violatis, etsi hi forēt ab eis, qui pessimè iura hæc temerauerint, exemplum & apud Agathiam est lib. 4.

Habet

Habet verò & illam præclaram sententiam Platon: *Omnium tum in cines, tum in peregrinos maximum est peccatum, quum peccatur in supplices. Deus enim afflictis supplicis custos eximius.* Iam ad alia.

CAP. VII.

An sit cum rebellibus ius legationis.



T verò is, qui iura despexit legationis, indignus iudicatus a nobis est, cui eadem iura seruentur: sed suo se delicto illis prinasse, creditur. ita, ne delinquendo iura hæc quisquam assequatur, longè certius esse, ac videri meritò debet. Qui ergo deficiunt, id est, qui ab his, quorum sub imperio sunt, desistunt, ij vllas legationes mittere ad illos non audeant, a quibus defecerunt. Atque recens est admodum quod cum Belgicis legatis rex egit Hispaniarum. Etiam Dionysius legatos Syracusanos coniecit in carcerem: quum ea ciuitas, pulso in arcem tyranno, se in libertatem adfereret. Ego hic tyrannum a rege non facile separarim: quia in eo, quod quærimus, paria esse vtriusque iura videri possunt. Vterq; dominus est. & iure forsitan vterque tenet principatum. Nam vt volentibus imperet rex, inuitis tyrannus. Haud tamen minus princeps tyrannus est. quoniam nec princeps non est, qui armis, & bello imperium quæsit, quiq; inuitis maximè dominatur. Et libet sanè Platonis similitudinem qua ille ad idem vitur in Politico, huc adferre. Vt medicos scilicet nihilominus appellamus eos, qui inuitis, atque qui volentibus medentur, modò rectè medicinam exerçant. ita tyrannum a rege non discreuerimus in proposito: nec aliàs, nisi aliud obstat. Soleo propterea illos etiam ridere, qui & tyrannum & iniustum dominum Turcam clamitant imperatorem. Et scio, Aristotelem pro nobis stare. Quæ etiam in contrarium afferri possunt de tyrannidis causa improbata, & infirmissimo ipsius iure, cum id generis alijs: ea apud me firma non vsquequaque subsistunt. Si enim per necessarium lapsum ad tyrannidem deuenitur: cur dignum qui se imperio sentit, is illuc non admittatur? prædam expositam cur non capiet? Itaque Georgio Buchananano non subirasce nequeo, qui duos iustissimos principes (ipse & fatetur iustissimos) Hiero-

Plus in Dio.

*L. 3. Pol. c. 10.
II. 12.*

*In lib. de re
Scot.*

nem Syraculanum, & Cosmum Medicem latronibus duobus assimulat, qui prædam quidem iustissime diuidere, & administrare soleant, sed iniustissime eam confecerint, adeoque latrones sint. Nam vt de reliquo iure magni Etruriæ Ducis sileam: quæ quæso latro Cosmus, si ciuitatem sui iuris fecit, dominijque, quæ dominum inuocabat? Scilicet vir præstantissimus domino barbaro, aut externo subijci ciuitatem suam debuit expectare: aut clauum alijs finire, qui scopulis, tempestatibusque nauim illam continuò obiecissent: cum ipse vnus quasi in portu eam habere scierit. Quod præterea in tyrannos dicitur, iure eos non regnare, quia iure ipsis regnum eripiat, id profectò debile est. Etenim nec iure regnaret Turca, regnassetque populus Romanus olim, quorum eadem hæc condicio, quæ & tyranni est. Scimus & illa, & alia contra hæc nostram opinionem produci posse, maximè verò odiosissimum ipsum tyranni nomen. Sed ea sunt fortiora. Ego autem nec tyranno faueo. verum quæ sint cum ipso iura doceo subactori. Et aio, iura legationis non esse: sicut nec cum alio principesunt. Ac præterea neque vituperari Constantium potuisse crediderim, si in legatos animaduertisset, vt minitabatur, quos Iulianus, in consortium imperij a Gallico exercitu euectus, ad eum miserat. defector enim & Iulianus, & exercitus. Sic aliò potiùs respectu Theodosius Maximi tyranni legatos, item tyranni Eugenij exceperit, non iure vllò constrictus. Imperitè verò Hotomanus in illustribus quæstionibus ius immo gentium cum defectoribus esse scribit. Quod namque Paulus I. C. defectores esse hostes dicere videtur, vsque eo vt ciuitatem amittant: tantum abest, vt probet, iure gentium eos censendos, vt probet manifestè contrarium. nam si vsque eò tantum sunt hostes, capiteue minuuntur, vt ciuitatem amittant: profectò non erunt tales, quare consultum ipsis, iussue aliquod quæsitum existimetur. Vnum porrò monendi sumus, ne de alijs rebellibus, defectoribusq; hîc definitum existimemus, quàm de his, quos sub dominio fuisse diximus: nam qui ab amicitia, fœdere, comi etiam obsequio defecerunt, his esse ius legationis reliquam adfirmo. Quoties enim Volsci, Latini, Hispani, alij innumeri a Romanis rebellarunt, & eorū tamen legati iure hoc gentium tuti sic crediti sunt, vt frequentissimè, citraq; omnem periculi suspi-

Ann. lib. 21.

*Ruff. eccl. hist.
lib. 10. c. 26.
Zosim. lib. 4.*

*Lin. lib. 5. c. 29
&c.
App. lib. 1. de
be ci.*

suspicionem proficiscerentur? Hi retinent ius legationis, quoniā & habebant ante rebellionem: quod subditis non erat: & ex reliqua iniustitia illud non perditur. Subditi autem rebellando quærere ipsum non possunt, quia delictis iura non adquiruntur.

CAP. VIII.

Ius legationis cum prædonibus non est.

SED neque prædones eo iure gentium fruuntur, aut piratæ: quoniam ipsi humanam a se omnem societatem penitus repulere, trahuntque (quantum in ipsis est) orbem terræ ad pristinam illam naturæ feritatem: quando scilicet homines vitam tractabant more ferarum, quodque obtulerat cuique prædæ fortuna ferebat, sponte sua sibi quisque valere, & viuere doctus. Quā (vt Thucydides notat) nec dedecori fuit, latrocinari, sed honori potius. Quo etiā nomine Mercurius, alijsq; Homero maximè cōmendatur. His, qui ab omni cōmunionē se subdixerūt, ac (vt Florus libro tertio loquitur) fœdus hūmani generis ruperunt, ius, quod nihil nisi cōmunio, & fœdus est, quī manet? Auscultandū ergo Ciceroni, qui libro tertio de officijs, belli iura negat cum istis intercedere posse, qui sunt omnium cōmunes hostes. *Latronibus* (alicubi Liuius ait) *verius, quàm hostibus iustis, &c.* & alio in loco de prædonibus supplicium sumptum scribit: & belli ius ipsis, vt alijs, in re ista datum non esse. Quæ & de fugitiuis scribit Florus lib. 3. Quæ cum ita sint, quid est, quod Cæsar libro tertio de bello ciuili ipsum hoc ius legationis datum immo prædonibus ait? Cum impetrare a Libone non potuisset, vt liceret sibi legatos per ipsum mittere ad Pompeium, id quasi cum exprobratione mox voluit pronunciari. *Liceretne ciuibus ad ciues legatos mittere, quod etiam fugitiuis ab saltu Pyraneo, prædonibusq; licuisset.* Credo autem de his Celtiberis, atque Iberis sentire Cæsarem, quos victos a Martio, Appianus commemorat, & de Viriato, suisque: quorum idem meminit auctor: atque latrones nominat passim: & legationes corūdem narrat ad Romanos duces. De quibus scilicet si Cæsar sensit, ipse ostenderit, Appianusque, latrones illos fuisse: ego enim non puto. Quamquam si sunt, nec me ra-

Lucr. lib. 5.

Lib. 1.

*Hy. in Mer.
Pla. lib. 1. de
re.*

Lib. 40.

Lib. 34.

App. de be.

Mir.

App. de be. ci.

lib. 1.

Lib. 3. annal.

L. 31. D. depo.

tio mouet, qui ius factorum confidero, non facta ipsa. An a Spartaco, & similibus legationes? Traditur, ab eo inuitatum Ctaffum ad foedera: & renuisse hunc ob rei indignitatem. ceterum nullas audio missas legationes. Quid Tacfarinas latro Afer? is ad Tyberium imperatorem (huc scilicet, ut Tacitus loquitur, arrogancia venerat) legatos misit. Sed excanduit Tyberius. adfirmavit contumeliam singularem factam a Tacfarinate sibi, quod praedo secum quasi perduellis ageret, hostisue publicus. Si praedoni id iuris est, quid excandescit, quid iniuriam singularem coqueritur princeps Romanus? quid arrogantiam accusat Tacitus? Ex eo igitur haec sunt, quod certum sit, praedonibus iura ista non esse. Ergo miror adfirmare Hotomanum, ius gentium, & cum fugitiuis, & cum praedonibus esse: ius ipsum legationis ex eo, quod Caesar vocitabat. Quasi ius contenderit Caesar in illo facto fuisse: aut id contendere eum oportuit: & non potius in Pompeianorum inuidiam fuit, (id quod Caesar quaesijt) datam & his legationis securitatem, quibus danda non fuerat, cum ciuibus interim non daretur, quocunque eos tandem nomine Pompeiani censerent. Verum Tryphonini I. C. sententia idem probari Hotomanus asseuerat. Et ego eiusdem I. C. testimonio nostram confirmo opinionem. Agendum, videamus. Ait Tryphoninus, quod si dominus ad rem sibi ereptam repetendam non venit, is, apud quem deposuit illam praedo, restituere praedoni, latroni, furi eandem iure gentium debet. quod si dominus adsit, reddi huic magis oporteat. Qui ius hinc deducet latronibus gentium? Latro ibi non est, ubi dominus non est, qui illum coarguat latrocinij. & nec latronem eum quidem nominat domino absente I. C. Sed inquit: *Rem accipiat is, qui dedit.* & mox: *Ei restituenda sunt, qui deposuit.* Hoc videlicet est, quod in principio scripsit, praesentis suae inspectionis alteram hanc partem esse, quum ius inter eos tantum, inter quos contractum est, nullo extrinsecus adsumpto aestimamus. Quod itaque iure gentium deposita res fuerit restituenda, id fit ut cum deponente, non ut cum latrone. nam latroni negat idem I. C. restituendam. *Scelestissimo*, inquit, *adempta sunt.* & latronem, domini persona demum adsumpta facit. Alias latro is potius esset, qui depositum deponenti non redderet. Nunc breuius. Latro ubi quis est, ibi ius huic non datur

datur. Est verò nō aliter latro, quàm si persona domini admouea-
tur. Ergo quòd ius illi detur non admoto domino, est, quoniam
latro ille tum non est. Iam domini personam in questione nostra
rectè tenuerit magistratus, publicaue alia potestas.

L. 13. D. de of.
1745.

CAP. IX.

Vtrum in ciuilibus dissensionibus maneat ius legationum.

AT illud etiam paulò diligentius consideremus, quod
Pompeianis exprobrabat Cæsar, si in ciuilibus dis-
sensionibus iura legationum non maneant. Et est sa-
nè periculosissimum has mittere. Nam legati Sena-
tus, Vitellijq; a Flauianis violati. & Vitellius ipse cum alijs idem
fecit. Item missi ad legiones Germanicas (recenset libro primo
annalium Tacitus) vix apud Deum altaria seruati. Violati sunt
ab aduersarijs ij, quos misit Sylla, vt de pace agerent. & alius Ma-
rij legatus trucidatus a Syllanis. Antonius etiam flagris missum
ab Augusto cæsit. Sic scilicet per summā rabiem res agitur (quod
Tacito alicubi notatur) in bellis ciuilibus. Adde, quod cum vtra-
que pars rapiat ad se titulum ciuitatis, & aduersarios censeat pa-
triæ hostes: hoc prætextu & ius in legatos sœuendi sibi adsume-
re solet, tamquam in subditos, atque rebelles. Euentus enim mox
iudicabit, quid fuerit. Siquidem victi hostium numero censeri
consueuerunt. Et hæc ita se haud dubiè in facto habent. Ad ius
quod spectat, distinctione quadam quæstionem ipse compone-
rem. quod in dissensione aut pars vtraque totum ad se ciuitatis
statum, æquàmue portionem & verbo, & facto proponit pertine-
re: ac legationis vtique ius inter istos fiet. & rectè exprobratum a
Cæsare fuerit, quod retulimus. Si verò quidam sint, qui tantum
sibi nec audeant, nec possint vindicare. his neque iura legationis,
neque alia iura gentium tribui oportere, decernimus. An Cati-
lina legatos habere Romæ potuerit? Scribit quidem Sallustius,
Manlium Catilinæ ducem legatos ad Q. Martium Imperatorem
Rom. misisse, eosque reuersos ad Manlium inuiolatos. Sed nec-
dum hostis erat Manlius: nec ego hoc libro de factis, verum de
legitimis sententijs disputo. nam & fugitiuis, & prædonibus, & a-
lijs omnibus, quibus iura dempsimus legationum, paria cum

Tac. lib. 3. hist.
& lib. 1.

Lin lib. 85.
Val. lib. 9. c. 8.
Plut.
Plut. in vi.
Otho.
Dio lib. 41.

Manlianis legatis exempla esse posse, non ignoramus. & ab Apuleio missos legatos, libro tertio nobis narrat L. Florus. Rectè itaque de legato Antonij Cicero Philippica octaua, portas illi vrbis patere non debuisse clamat. atque ego non quòd hostis Antonius fuerit, sed quòd fuerit talis hostis, cui iura hæc gentiũ concedi nõ debuissent, & Ciceronis vocem probo, & cum legatũ Romæ (si libuisset) supplicio affici potuisse contendo. Nā qua ratione Fuluij adolescentẽ filium in Graccana seditione a patre ad Senatũ, quo cum de pace ageret, missum, etiã in Robore necarunt? Ait quidem Plutarcus facinus crudelissimum, & Paterculus vnicum scelus libro secundo appellat. Sed me istæ historicorum sententiæ non mouent. Qui facerent sapientiũs, si (quod & viris doctis probatur magis) ab istiusmodi iudicijs abstinerent. Cur scelus? immunem delictorum, aiunt, adolescentem fuisse. Quod falsum est. nam cum patre, reliquaque seditionum factione in Auentino fuit, & pro iisdem legationeungebatur. Quamquam dicit Appianus captum, & dato mortis arbitrio necatum: quòd primũ venienti denunciatum fuit, ne postea vlla veniret legatio, & contempserit adolescens istam denunciationem: ideoque tamquam non iam legatum comprehendere iussum. Quod pro adsertione capituli quinti est. Sed & hanc, & priorem determinationem singulis adhuc rationibus adstruo. Priorem sic. Si cum hostibus ius est legationis, cum quibus & in exitium contenditur: magis est cũ his, cum quibus non contenditur in exitium reip. nec vice hostium sunt. Tales autem illi sunt aduersarij, & tales Græcos inter se belligerantes nuncupat Plato. Ergo cum illis omnino erit ius legationis. Et quidem si ciuili gentium (vt ita cum Cicerone loquar) bellis soluto ius manet legationum: cur non maneat inter ciues iure ciuitatis turbato? Et quidẽ lib. 1. de bellis ciuilibus Appianus narrat, legationes inter Cinnanos, & Octauianos vltro citroque commisse: & inter alios aduersarios. & lib. 2. inter Antonium, Lepidumq; & Cæsaris interfectores: & li. 3. inter alios atq; alios: & reliquis pariter. Secundum sic. Subditis non est ius legationis. nam & iure ciuitatis tenentur. At isti seditiosi sunt subditi. nec enim delicto se quisquam nexibus soluit ciuilibus. Ergo istis non ius est mittere legationes. Disputemus de subditis.

Cro. li. 5. ca. 2.

*Pod. me. his.
c. 4.*

*Ap. lib. 1. de be.
ci. 1. 21. D. de
capo.*

*In Menex. &
lib. 5. de rep.
Lib. 3. de fini.*

*Nec a subditis, nec ad subditos recte mittuntur
Legati.*



ON esse ius legationis cum suo domino subditis, hinc patet, quod potentioribus & dominis pares esse non possumus. legatus autem se vt parem gerit principi, apud quem agit legationem, & ciuilibus præceptis non adstringitur, aut vlla eiusdem principis ciuili constitutione. Quod mox videbimus. Et huius rei testimonium in Liuiio luculentissimum extat. qui colonis quibusdam & denegata scribit, quæ petebant, & simul denunciatum Senatus verbis, facefferent properè ex vrbe ab ore atque oculis populi Rom. ne nihil eos legationis ius externo, non ciui, comparatum tegeret. Et libro vigesimo nono, legatos quarundam coloniarum retentos etiam scribit, & ex S.C. Legitur & apud Agathiam, quod Misiani oratores, dum petulanter agunt cum præfecto Romano, fustibus cæsi sunt, & semineces ad suos remissi. Scelasti dicuntur Misiani, qui præfectum propterea occiderunt: & nefarii, & perditii homines, & temeratores iuris gentium, quod mox legatos Romanos necarunt. Quæ his adferunt declaratione dictis capite quarto. nempe legationis iura suis principem legatis non tollere, qui læsit alienos, si lædendi ius habuit, & auctoritatē: vt scilicet præfectus Romanus in subditorum legatos habuit. Sed tria adhuc facta insignia narro. Primum hoc est. Laurentius Medices legatum Ducis Vrbinatis eo nomine retinuit, quod Papæ subiectus esset legatus: vices verò Papæ Laurentius agebat. Num iustè factum? Illyricum exulem misit certè Perseus legatum ad regem Illyriorum Gentium. Ego Medicem non improbo. nam recusare quis patriam, ex qua oriundus est, nequit. vt nec principem naturalem. Et de exule quamquam a nostris tractetur, si ciuis desinat esse: illud certissimum est, eum, si ad interdicta loca redierit, posse vel ex hac contumacia plecti: nec nomen sibi posse legationis opitulari. Illyricus vel non ex subiectis Gentij (latissimè enim patebat Illyrium) erat. vel quod mali nihil passus est, aliò, non ad ius, factum referatur. Et in hoc quidem legationum argu-

Lib. 6.

Lib. 3.

Guicci. lib. 13.

L'iv. lib. 43.

L. 6. 15. D. ad
munic. l. 4. C. de
mun. & orig.

mento remitti de summo iure solitum, certissimum est. Quid quoque si cum exulem Gentius legatum excepit? excepto denegare mox legationis iura non potuit. Atque hoc est, quod contra Medicem adduci valet. nam is subditum illum Pontificis admisisse legatum visus est. Et Franciscus Sfortia Mediolani Dux exercere dominicum ius in legatum Regis Gallorum nequijt, quem legatione apud se fungi patiebatur. atque quod illum necarit, dominij isthoc prætenti non rectè excusabatur. Nec verò huic definitioni nocet, quod de Menandro quodam traditum a nostris est. quod scilicet sicut in nolentem illum, ciuem hostium factum, ciuitas sua suum ius non resumit: ita in exulem istum nec quidquā huiusmodi resumatur. Exul enim & proficiscendo peccat, & in alteram ciuitatem nulla principis, qui in exilium abegit, voluntate venisse, potest existimare. Secundus casus hic. Narrat Liuius, caduceatores Persei retentos a P. Æmilio, ad quem ille legarat. Hoc quid est? Victus Persea, totoque exutus regno quid iura regum voluit vsurpare? Sic ille idem Romanus nec litteras dignatus Persei est, in quibus is se regem nominabat. ac eo propterea titulo mox abstinuit. Ad regem ergo Hispaniarum hodie pro Antonio, regno Lusitaniæ cincto, quis iret legatus? Immo dedi hominem sibi, & res suas omnes peteret populus Romanus, alijque. vt ex Plutarchi Lucullo, Xenophontis libro primo rerum Græcarum, & alijs videre licet. Vltimum, quod volo, est. Deditibus se per legatos Ætolis imperat consul, sibi quosdam dedi. Tum (recito ex Liuiio) *princeps legationis: Non in seruitutem, sed in fidem tuam nos tradimus: & certum habeo, te imprudentia labi, qui nobis imperes, quæ moris Græcorum non sint. Ad hæc consul: Nec Hercule magnopere nunc curo, quid Ætoli satis ex more Græcorum factum esse censeant: dum ego more Romano imperium in deditos habeam. Itaque ni properè sit, quod impero, vinciri vos iam iubeo. afferrique catenas, & circumsislere lictores iussit.* An factum probamus? In selectis Polybij de legationibus eandem habemus historiam. Et narrat iste, adstantes Romanos pudore ob factum suffusos: quòd sic in legatos ageretur publico concilio missos. Mihi etiam asperum factum videtur: quia verbo captum legatū si quis retinere irretitum velit; quæ potest bona fides (hoc est ius

L. 5. D. de cap.

Lib. 44.

Lib. 36.

gentium, & legationis) in homine esse? Illud & narrat Polybius, quod cum de hac re Senatus consultus esset, responsum ab hoc, vt Ætoli vel se per omnia dederent, vel penderēt mille talenta. Ætolis autem, quid in deditioe esset, explicare petentibus, nec id datum; & illatum bellum rursus, ait. Quo facto liquet satis, captos verbis Ætolos; nec Romanum Senatum vrsisse captionem, nec deceptos præmere voluisse. Non enim isthæc sunt e principum maiestate. Quare (vt audire memini) Dux Saxonie Mauritius Carolo imperatori subtiles quasdam interpretationes aduersus Lādgrauij liberationem proferenti. At ego, dixit, te tamquam imperatorem, non tamquam causidicum volo pactiones interpretari. Et hætenus de legatis subditorum cum principe suo. Quid cum alieno? Puto autem sic mitti posse, nisi sit tamen aliquid, quod ius publicum attingit. Nam mittere tum subditi legatos inconsulto principe suo ad alium principem certè nequeunt. Aliàs si hoc non fiat, rationis est, quod dixi. quoniam rerum priuatarum princeps non est dominus. videmusque passim cum alienis hominibus alios contrahere principes, omnèque genus priuatorum negotiorū peragere. Subditæ autem ciuitates loco priuatorum habentur. Et his legatis ego tribuendum ius non existimo: quod est, ne ciuilibus cōstitutionibus sint obstricti. Ac rationes manent ex his, quæ hætenus disputauimus. Quid verò si negotium iuris publica geretur? Contrarium statuendum esset. nec enim tam eos intueremur, qui agunt, quàm quod agunt, & quo nomine agunt. Agunt verò causam publicā, & publica auctoritate principis sui. Quare quòd legati, puta, Patauini nominentur, nihil refert, si id, cuius interest principis, agunt, & huius etiam auctoramento. Cum nomē solum retineant Patauinorum. quod hīc & publicum est. non priuatum; Veneta rep. concedente. Ac de legatis, qui a subditis mittuntur, satis. Qui etiam ad subditos sunt siue suos, siue alienos, nobile illud ius legationis non habere, verum est. Nam etsi non erit subditorum de legato principis sui quidquam statuere: non tamen legatus propterea quid habet maioris iuris. Etenim quod & ius imperandi dedimus ei, illud nihil aliud esse volumus, quàm quod mittentis iussa concipere queat ex persona sua, quæ mittentem refert. Ad alienos autem subditos nec rectè mittuntur legati: quia

L. 16. D. de v. sig.

Nirci. de be.
Afr.

subditi, quod ipsi non habent, dare alijs minimè possunt. Si tamè venirèt, eos sisti principi ipsorum a subditis volo. Nam quis Còfidium ferret, qui missum a Cæsare ad se iussit interfici? Equidem fecisse Cæsar imprudenter videtur, qui legatum ad hunc misisset cuius erat Scipio imperator. barbaræ tamen audaciæ notam Confidius non vitat. At in præsentī argumento quæro, quid sit, quod Plutarcus in Alcibiade scribit, pactum cum Pharnabazo satrapa, vt legatis Atheniensibus ad eius regem iter liberum esset. An subditi ius habent prohibendi, ne ad principem suum legati accedât? Dicimus, pactum illud fuisse, vt ab eo Satrapa legati etiam deducerentur. quod tradit libro primo rerum Græcarum Xenophō vel quod duces exercituum, limitumque præfecti, similesque habeant eam potestatem. Sic refert lib. 8. Dionysius, & alibi non semel legimus, impetratam a Romanis ducibus veniam mittendi Romæ legatos. & Liuij libro 42. dicitur legatis Persei, ne postea Romam venirent. Si venirent, neminem eorum per Italiam ire liciturum. mitterentur ad Consulem, qui in Macedonia futurus erat. Illud iam dicimus haud dubiè improbandum quod Latini (Dionysio auctore lib. 6.) cum Volschorum legatis egerunt. hos ad se missos societatis causa petendæ vinxerunt, Romamque in manus hostium deduxerunt. Nec enim Latini erant Romanis subiecti, vt tantum admittere facinus debuissent. Notat factum libro secundo Liuius, factiq; causam; & legatos violatos a Latinis, dicit. Nec sanè cuiusquam Romanorum federati simile exemplum extat in similibus legationibus.

CAP. XI.

De legationibus criminoforum.

IN I S huius tractatus, quo causas explicamus, propter quas legatis iura non tribuuntur legationum, duas dabit mihi residuas quæstiones. Atque vna de excommunicatis est: altera de eo homine, qui in principem aliquid ante cômisit, quàm ad illum legationem suscepit. Si is criminofus ipse vir, alterque, qui a criminofis mittitur, tutò, ac rectè in legationes proficiscitur. Et ad excommunicatos quod atti-

attinet, exemplum in Venetis non antiquum habemus. quorum, quod extra Ecclesie communionem positi a Iulio papa fuissent, recipere legatos multi non sustinuerunt. Sed & de hæreticorum legatis, litterisque non recipiendis, Cypriani extare epistolas, & Concilium Sardicense, dicunt. Ac in has quidem partes illud est, quod Polybius libro quarto de Cynethensium legatis scriptum reliquit pulsos vndique cum ignominia, narrat: sic gens scelestissima, & pollutissima habebatur: & Mantinienes post illorum discessum purgasse ciuitatem, & quæque circumstantia loca expiationibus, ac sacrificijs. Hæc facta. Quid nos iuris esse opinamur? Equidem scimus, Venetorum legationes ab alijs Christiani nominis principibus eodem illo tempore admissas, & nunc a Pontificijs admitti, quæ a Protestantibus proficiscuntur: & contra. Est & cum Maumethistis commercium legationum. Et ita sanè iudico, ne propter religionis disidia debeant iura legationum conturbari. Primum quia & nunc apud omnes sic agitur, & olim quoque actum est semper. Dixi de ijs, qui se Christianos profitentur. Res explorata est, quod habent ius legationis apud Turcam Persæ, qui hæretici apud Turcam sunt. De Iudæis, qui alios, & Israelitas legationes admiserint, quid narrem, quod ignorat nemo? Sic & dicere omitto, Græcis ad Latinos, contraque patuisse ius istud, ut altera alteram ecclesiam schismaticam & hæreticam iudicaret: hæreticis ad catholicos, & istis ad eos patuisse. Nota hæc sunt omnia Secundum argumentum, quo ego in istam definitionem inclino, illud est: quia religionis ius hominibus cum hominibus non est, sed cum Deo. Cum Deo enim communio nobis religione intercedit: nam hæc est inter homines, & Deum ratio: quia est religio scientia diuini cultus, & habitus obseruantie eius, quo habitu nos cum Deo deuincimur, & religamur. ut Plutarcus definitum a Philosophis tradit, & ex Platone Picolomineus scribit. mihi que probè definitum videtur. At istam communionem, & ius istud inter homines non est: nisi tu communionem, sic accipis ut in iure naturali dicitur, quod non hominum modò est sed & brutorum omnium animalium. ut enim illud non est, quia ipso inter bruta & homines iudicetur, sed quoniam in ipsum tum homines, tum bruta mouetur: ita & ius religionis in-

Gulcr. lib. 8.

Cic. lib. 1. de legi.

Plin. lib. 1. de
Pl. gr. 4. c. 35.
Mor. phi.

ter homines sit, non quòd homines hominibus ea obstringat, verum quia omnes erga Deum religionem profitentur. Quid hæsitamus? Patet rem ita esse: nam religio ex hominibus non est: neq, nisi ad Deos Ethnici retulerunt. Itaque non est iuris gentium communio. hæc enim naturali ratione est. Et si hæc ita sunt, quæ ex religionis diffidio iura gentium violantur? quæ pereunt legationes? Tertia nostræ definitionis ratio ex probatis ab alijs est. Bella religionis causa mouenda non sunt. Id alij probarunt, & ego pro probato adsumo. Ergo in quocunque religionis discrimine manent iura legationum. Nexus argumenti est, quia si non potest ius pacis eo diffidio tolli; minus potest ius legationis, quod, altero sublato, manet. Atque (ne sim verbosior) ego sic censeo. Itaque viderint principes, quid agant, dum religionis prætextum in legationum argumentis vsurpant. Nam ex his, quæ pro nostra opinione induximus, scio cadere, quæ in contrarium proponebantur. Et exemplum Cynethensium non confert eò quidquam: quia hi scelerasti in ipsos homines, gentesque. Iam in altera quæstione exempla etiam habemus. Nam legatum Atheniensem Demadem ab Antipatro interfectum Plutarcus recitat; & ab Alexandro Phæreo malè similiter habitum Pelopidam, libro octauo Polybius scripserat. Inimici hi erant legati regibus, ad quos iuerunt, & conuicia in eos dixere, fecere mala. Polybius verò imprudentiæ incusat Pelopidam, quòd ad inimicum accesserit. Ego etsi imprudenter egerit iste, & imprudenter illi agant, qui huiusmodi odiosos homines legant: actum tamen ab Antipatro, & Alexandro barbarè, iniustèq; existimarim. Ac ipsos satis coarguit diuersa in pari casu in filium Segestis deliberatio Germanici: de qua libro primo annalium Tacitus scribit. Venuleius etiam I. C. nec legatum prouincialem accusandum eius, quod ante cõmiserit, criminis, docet. Scio, in Germanici clementiam referri illud a Tacito: & hoc Venuleij documentum non vni cauillationi expositum. Sed in vero quid est? Sed huic rationi quis respondet? Tutus & cum hostibus debet legatus esse. Et huic, quæ certè fortis est, quis? In publica persona vlciisci priuatam non debemus. Iniuria, quam priuatus sustinueris, non est in magistratu exercenda: id enim non boni exempli est. Quod L. ius non semel dicit. Adrianus imperium nactus quid agit in

cqs

Inui Phoc.

L. 12. D. de ac.

M. 39. 42.

eos, quos priuatus habuit inimicos? Dixit illis: *Enasistis*. significans non spectare ad Imperatorem ista. Quid Rex Galliarum? Dux Aurelianus cum esset, iniurias quasdam sustinuit: quas ut rex factus vlcisceretur, respondit monentibus: Regem non decet Galliarum inimicitias persequi Aureliani Ducis. Ratio eiusmodi est. Publica persona non vindicat priuato sibi illata. Ergo neque in publica persona vindicantur a priuato patrata. Meminisse autem debemus, potiore personæ publicæ rationem esse: quia hæc est dignior: & dignius quòd est, id rapere minus dignum ad se, certum, notumque ducitur. Itaque priuatæ personæ respectus nullus potest obtendi in legato hoc puniendo: quoniam publica supereminet: & hæc est, quæ læditur: nec distinguere potest, ne lædatur. Quo indiuidui casu alij atque alij prorsus homini indulgentur, nexus beneficio, ea, quæ indiuiduè iuncto debentur solum. Et sciunt iurisconsulti, quid dico. Ita mihi suum est, & ausim adfirmare, non malè: quoniam in quæstione nostra excellentioris personæ adiectio est adhuc ex alio, non ex se, qui talem personam suscipit. si id enim esset, definitio videri posset non satis firma. Prospicio obiectiones: quas qui cogitare valent, ij & quod nos volumus, rectè percipiunt, & responsum obiectionibus sentient. Pro reliquis quid sim longior? Quod de Verulano Episcopo Pontificiorum ad Heluetios legato Guiciardinus scribit, diuersæ ipse definitionis non facerem: & non iustè retentum credo. Iustius hi criminosi repelluntur.

*L.x.D. que se
am. l. f. in l. f.
emancipati. C.
de coll.*

Lib. 14.

CAP. XII.

De iure libera legationis, officiosa, & temporaria.



AVSSA S haftenus prosecuti sumus, ob quas iura legationum vacillare censentur. Sed & de personis exposuimus, quæ nec legatos mittere, nec excipere, quæque ipse tutò in legationes proficisci non valent. Restat verò, ut de ipsis, si quas esse credimus, legationibus, videamus, quas Princeps, non causæ ullius personæ, respectu, sed ipsas vetare potest ad se venire. Puto autem liberas legationes, officiosas, temporarias tales esse. Nam qui libera lega-

L. 1. de lega. l.
 42. ex qui. ca.
 ma.

C. li. 3. de legi.
 Dio lib. 58.

tione abesse cupit, is re vera (ipso nomine contrarium videtur: unde & hanc legationem definitione concludimus.) non publicum commodum cogitat, sed suum. ut Vlpianus, & Alphenus scribunt. Atque ratio non est, ut liceat principi in alienas ditiones hos homines mittere, exemptos a ciuilibus eorum locorum statutis: cum interim nullo bono hæc res eisdem locis publice sit. Quoniam quoque omnium ista legatio non videtur, estque solita vituperari rationibus & multis, & magnis: ipsam in regnum suum venientem absque vlla omnino causa refutare principem posse, mihi in animum induco. Non esse legationem iuris gentium & inde datur intelligi, quod Cicero legibus suis (ridiculi illi sunt, qui duodecim tabulis hoc adscribunt) sublatam vult: & omnino sustulit Claudius Imperator. Et inde rursus, quod iura gentium ex humanis necessitatibus esse dicuntur: atque in huiusmodi legatione necessitas nulla est. Idem verò sentio de officiosis. nam & quis ad necessitatem traducet legatorum admissionem, qui officij tantum gratia veniunt? Nec beneficium, nec studium conferri in inuitum posse, naturaliter nouimus: alioquin beneficium iniuria fieret. *Si beneficium* (inquit lib. 9. de leg. Pla.) *minus commode, & oportune collatum fuerit, eius auctorem iniuriam intulisse dicemus.* Ad temporarias, quarum eandem pono definitionem, factum addo Henrici VII. Angli. hunc enim passum nunquam ferunt, istos in regno suo legatos morari. Et ratio, quæ omnes istas conficiat definitiones, illa etiam sit: quod, his sublati legationibus, gentium nihilo deteriora commercia fiunt.

CAP. XIII.

De iure admissæ legationis.

EXPLICIT tractatu de iure mittendæ legationis, rectè ad ius exceptorum legatorum dicendum pergimus: quo scilicet hi in legatione degentes censentur. Atque in principio statim istius libri fundamenta eius reteximus, quod in præsentia quærimus, & sumus per species multas prosecuturi. Legati ius esse retulimus, ut inter hostium etiam tela versetur incolumis. Hinc si inter duos principes bellum subito exarscit

descit, legati eorum retinent apud vtrunque caretam, rectam libertatem omnem suam. quod alijs hominibus non contingit. qui si ita apud hostes principis sui deprehenduntur, serui eorum fiunt. Legati abire iubentur, si eo tempore eos in regno suo degere princeps nolit. Exempla profert libro primo, & sexto Guicciardinus. Nec verò principis partes sunt tantum, curare ne a se, suòue consilio legatus lædatur: sed & ne ab alio quouis iniuriam patiatur. Sic scilicet rectè Alexander VI. Papa Gallos legatos dimitti iussit, qui ab Aragonensibus capti hostibus fuerant Romæ. & stabat pro Aragonensibus Papa. & contra verò occurrere omni ratione rex debet ipsis legatis: si legati quid secius admittere parent. Quod præstitum a Syphace optimè fuit, qui Cartaginenses legatos retinuisse, insidias Scipioni, eiusque comitibus molientes, narratur. Nec determinationes istæ certa ratione carent, sed eam habent valde magnam, quòd traditum est, principis maiestatem lædi, legatis, qui apud ipsum sunt, læsis. Quod inde est, quia fidem publicam legati vsurpent, principisque: adeoque & publicam, & principis violet fidem, qui violat legatum. *Quod ad Legatos, Oratores, comitesue attinet, si quis* (inquit lex) *eorum quem pulsasse, & sue iniuriam fecisse arguetur, lege Julia de vi publica tenetur.* & quidem quòd contra ius gentium peccatum est, dedi & oportere, & consuesse hostibus delinquentem, ac domino legatorum violatorum, exploratissimi iuris est. Qui legatos Apolloniatum pulsarunt, Apolloniatis, qui pulsarunt legatos Cartaginensium, his dediti sunt. deditus quoque a Demetrio is, qui legatum populi Romani interfecerat. quod ex selectis Polybij scimus. Illud tamen verum est, quod delinquentis princeps & ipse pœnam constituet, si id cupiant legati, qua iniuriæ sibi illatæ vindicentur. Sic enim Saturninum, quòd legatos Mithridatis grauissima iniuria affecisset, vocatum ab legatis in iudicium morti damnauit Senatus. Hoc est ius legatorum sanctissimum. Esse autem ius gentiũ, & dictum, & ostensum est: atq; illud præterea, quod eo vno gentium iure iudicantur legati, si ipsi iudicandi sunt. ex quo mox consequitur, delicta in legato quædam non esse, quæ in alijs sunt iuri etiam ciuili subiectis; & non esse quædam rationis eiusdem. Idem verò & de contractibus, & de qua-

*L. 15. D. de m-
te. l. 13. de se-
sta. l. ult. de le-
gatio.*

L. 12. D. de cope

Guicc. lib. 2.

*App. de be.
Hisp.*

*Pa' in c. 1. de
off. deleg.*

*L. 7. D. de vi
pub.*

*L. ult. D. de
legatio.*

Lin. lib. 35. 18.

*Et App. lib. de
be. Syri.*

*Ex Select. Dio.
Sic.*

que re alia fiet. Caterum contingere quoque potest, ut, vno gentium iure censi, minus sit commodum legato, quam si civili etiam censeretur. Nec enim puto pro libitu suo legatum modo refutare, modo inuocare ius ciuitatis posse. Nam hoc esset contra iuris gentium rationes, ut in ipsius arbitrio esset, ludificare iudicia. Et verò quiret egregie istud legatus efficere, si illud sibi daretur: quoniam multa, quæ vno iure non fierent, altero fieri valerent. itaque si ea optio legatis esset; hi iam possunt quid & factum reddere, & infactum. quæ foret summa ludificatio. Sed & exemplis horum omnium adlatis, ea & perspicua fient, & certiora. Delictum itaque iure civili admittit, qui sibi quidquam in testamento adscripserit. id non est delictum iure gentium: ut nec in legato sit. Eadem principis cogitare & moliri, horrendum est iure civili crimen. est crimen etiam iure gentium: sed non paris rationis. quod fusi sumus examinaturi. Multi actus sunt, qui iure civili plures duobus exigunt testes. iure gentium numquam exiguntur plures. Igitur ex supradictis, si legatus conueniatur ex contractu, in quo duo tantum testes adhibiti sunt, in quo tamen per ius civile plures requirebantur, rectè secundum suum ius gentium legatus condemnabitur: quia ex simili ipse posset condemnatum facere aduersarium. An summa tibi iniquitas non videretur? Quid? Ergone in legato erit, firmum, vel infirmum præstare, quod gestum est? Finge, eodem contractu obligatum legatum alijs, alios sibi obligasse. nam ab illis conuentus imperfectum testium numerum opponet, iure civili, hos ipse conueniens dicet firmum, iure gentium, instrumentum ex testibus duobus? Ast cum exemplis satis. nam pleniores disputationes, quæ sequentur, melius adhuc rem omnem probant. Hic id vnum addendum est, quod sicut diximus, legatorum violatores dedi solitos esse, ita & ipsi legati, si quid in iura gentium peccassent, deduntur: aut etiam puniuntur a suis grauissimè. Sic scilicet legatos Fabios dedendos pronunciauere Fœciales, quoniam, legationem agentes, in Gallos pugnarint. & mox, cum ab Romanis met puniendi forent, morte voluntaria ipsi se iudicio subtraxerunt. Bona autem dedebantur istorum, non solum corpora. Atque istam definitionem sapientis Dæ iudicium

L. i. D. de fal

*L. i. D. quod
qui in.*

*Li. lib. 5. 6.
Plus in Num.*

App. in Sele. Et.

cium comprobavit, dum Tydeum amore in Thebanos pugnandi flagrantem, ad quos profectus legatus erat, ipsa & compref-
 fit, & vituperavit. Ergo nec Agefilaus, nec Clodius, nec eorum al-
 lius, de quibus libro proximo dicitur, iure egisse videntur, qui
 vel consilijs patrati hostilia sunt in eum, ad quem ierant ora-
 tores. quæ enim est differentia, armis apertè, an dolis nocitum
 sit? Sed neque hæc tantum iura esse admittæ legationis videntur:
 verum & illud est, ne, legatione stante, hostile quidquam ad-
 mitti possit. Sic Pharnacis legatus (quod habet Polybius in
 selectis) apud Eumenem dicebat, absurdum esse, adesse se, de-
 que pace sermonem habere, & vnà hostilia fieri, ac malis inui-
 cem periri. Sic dimittuntur (vt diximus) legati temporarij, vbi
 inter illorum principes bellum exoritur. Cæterum videndum
 est, quomodo excepta legatio sit. Nam ex eo facto ius istud,
 quod quærimus, innotescet. Ecce enim quod temporarij di-
 mittantur, inde est, quod isti cum in officium magis sint, bello
 exorto stare nullo modo possunt. Si item antequam arma mo-
 ueantur, legatio, ad componenda fortè dissidia, intercedat: pi-
 tum arma non mouebuntur. & ita potest legatus Pharnacis lo-
 cutus esse. viam enim communiter electam deferere, nisi com-
 muniter sine nota nequimus, aut si de nostra noua voluntate cer-
 tiorem non facimus aduersarium. Immo & in ipso armorum ex-
 exercitio conticescent tantisper arma, donec ea legatio maneat, quæ
 in eundem & missa finem, admissa erit. Quoniam eo facto quasi
 initæ induciæ videantur. Ast tutum hoc ius non est. & malè actū
 quibusdam scimus, qui ei confisi sunt. Quapropter de inducijs ex-
 pressè caueri solet: pax etiam si sit inter exercituum duces compo-
 sita; & pro rati habitione principum legatione processerint. Certè
 si profecta, sed nondum excepta legatio est, quin nullam iniusti-
 tiæ notam incurrat, qui bellum gerit, non dubito. Exemplum ha-
 bet Curtius libro nono. Ratio perspicua facit, quia in potestate
 hostis non sit, tempora bello præscribere, & præfinire.

Iliad. 5. 10

Lin. lib. 32.
 Xenoph. lib. 3.
 rs. Gra.
 Lin. lib. 30.
 Gr.

Si ius legationis contemnitur.

Sen. 2. c. x. 12.

Herodot. in
Polym.In ora pro. de.
Ma.P. & D. in se-
lect.

Liu. lib. 51. 52.

Diony. lib. 2.
Plu. in Romu.

Liu. lib. 4.

VOD si ius istud legationis contemnitur, mala ingē-
tia, quibus obruti sunt cōtemptores, ipsa adhuc ostē-
dunt, quæ huius iuris sanctio fiet. Gens est vniuersa
Hammonitarum miserè a Davide perditā, quoniam
suos illi legatos violassent. Arabes omnes cæsos, cap-
tosue ab Herode memorat libro decimo quinto Iosephus. & ea-
dem occasio fuit. Athenienses malè habito Darij legato depopu-
lari Atticā totā, & horribiliter deuastari foelicissimā regio-
nem adspexerunt. Lacedæmones quantum angustiarum passi istā
ob causā sint, ex eo cognoscitur, quod hominem nobilem ire ad
Persā voluerint, in quo de legato suo vindictā rex sumeret: vt
a miseris, quibus Spartana ciuitas opprimebatur, tandem liberari
valeret. Dicam Corinthum? *Legati* (inquit Cicero) *quod erant ap-
pellati superbius, Corinthū patres nostri totius Græciæ lumen extin-
ctum esse voluerunt*. Rectè autem hīc. libro tertio de officiis rectè
minus, vbi, vtilitatis specie peccatum in ista Corinthi disturbatio-
ne, adseuerat. Quid enim si læsum est ius legationis? Dubium an
& manu, certè oratione violatos legatos tradit libro secūdo Flo-
rus. Verū nō verbo tantum ius hoc violatū Corinthi, sed graui-
us est. Sibilis, cōuicijsq; eiectos de theatro legatos, inquit Polybi-
us: trepidos audito tumultu eripuisse se neci, scribit Dio: sordidus
asperfos, tradit Strabo: pulsatos, Liuius, & Asconius narrāt. Quid
Phocæses, Tarentinos, Adenystas, Megarēses, similes memorē vr-
bes, & ipsarū infortunatas in legatos iniurias? Æschines, Polybi-
us, Dionysius, Dio, Florus, Appianus cōmemorant, & Pausania,
Plutarcusq;. Alter Romanorū rex Tatiū, quod vlcisci illatas a suis
iniurias Lauinienſium legatis neglexit, pestem vrbi importa uir,
& ipse fœdē interfectus est. Audiamus quid Cossus dicat, agat in
Tolumnium Veientium regem, a quo legati Romani fuerant inter-
fecti: *Hiccinē est* (inquit) *ruptor fœderis humani, violatorque gē-
tium iuris? iam ego hanc mactatā victimā (si modo sancti quid-
quam esse in terris dī volunt) legatorum manibus dabo*. occidit, ca-
put abscidit, quod spiculo gerens terrore hoc cæsi regis hostes reli-
quos

quos fundit. Quoties scelus exprobratum Veientibus? Ij mox cū, legatis Romanis sic responderent, vt ni facerent properè vbe finibusque duros se, quod dedisset Tolumnius; quid nisi excidium vrbi opulentissimæ quæsiere? Sed longissimum esset hæc prosequi. Dicerem de Ariouisto, Perseo, Aristodemo, Dionysio, Cluilio, Domitiano, Antonio, Hieronymo, Hippocrate, Epicide, Mithridate, Britomaro, Gentio, Iuliano, Costoe, Magnentio, alijs regibus, principibusque, & Teuca regina. Hæc (si Floro magis credimus) legatos Romanos non quidem gladio, sed vt victimas securi percutere fecit. Quorum omnium impia in legatos facta vel durissimis sunt punita modis, vel sic diffamata, vt iactura hæc pluris videri reliquo omni valeat detrimento. Longam tragædiarum, & vituperationum historiam in proposito præbent Æqui, Fidenates Antiates, Pomptini, Memaceri, Ligures, Cartaginenses, Syracusani, Sybaritæ, Tyrii, Aradii, Britanni, Boiogalli, Senogalli, Venetogalli, Gallogræci, Misiani, alij violatores, contemptoresque iuris legationum. et historię traditæ sunt a Polybio, Liuius, Cæsare, Curio, Appiano, Plutarco, Dionysio, Dione, Athæneo, Zosimo, Procopio, Agathia, Nicephoro, cæteris. O magna Roma. quid enim dum Roma fuisti, simile abs te in infinita illa legationum frequentia factum? & si in te factum aliquid est, quid tu non emendasti? Saturninum morti damnasti. Fabios dedendos censuisti. Quod si neutrum effectui mandatum est per gratiam plebis: tamen de Senatus (cuius ea iurisdictio erat) iustitia liquet: & cum Fabijs fuit res tota mox emendata nouo iudicio proposito. quinimmo in Saturnini etiam causa est, cur populus Romanus excusari possit. quid enim dedendum hominem iure solito potius non decreuit Senatus? Qui dedebatur, is certæ morti non dedebatur; sed spes erat liberationis, & quidem magna. en, deditus Romanis is, qui Cn. Octauium legatum per summum scelus interfecerat, liber est a Romanis dimissus. et Romani illi adolescentes, qui Cartaginensium legatos iniuria affecerunt, Cartaginensibus dediti, nec quidquam graue passi sunt, & dimissi sunt. Vt vt tamen est de virtute Romana, id certum est, quod nos in præsentia tradimus, iure legationis contempto mala contemptoribus maxima stare. ecce illa ipsa Roma capta, incensa est, quoniam dediti Fabij non sunt. omnes enim

*App. de bo. Syr.
Polyb. in Sele.
& Dio.*

*Plus. in Nep.
Liu. lib 5.*

Lib. 28. 30.

huc factum referunt. De iniurijs in legatos factis audi Satyra sexta Iuvenalem.

Magnaue debetur violata pœna caduceo.

Lib. 4. de legi.

Audi Ammianum: *Vigilat iustitia oculus sempiternus, vltricesque legatorum dira.* Item: *Legatorum iniurias sempiternus vindicat iustitie vigor.* Et Appianum in Selectis: *Atque ita* (mala recensuit, quæ Senonibus ob violatos Romanorum legatos obtigerant) *Senones ulta Nemesis est.* Nemesis, quæ diuinæ iustitiæ nuncia a Platone nuncupatur. & bellè hîc nuncia nuntios vindicat. Maxima igitur sanctio hæc est, quæ sanctum ius istud facit.

CAP. XV.

De comitibus, & reliquis legatorum accessionibus.

*L. 2. de com. cõ-
for. & p. illud
pro. Dig. auth.
habita. C. ne
si pro. pa.*

Ere est, si de comitibus, reliquisque legatorum accessionibus ante quàm longiùs, vlteriùsque progredimur, hîc pauca dicimus. Arbitror sanè & his iura data legationis. Nec enim & cum alijs ita nō agitur. Siquidem vel scholarium famulis eadem privilegia videmus indulta, quæ ipsis scholaristicis tribuuntur. Et præsidum comites, proconsulum, procuratorum Cæsaris a muneribus vacare, nō secus atque hos magistratus, Paulus in lege duodecima scribit tituli digestorum de vacationibus & excusationibus munerum. & in lege quadragesima prima de excusationibus Hermogenianus, *eorum, ait, qui reip. causa absunt, comites, qui sunt intra statutum numerum, de tutela, que absentibus, vel profecturis delata est, excusantur.* & in lege trigesima secunda Modestinus tituli sexti libri quarti idē scribit, abesse reip. causa comites legatorum. & Vlpianus (quod retulerimus) de vi publica eos teneri, qui & legatos, & ipsorum comites pulcassent, aliaue iniuria affecissent. His adde, quod comitibus legatorum prospectum æquè ac legatis voluere Athenienses Lacædemonijq: vt narravimus capite tertio. & quod libro primo exscripsimus, quod his comitibus munera dari consueverit, eorumque nomina ita, vt legatorum, solita fuerint adnotari. Sed suggerit argumentum & Scipionis consilium, quo legatis ad Syphacem missis comites ad-

*Adde que
scribit Macer.
in l. 26. de off.
pres.*

*Plut. Lin. Po-
lyb.*

inunxit

iunxit, qui regis castra explorarent. nam videtur omnino existimasse, eandem comitibus deberi securitatem, quæ legatis debetur. Accedat & illud: *Rex, facisne me tu regium nuncium, vasa, comitesque meos?* Vnde non comitibus modo ius legatorum stare, sed horum quoque rebus perspicimus. Quod & verum est, & quia libera loca darentur legationibus, magis ac magis innotescit. hoc enim factum ostenditur, nihil non sanctum, non munitum priuilegio debere legatis esse. Et sanè quæ potest tanta vis esse priuilegij personæ legatorum, si priuilegium & istis accessionibus non conceditur? Eleganter itaque doctissimus, rerumque scientissimus Arturus Ateius, cum ego quædam de iure legatorum (sic Lecestrio comite illustrissimo præcipiente) ex tempore in amplissimorum, nobiliumque virorum corona disseruissem, se, dixit, in ea esse sententia, ne bona legatorum capi, ne ædes ipsorum intrari, bona ergo pro ære alieno capiendi, possint. Verum enim est: si tamen alia quacunque ratione indemnitati creditorum consulere manus regia valet. quæ scilicet vna hîc magistra est: quoniam neque actiones, neque executiones iuris gentium sunt. Aliàs autem (quod & tum temporis referebam) quin hæc fieri nequeant, rationis non est. vt exponam. Vna verò me tenet difficultas in isto tractatu. an omnibus legati comitibus hæc stent priuilegia. aut quos comites appellamus. Num omnes famulos, lixas, scoparios, stabularios? Quæstio nullam haberet difficilem explicationem, si illorum nomina exemplo veterum, actis publicis essent inscripta, numerusque certus statutus. Sed nunc res expedita non est. Comites dici illi videntur, qui adstant. itaque illam faciem nomine isto fortassis non diceremus. Tamen contrarium puto. Nam si dedimus priuilegia rebus omnibus, quid non & istis damus? Africanus mancipia quinque legatus duxit. an ius denegandum legationis fuisset istis, quod mancipia erant? Latiùs ergo accipere comitis nomen oportet. Et de comitibus ergo idem, quod de legatis opinor, pro sua enim (quod dicitur) mensura quisque accipiet. Ac in illud, quod de legato subiecto tradidi, hîc appono & de comitibus exemplum Themistoclis laudatissimum. Is a rege Persarum missis legatis adstantem interpretem publico decreto comprehensum iussit interemi: quod Græcorum lingua

L. 2. D. 15 de in-
iur. & Ale. in
l. 2. C. de ex. ar

Athen. lib. 6.

Plut.

ad barbarorum nutum & imperium vteretur. Pro certo habeo, interpretem fuisse subiectum Atheniensium. aliàs enim barbarissimus ipse fuisset, & iniustus Themistocles.

CAP. XVI.

De contractibus Legatorum.

AM ad contractus legatorum veniamus. In quibus vnum illud ius gentium sequi nos oportere, pro constituto sit. nam dictæ sunt rationes satis multæ. De omni autem contractu, quem tempore legationis legatus iniit, subire eum iudicium volo. Ne, aut legatis (quod inquit Iulianus) potestas detur, res alienas domum auferendi: aut (quæ est Pauli familiaris ratio) cum hisdem nemo contrahere velit, & quodammodo commercio eis interdicatur. Et hæc quidem posterior ratio maximè perspicua est. prior quoque ex eo iure naturæ ducitur, quo æquum esse scribitur, neminem cum alterius detrimento, & iniuria fieri locupletiores oportere. Edium quoque nomine (nam istæ temporarijs non præstantur) legatum damni infecti promittere debere, aut vicinum admittere in possessionem, Iurisconsulti ad prouincialem quidè legatum tradunt: sed explorata ratio facit ius istud & maioribus legatis commune. Item si dies actionis exitura erit, causa cognita, aduersus legatum iudicium dabitur: vt lis scilicet contestetur, aut quid præstetur simile, quare illic, eoque tempore postea agatur, vbi, quandouè agi contra eundem valebit: licet cum homine nondum legato contractum sit. nec enim superueniens publicum officium debet perpetuum alteri damnum asferre. Rursus, in legatum dabitur actio, si id actum est, vt legationis tempore solueretur. quod Africanus scribit. Extra has, eiusdemque rationis causas legatus de ante gestis non conueniunt. nec si in loco legationis contraxerit. nec si constituerit, quod ante legationem debebat: nisi tamen hoc casu etiam locum adiecerit legationis, vbi soluat. quam inducit concordiam Accursius inter dissidentes iurisconsultos. Item etsi ibi compromiserit, quo mox in legationem venit: cogendus arbiter non est, sententiam dicere: nec ipse lega-

tu_s

L. 25. D. de iudi.

*L. 24. De d. min
l. xi. ad Vell. l.
12. de adm. su.*

L. 28. D. de iudi.

*Adde l. 16. D.
de off. pref.*

L. 3. D. de lega

*L. 2. p. 2. D. de
iudi.*

*L. 8. de iudi. l.
3. de pe. co.*

tus exercere litem, quam ante contestatus est. Sed nec in rem actio aduersus legatum datur: quamuis ex præsentī possessione hæc est. *L. 14. D. de indi.* Quarum definitionum illa fuerit ratio, quod causam, & originem negotij placuit præualere. vt ab Hermogeniano traditur. *L. 33. de do. n. u.* Quæ ratio & me in illam sententiam duxit, vt Accursio auscultarem in compositione inita Caium inter & Iulianum. Tandem *L. 26. 27. de indi.* verò nec in legatum actio his datur, quibus quid delatum testamento est, etiam si tempore legationis adeatur a legato hæreditas, isque quasi contractus geratur. fortè quia actui huic, qui totus voluntarius non est, & magis succurrendum esse, existimatur. Porro ad id venio, quod restat. Conuentos minores legatos iure etiam ciuili iudicandos esse, narrauimus. Præcedentia, quæ de istis tradita sunt, nos & ad maiores produximus. Si verò vno gentium iure cum maioribus agitur: nulla est in constitutione iniquitas. Nec enim isti, dum contrahunt, priuilegio suo renūciare creduntur. nec illis succurrendum est, qui fortè incommoda sentient, quod ciuili quoque lege legatum nequeunt conuenire. sicut nec succurritur cōtrahentibus cum persona alia qualibet priuilegiaria. Qui namque cum alio contrahit vel est, vel debet esse nō ignarus conditionis eius. Potest tamen id vt legato, ita etiam aduersario esse vtilitati. vt exemplo rem illustrauimus capite tertio-decimo. Vt verò vnum dicam hîc, quod latissimè patet: Manus regia, quæ nuncupatur, ipsa ius faciet in omni legatorum negotio, litæque. etenim manus regia ius gentium est. *L. 19. D. de reg. in.* *L. 2. in prin. D. de orig. iur. Dionys. lib. x.*

CAP. XVII.

De iudice Legatorum.

ROSE QUAMVR iniectam definitionem de iudice legatorum. Si enim in loco legationis hominē conueniri posse ostendimus: profectò & hoc dixisse videmur, loci iudicem esse & iudicem legati. Id igitur nunc disertè adfirmo, & talibus confirmo rationibus. Iudicari extraneum quemlibet a loci iudice, vbi ille deliquerit, contraxerit, aliquid gesserit, pro comperto habent iurisconsulti, nam se subijcit iurisdictioni, cui alias subiectus non est. Et in ipso legato

L. 3. 13. D. de off. pras.

rescripsit hoc diuus Marcus, scripsere Iulianus, Papinianus, Venuleius, Paulus, constansque omnium prudentum consensus est. Ac licet de minoribus legatis loquuntur, eadem tamen est & de maioribus ratio. nam vt illi subijciuntur magistratui ciuili, cui subiecti non erant: ita isti maiores magistratui iuris gentium (is princeps fuerit) subijcientur. Quid? illæ rationes, propter quas obligari legatum in loco legationis, diximus, non videntur satis, vt loci quoque princeps iudex legati constituatur? Quantum est, vt obligatum legatum fecerimus, nisi sit, qui de obligatione ius dicere valet? Quantum est (ait Pomponius) ius in ciuitate esse, nisi sint magistratus, qui iura regere possint, per quosque rerum effecta accipiantur. Et fuit Xenophontis dictum in Oeconomico: itemque Platonis in Epistola septima, ac pulcherrimè in libro sexto de legibus. Sunt non in delictis illæ rationes? At si in reliquis tenent: certè tenent & in delictis. Et Petrus Iustiniani legatus Theodatum regem Gothorum, apud quem erat, iudicem in simulatus adulterij non reculabat, sed crimen amoliebatur. Legati Lacedæmonij in carcerem Athenis coniecti quasi tumultum excitassent non obdunt fori præscriptionem; sed factum negant: & innocentes reperti dimittuntur. Contra Venetus legatus huius maleficij sors iudicatus, non multi anni sunt, Mediolani dicitur capite plexus. Et Mediolani etiam ille Gallicus necatus homicidij conuictus, vt quidam volunt, non quòd moliretur res nouas. Atque facta hæc non iniusta censemus. Addo autem, quod & maioribus istis legatis leges, pœnæque eos violentibus scriptæ sunt in iure nostro ciuili. Itaque si legislator est princeps legato apud se degenti: omnino erit & iudex. Vnde leges illas recitemus? Indico. Est l. 4. de commer. & mercat. l. 2. quæ res expor. non deb. l. 8. de vectigal. & com. In Codice omnes Imperatorum Honorij, Theodosij, Marciani, Gratiani, Valentiniani, & Theodosij senioris. Et quod quædã vectigalia legati soluere hac postrema lege iubetur, id nec est iniquum, & factum quoque alibi Aristoteles docet. Libertas legationis fieri licentia exlex non debet. Scimusque & ea legatis interdicta, quæ communiter non sunt vetita. Cautum memorat in Selectis Dio, ne quis quid mutaret legatis quibusdam Cretensibus, a quibus corruptio timebatur. Custodes eos sibi appositos

*l. 2. p. 7. D. de
or. iur.*

*Proc. lib. 1. de
be. Got.*

*Xenoph. lib. 5.
re Gra.*

*Lib. 2. de re.
fam.*

positos (fortè fuit mos propter huiusmodi causas) Iustinianus legatus ait, sine quibus nec aquam gustare potuerit. Quid plura memorem? Atque si licet principi legem legato ponere, quæ ius non imminuat legationis, quid non etiam liceret poenam temeratoribus ponere? Quasi imperfectam legem facere liceat, perfectam non liceat. Hic mouit olim questionem mihi eruditissimus I. C. Grifinius Floydus, si & in re non aperta eandem hanc de iudice ipse ponerem definitionem. id est, cum in controuersia est, legatus nec ne delictum patrarit, tale aliquid fecit, propter quod supradictæ definitiones eum submittat iurisdictioni principis, apud quem fungitur legatione. Eandem me omnino ponere, respondi. quoniam ita est in omni reliqua causa, ubi dispicitur, si quis competens, an non competens iudex fiet. & in certo hoc casu, si dubitetur, utrum in ea legatus causa est, ut conueniri nec ne possit, Vlpianus planè id ipsum & Scauola decreuerunt.

*Proc. lib. i. de
be. Ga.*

Vlp. frag. ii. i.

*L. 2. §. de iur.
l. 5. de legat.*

CAP. XVIII.

*Si legatus in principem coniurauerit, apud quem
legatus est.*



INCIDUNT porro questiones de legatorum criminibus, delictisque, quæ quomodo manu illa regia tractandæ sint, non sic certum esse videtur, ut præcipuas quasdam disputationes non oporteat eo in argumento haberi. Et quidem cum de re longè maiori circa crimina, & poenas tractetur, quàm circa contractus fiat: probè hic species aliquas discutiemus de legatorum delictis, criminibusque. Et illa prior erit, quæ & criminis magnitudine omnibus præit. Si legatus in principem coniurauerit, apud quem legatus est, quid ipsi fieri oporteat. Et ardua profectò, ac difficilis quæstio est. Ego autem de ipsa disserui Illustrissimis Comitibus Lecestrio & Pembruchio, & doctis alijs viris, nobilibusque. Atq; a recitatione legis quintæ tituli Codicis Ad legem Iuliam maiestatis, quæ Arcadij & Honorij imperatorum est, exorsus dicebam, ea legatū, credere me, non teneri. quoniam iuris huius civilis ratio sit, ut in re tam atroci ipse affectus & nocendi consilium pro eo puniri de-

1a. in l. 3 D.
de adq po.

Lib. 2.

Cic. 4. Catil.
App. lib. 2. de
be. ci

Cic. ver. 3.

DD. in l. vi
vim.

ber, atque si mandata effectui fuisset. quæ non est ratio naturalis sed contra naturam perspicuè: cum factum iudicet, quod factum non est. Habet ius gentium rationes naturales, quæ infra omnibus a natura, sic notæ sunt, vt argumento nullo indigeant, nullaq; quibus adprobentur, arte. Ea non est ratio huiusmodi. Sic neque iuris gentium ratio ducitur, quæ habet, vt qui rem tenet, qua aliæ tenentur, & has alias tenere existimetur. Ac multas sanè possem similes recensere, quæ per subtilitatem iuris ciuili inuentæ non conueniunt cum simplicitate, & (vt ita dicam) ruditate iuris gentium: quo vno noster legatus censendus est. Atque ideo in præsentī specie Romani legatos Tarquiniorum morte affici non oportere iudicarunt. Ait Liuius: *Quamquam visi sunt commississe, vt hostium loco essent, ius tamen gentium valuit.* Legimus apud Appianum in libro de bellis Punicis, Syphacis nuncio procuranti necem Masanissæ non aliud mali factum, quàm quod sceleris reprehensus esset. Dicerem de legatis Allobrogum, quos haud alienos fuisse a coniuratione Catilinæ & Plutarcus, & Sallustius docet: nisi illis, quod mox emendarint admissum facinus, indulgisse Romanos, reijcere valeremus. Præterea prouinciales hi erant. Certo igitur exemplo Tarquiniorum addimus egregiam illam ciuium Romanorum Lampfaci negotia agentium in non alia deliberatione orationem ad Lampfacenos. Hi ob vim a Verre virgini intentatam interficere hominem conabatur. cum ciues illi orantes ab incepto desisti, sic admonebant, vt grauius apud eos nomen legationis, quàm iniuria legati putaretur addebantque, se se intelligere, hominem illum esse impurum, ac nefarium: sed quoniam (hanc ego sententiã profero nec valde laboro, qualis nam fuerit is legatus) nec perfecisset, quod conatus esset: neq; futurus (& istam induco) esset Lampfaci postea: leuius eorum peccatum fore, si homini scelerato pepercissent, quàm si legato non pepercissent. Nunc cum secūda sententia accipe rationem inuictam. Peccatur in ius gentium grauius, si in vi repellenda supra quam oportet enitimur. Sed legatum hunc interficiendo, longè magis, quàm est necesse, scuitur. abire enim illum princeps iubere potest. Igitur non est interficiendus. Nec mihi quisquam dicat, eam iurisconsultorum definitionē priuatis stare hominibus, non regibus. nam stat æqualiter omnibus

iuris

iuris gentium ratio. & quæ ratio est priuati hominis ad priuatum ea est proculdubio publicæ personæ ad personam publicam, & legati ad regem: quia legatus quoque principis personam gerit. Atque ita nos credimus. Et iustissimè propterea conquestum censemus Franciscum I. si dux Mediolanensis legatum illius non alio prætextu, quàm quod res moliretur nouas, necauit. Sic iustissimè actum his diebus in Anglia cum legato Hispanico, qui in vitam principis, & regnum eius coniuratus dimissus est. Dimittendum legatum existimamus optimis docti rationibus, exemplisque. Ac ne omne genus rationis non tactum existimetur, pono & illud, quod Platonem censuisse, Diogenes in illius vita narrauit. Inquebat Plato, bonæ opinionis rationem habendam; ideo nec violandas suspitione legationes. Quis verò suspitione violatum legatū non dicet? Meminerimus eius, quod a Vero scriptum Marco fuisse Vulcatius refert. *In causis maiestatis (dicebat ille) hac natura est, ut videantur vim pati etiam quibus probatur. Scis enim quid auius tuus dixerit Adrianus: Misera condicio imperatorum, quibus de affectu tyrannidis nisi occisis credi non potest.* Miserat hominē Annibal Cartaginem, qui pacem Romanam sollicitaret. suspectus ea de re factus cum esset, & capi deberet: dictum est, mali rem exempli, de nihilo hospites corripere. nec captus est. Iam si priuato homini, & iuri hospitalitatis tantum tribuitur: quid non personæ huic publicæ, hospitique maius in genere isto non dabitur? Et de peregrinis audi rursus Platonem lib. 5. de leg. *Omnia in peregrinos peccata præ illis, quæ aduersus ciues sunt vltori Deo magis sunt cura. quum enim amicis, cognatisque orbatus sit peregrinus maiorem & apud Deos & apud homines misericordiā mereatur.* Sed nostra de legato non interficiendo opinione (ut arbitror) satis confirmata: dicere nunc argumentum placet, quod in contrarium succurrit. Ius hoc gentium, quo vno legatum iudicandum existimamus, vtique par & legatis, & contra legatos esse debet. Sed ob iniurias vel leuissimas (quod recitauimus) legatis illatas deuentum est vsque ad præstantissimarum vrbiū euersionem. Multò igitur magis ob tam insignem iniuriam interfici legatus poterit. A suscepta opinione non moueor. Argumentum non mouet. Volo & legatum (id argumento irrefragabili probatur) interfici, dediue si etiam leuissi.

In Cass.

Lin. lib 34.

nam iniuriam intulerit principi: at iniuriam adsumpto actu. Nec enim ob consilia aduersus legatum inita vrbes euerfas, aut aliud quid simile perpetratum opinor. Sic statuo. Dimitti autem posse legatum hunc iudico & ratione ista. Potest simpliciter reuocari a principe suo legatus. Dimitti igitur potest eodem modo ab altero. Magis igitur cum affectum se contumeliæ insigni is sentit: aut summam iuris inæqualitatem iniquissimè constituemus. Ita tum temporis differebam. Et adieci in fine, tertiam in quæstione ista esse sententiam, vt legati princeps de admissio consuleretur. De qua nunc verba facere libet, cum licet.

CAP. XIX.

Si quid legatus deliquerit princeps illius non est consulendus.



UAE eius sententiæ adsertores habeant argumenta, incognitum mihi est. Ego adferri vnum atque alterum huiusmodi posse rerer. Dimissio est nota non leuis, quam aspergi legato, principique ipsius minimè deceat. Et, si ad principem legati scribitur, fiet, vt pœna iustior de legato sumatur. nam traditum iri potestati offensi principis legatum a domino, credendum est: quia hæc esse videtur ius gentium definitio, vt qui legatum violarit, is dederetur: & contra, dederetur legatus, qui violauerit iura gentium. Sic postularunt Galli a Romanis, vt Fabium dederent, qui ius gentium violauit, quod legatus ad eos missus contra eos pugnarit. *Ius* (inquit Liuius) *postulari barbari videbantur.* & Fœciales, Senatu ius agnoscente, dedendum putauere. vt in vita Numæ Plutarcus tradit. & nos cum alijs id generis pluribus supra notauimus. Contra hæc, quæ suspicari potui, argumenta pugna. Prima itaque non vrget ratio. quoniam legato crimen tam grâde admittenti non sic parcendum est, vt velimus etiam de eius existimatione esse solliciti: quam nec ipsi curæ fuisse, iustè iudicamus. Suus quoque princeps, qui culpam admisit minimè leuissimam, hominem istum mittendo, ægrè ferre non debet, si molestiam ex facto suo sentit exortam sibi. Verùm altero

altero coniuncto argumento, quæ etiã ab hac sententia procedant incommoda videamus. Quam tandem ob causam certior legari princeps reddetur? Vt ipse inter legatũ iudicet & offensum principem? At princeps iste subijci alterius iudicio non debet. At periculi res plena est, subijci sententiæ eius, cuius personam altera tenet pars. At occasio & quidem iusta hinc nasci maiorum turbarum potest, si rescribat consultus, ne quid contra legatum suum agatur? Quid enim fiet? Agetur? Propius nunc lædetur princeps, quàm si ipso inconsulto legatus suus dimissus foret. An respondimus, lædi ex iniustitia sua, qui noluerit fontem puniri? Verùm si scuiturus in legatum princeps erat, quidquid ad consultationẽ suam responderetur, quid consulet? Dicis causa? Vereor, ne etiam maioris contumeliæ causa. dum non est sibi satis, præter voluntatem principis eius in legatum animaduertere, quod vult etiam id eo inuito, & reclamante peragere. Quod verò reclamaturus is princeps sit ratio facit: nam hominem suum, immo suam imaginem, a se inauditum irato permittere aduersario principi, nec e dignitate, nec ex officio esse, facilè cogitabit. Ipsa præterea in Fabio experientia idem confirmat. Fabius deditus Gallis non est. Quod vel in opes, vel in gratiam eius referatur, certum documentum est, legatum non dedi. An non possumus pro explorato tenere, Catilinam ab simili deditione subtractum? Quid enim esse aliud potest hoc Ciceronis: *Te verò, Catilina, consultum sperare aut cogitare non prodigium atque portentum est? a quibus enim petis? a Senatoribus, qui te auctoritate sua spoliatum ornamentis omnibus victum penè Africanis oratoribus tradiderunt?* Catilina deditus non est; quem, verisimile admodum est, iniuriosum in eos oratores fuisse, & dignum, qui dederetur. Saturninus deditus non est. vt narrauimus. Et si Romæ hoc factum est, quid alibi futurum sit, vbi ne millesima virtutis Romanæ pars, plus gratiæ, plus sordium reperitur, facilis est, & certa coniectura. Illud quidem ius est: sed vbi seruatum sit, & quàm benè tum hæc Romana exempla, tum illa omnia docent, quæ dicta sunt capite decimoquarto. Itaque qui sapit non ex eo, quod fieri debet, sed ex eo, quod fit, magis rem æstimabit. Verùm in nostra quæstione, quando nihil in legatum grauius statui posse decernimus,

In Orat. com.
compen.

quid expectare iuuat deditioem? Atque ita ista mihi sententia non placet. Sed nec quarta quædam probatur: quæ est, vt alij consulantur principes, & iuxta eorum monita huic legato fiat: nam & hæc corruit ex iam dictis. Et in summa si accedunt rationibus exempla, quibus opinio nostra comprobetur, quid ad alias imus definitiones? Noluerunt medici Alexandri Magni medicamenta regi exhiberi, vt vt visa optima essent, quoniam experientia non fuerant comprobata. Cedò, quæ præter nostram sententia vniquam vsurpata?

Car. lib. 3.

CAP. XX.

Si legatus Principi maledixerit, & de dicendi libertate.



Tus. 7. 8. lib. 9.

RAVEM supradictam quæstionem excipit altera de eo legato, qui contumeliosis, superbisue sermonibus agit, exponitque legationem. Nam principi maledicere etsi læsæ maiestatis crimen non est, crimini huic tamen proximum valde, & ex se patet, & iuris interpretes volūt, & iuncti in Codice hi duo tituli palam faciunt. Quærimus igitur, quid huic legato fiet, qui principi maledixit. Et quid faciendum alijs sit, trium Imperatorum hæc est sanctio: *Si quis modestia nescius, & pudoris ignarus, improbo, petulantique maledicto nomina nostra crediderit laceffenda, ac temulentia turbulentus obtrektor temporum nostrorum fuerit: eum pænæ nolumus subiugari, neque durum aliquid, nec asperum volumus sustinere. quoniam si id ex leuitate processerit, contemnendum est: si ex insania, miseratione dignissimum: si ab iniuria, remittendum. Vnde integris omnibus hoc ad nostram scientiam referatur, vt ex personis hominum dicta pensamus, & vtrum pratermitti, an exequi debeant censeamus.* De conuitijs in absentem principem iactatis Augusti loquuntur. ceterum illæ rationes, & si maledictum presenti sit, etiam obtinent. Quamquam enim hoc atrocius sit contumeliasq; sibi absentem dictas non pluris fecerit Aristoteles, quàm si ipsum itidem absentem pulsassent: verum tamen semper est, leuitatem contemni oportere, insaniæ misereri, iusto ex accepta iniuria

iuria (sic illa interpretor) dare aliquid, & indulgere dolori. Et hæc igitur, & reliquum, quod in ea constitutione sequitur accipio de his etiam contumelijs, quæ dictæ in præsentem principem sunt. Huc verò conferunt, quæ Rhodij legati pro alterius legationis causa apud Romanos illis illam ob legationem infensos dicunt: *Superbiam verborum iracundi oderunt, prudentes irrident, utique si inferioris aduersus superiorem est. capitali pœna nemo umquam dignam indicauit. etiam Deos aliqui verbis ferocioribus increpant, nec ob id quemquam fulmine ictum audiuius.* Sic illi. Atque ipsorum conclusionem latè nostris consultis probatam Crauetta suo quodam responso ostendit. Ego autem ea omnia non ad alios modò, sed & ad legatos accipio. Delicta enim impunita esse non debere, iura omnia, omnisque ratio volunt. Ob superba & inhumana responsa legatis data an non bella? & legatus, qui talis in principem fuerit non punitur? Non ego dicendi libertatem legatis nego: nam Spartanorum, Atheniensium, Teucæ, Iuliani, aliorum exempla probarem, quos in legationes libera vocis seuijsse narrauius, improbauimusque. Sed contumeliosam linguam compesci volo. Qui enim iure aliquo abutitur, is eiusdem iuris patrocínio indignus est: & ipse illo se indignum facit: itaque siue princeps iusserit, legatum taliter agere, indignus princeps est, cui ius gentium in legato adsit: quo ad communionem hominũ reperto utitur in dissidium, atque discordiam, certè ad eam rem, quæ iuris non est. Atque ideo minus rectè legatum Iustiniani loqui existimo, dum ait: *Orator qualiacunque a principe se delegante acceperit, profert quæ si minus proba & rectiora videntur, non ipse propterea iure est incusandus, sed qui miserit fortè culpandus.* Itane vero? Siue etiam ipse per se legatus quid admisit tale: profectò nec debet fecisse impunè, eadem ratione, alteraque, quòd mandati fines supergressus, in mandato sperare non potest. Nec verò iniuria principi, qui misit, hac in parte est: qui sibi imputare debet, quòd istiusmodi homini rem peragendum commiserit: quem scilicet aut nouit, aut (quod eòdem recidit) nouisse debet. & si fallitur, ad se potiùs redundare casum, summa rationis est. Atque ita definitio ista confirmari valet. Sed quomodo oris libertatem distinguimus a contumelijs? Quæ necessariò a legatis aguntur, di-

Lin lib 45.

Dion. lib. 4.
Lin. 4.Proc. lib. 1. de
ba. Go.

cuntur, ea ad contumelias non refero. Ista sunt mera mittentis postulata, aut causæ, cur is aliquid faciat, fecerit. Sed nec omnia postulata admitto, aut causas omnes. Peti nolo, quæ sunt ipsa petitione iure gentium liquidò iniusta, & iniuriosa. Ipsa petitione talia sunt, quæ in ipsa prolatione sic sunt: neq; ut sic sint, quidquam extrinsecus solent desiderare. Causas probo necessarias, cōmodas, petitioni coherentes. ceteras non fero. Antonius legatum Cæsaris credi & loris voluit, quòd ipsum esset procaciter allocutus. Fingamus, petiisse legatum, ut se Antonius dederet, quòd vir mulierosus, & perditus indignus esset, qui ampliùs dominationis particeps esset. Ego iure cæsum istum legatum adfirmo. nam quæ ratio? Fingamus, rationem non fuisse, sed ipsam simplicè denuntiationem: Aio (dixerit) te, Antoni, fatuum, scelestum, infamem. An tali legato parcendum? At quod postulatum? Videamus iam aliquot exempla contraria. Alexander Seuerus imperator sanctissimus, & summis semper stipatus iurisconsultis, Parthorū legatos ingrata a se quædam postulantes, omni cultu adempto in Phrygiam relegauit. Non probo. Laudo magis, quod cum hisdem Parthis actum Romæ sub Nerone, Tacitus lib. 15. narrat. Ait, barbarorum irrisum intellectum, qui Armeniam peterent, quam ereptā tenebant: propterea irritos dimissos, at muneratos tamen. Quod enim esset legationis institutum, nisi omnia petere liceret, quæ petenda esse, sibi quisq; suadet? Lacedæmones, Atheniensesq; Xerxis legatū terram regi postulantem & aquā deturbauit in puteum, terrāq; superingesserunt, ac rursus dimisso dixere, habere ipsum apud eas ciuitates iuxta condictum terram, aquamq;. Factum infame. Scythæ rex iustior, qui (ut lib. 4. scribit Herodotus) Darij legatum eadem a se petentem barbarè haudquaquam tractauit. Romani sanctè, qui Latinorū legatum loquentem (ut ait Liuius) tanquam victorem Capitolij, non tamquam legatum iure gentiū tutum, illesum ipsi dimittebant. Ingratam Antiochi malignitatē dicit Plutarcus, inculatq;, quòd Xenocratē principem legationis Atheniensium liberè loquentem non tulerit. Et verò ita est. Quid enim si vox, legatōque, libera non est, liberum erit? Ab Emanuele Imperatore Constantinopolitano factum contra ius gentium tradunt: quoniam Dandulum legatum Venetorum paulò

Plut.

Herodia. lib. 5.

*Polyb. lib. 9.
Herodo. in Pto-
lym.*

Lib. 3.

In vi. Phot.

*Volan. lib. 31.
Anthropol.
Fulg. li. 9. c. 6.*

lò liberius quædam locutum orbanit oculis. Veneti ipsi religiosissimi, qui (recensente libro 7. Guicciardino) regis Galliarum fœcilem denunciantem reip. bellum, iniustitiamque, aliaque exprobrantem religiosè dimiserunt. Verùm & exemplorum, & rationum abundè. Nectamen multa ad rem non erunt volumine proximo, vbi de legatorum fortitudine agemus.

CAP. XXI.

De ceteris delictis & pœnis legatorum.

VID verò si in alios legatus delinquit? Si in principem quid secius admiserit, diximus, principis arbitrium futurum, quam illi irroget pœnam: nam dedendum istum legatum censuimus. qui cum in potestate sit læsi principis, haberi ipsum pro dedito, iuris est. In deditos verò quid agi debeat, & superiores disputationes, & nomen ipsius dedititij palam ostendunt, quod modò posui. In alios si peccauerit legatus: de eius pœna statuere, non facio arbitrium. Nec enim par ratio est, vt dedititius fiat legatus, qui priuatū offendit, quemadmodum fieri omnem dedititium volumus, qui offendit legatum. nam inter publicam, & aliam personam latum discrimen est. Quid ergo non est iuris æqualitas, vt talia legatus patiatur in priuatum peccans, qualia peccans in legatum priuatus patitur? Non est. nec est tamen iniquitas, si ius hîc statuamus retaliationis. Atque ipse quidem statuerem: quoniam dei iustitiam Plato dicit. ego iuris naturæ talionem esse facilè credo, legis enim Mosaicæ est, & duodecim tabularum. quæ iura naturæ simplicitatem imitata, non ignoramus. Quinimmo philosophi Pythagorici simpliciter ius esse retaliationem definiuerunt: & ab Rhadamanto vsq; istâ sententiam deducunt, versibus expressam talibus.

Lib. 9. de legi.

Si contrapassus fuerit, quod fecerit idem:

Iudicium planè rectum, vindictæque fiet.

Quod etsi sit Aristoteli refutatum dogma, quia nequeat retaliatio vbique esse: in eo tamen, in quo iuri huic locus esse potest, admitto ipse. atq; Cicero, Iustinianus, alij volunt, & ipsa naturalis ratio do-

Lib. 5. Eth.

Lib. 3. de legi.

*L. 1. D. quod
qui iu.*

*Aris. lib. 1. ma.
mo. lib. 1. Rh.
Xeno. lib. 3. de
pa. Cy. Picol.
mo. phi. gr. 2. c.
9.*

cet. ius iustissimum esse, si in quo peccatur, in eo etiam sumitur pœna. Illudque a natura omnibus insculptum est, vt quod quisque sibi fieri nolit, id ipse alteri non faciat. cui in pœnam succedit meritò: vt omnes patiantur, sibi que factum velint, quod in alios ipsi egerunt, factumque esse voluerunt. Profectò leges nostræ adseuerant in huiusmodi iure & summam inesse æquitatem, & sine cuiusquam indignatione iustam. Optima igitur hæc mihi definitio in causa legatorum videtur, quos vno naturali iure iudicandos cognouimus, vt ex talione conueniantur in omnibus, in quibus obtinere talio potest. Potest autem in omnibus delictis, quæ sponte facta sunt, obtinere, si sunt etiam consummata. Et sponte facta, cum philosophis, appello, quæ nec per vim facta sunt, nec per inscitiam: vt ipsi copiosius declarant. Sed & quæ facta non sunt per iracundiæ calorem. vt eleganter est a Platone explicatum de legibus libro nono, & notatum aliquid ab Alciato lib. 1. disp. c. 17. Consummata autem dixerim vel quæ eò vsque perducta sunt, quò perducere ab hominibus possunt, & solent: vel quæ delinquendi finem statuere possumus, & solemus. Puta, delictum consummatum erit si venenum sit propinatum, etsi mors insecuta non sit. factum enim est, quantum in hoc facinore consummando ab homine fieri potest, soletque. Et illud rursus nomino consummatum, si, puta, vulnera inflata sunt: nam delinquendi finem in vulnere statuere multi consueuerunt. Itaque statuo & ipse delictum consummatum: licet, qui nunc vulnerat, non vulnera finem delinquendi esse voluerit. Coniuratio, ceteraque similia neutro modo consummata delicta vocabuntur: quia nec in ea totum, nec finem agendi quisquā constituit. Quinimmo nec censeo consummatum delictum, si quis arma simpliciter cœperit. non insultum fecerit. non metum incusserit. Et eadem ratio est. Quod si insultum fecerit, quia hoc tantum plurimi volunt: vt sit naturali, nō tantum ciuili, ratione delictum, & nos delictum dixerimus consummatum: & pro huiusmodi in principem admissio legatum deditionis pœnam contrahere. Id, quod hîc veluti excessus subiungitur. itaque morti addici posse adfirmamus. quia quod priuato incontinenti permittitur, illud magistratui, & principi ex interuallo facere, concessum est. licet autem priuato interficere eum incontinenti, qui arma contra se mouet:

mouet & quidem omnimodo, si honor id exigit suus. Ergo & principi sic licebit, in legatum animaduertere. recteque visus mihi est sentire Heliodorus, qui sacros etiam legatos morti adiudicat, quod virginem rapuissent, si scilicet deprehensi essent. nam si rapientes licebat interficere: & iam licet, Nunc ad lineas redeo. Pœnam talionis in delictis statuo, quæ sponte admissa sunt, & sunt consummata. Et quidem in personis omnibus statuo, contra Aristotelis sententiam: qui cum magistratu negat ius retaliationis obtinere posse: quoniam percutiens magistratus reperiendus non est. Qua in re philosopho ego restiterim. Si enim iure magistratus hic percutiat, nullum in percussione delictum admittit. ut nec de retaliationē, nec de alia pœna tractandum sit. at si actum legis magistratus non agit: quæ Aristoteles probat, magistratū reperiendi non oportere? L.eges nostræ eum puniri, & quidem grauius velent: quoniam qui iniuriarum est ultor positus, ipse iniuriarum auctor extiterit. Atque hæc mea sententia: sit de personis. Immo nec in eo Aristotelem sequor, quod talionem ab omni remouet, qui non sponte peccarit. Ego enim si damnum datum est pecuniarium, quodue pecunia æstimetur, illic etiam retaliationem exciperem. quia ubi factum ipsum solum emendandum est, par est volentis, & nolentis causa: cum idem sit utrobique factum. An enim decet me, dixerit damno affectus, propter huius imprudentiam damno affici, an ipsum? Plato certè est huius sententiæ auctor, qui damna hæc, præter voluntatem illata, nec numero, nec magnitudine per se minora alijs censet, & disertè sic statuit emendanda, ut nos statuimus. Ceterum nec ipsis nouum est legibus, quæ in usu sunt, ut qui nolens peccat simili pœna teneatur. Et nolentem definitio in proposito iniungendæ pœnæ argumento cum, qui, si suus esset, non egisset, quod egit. Furiosus suus non est. Infans suus non est. Coactus suus non est. Hisce retaliandum non est. Qui in culpa est, non tamen in dolo, is a me dicitur inuitus. huic retaliandum, in præsentia scribo. Quid nunc ubi persona, aut causa locum retaliationi obtegit? obtegit persona, quæ nolens patrauit delictum minimè pecuniarium. Obtegit causa, cum factum simili facto puniri nequit. Incussus metus, insultus qui punitur? Scio Gallieni commentum.

Lib. 3.

L. 13. p. 6. D. de iniur.

L. meminerint. C. vii. vi.

In Rh. ad A. lex.
Lib. 9. de legi.

L. 5. D. ad leg. Falci. l. 12. de leg.

Treb. in Gall.

L. 13. D. de di.
et comp. pres.

Exo. 21. Lev.
24.

Lib. 5.

Lin. lib. 2.
Dion. lib. 6.

sed hic tale nihil fieri potest in eo, qui sciat metum sibi, non aliud præterea machinari. Iudicis arbitrio rem hanc totam committerem. est enim talis, quæ in sola æquitate consistit. Itaque nihil (vt scripsit aliquando Scæuola) in perpetuum, vel generaliter definiri de ipsa potest. Et opinio hinc rectè procedit. nam iuri magis accedimus gentium, quo magistratui magis deferimus. Siquidem magistratus eo iure (magistratus dico principes) & iura & iudicantes fuisse, nec vna ratio, nec testimonio vno constat. Et nos in argumento iuris gentium versamur. De veneno si quis me roget talionem sanè in ipso locum habere, opinarer, non minus, quàm in manu, pede, oculo, dente, vulnere, vstione, liuore, fractura, similibus disertè voluit Moses. Quod namque is, cui veneno est retaliandum, mori queat: atque adeo plus in pœna sit, quàm in peccato: id & in Mosaicis omnibus verum est. Sed & Sex. Cæcilius talionem ab isto argumento defendit, Gellij lib. vlt. c. 1. Hæc iam iuris ratio si non placet: illam tenere in toto hoc negotio oportet, quam diximus de magistratus arbitrio: quamque tenuisse Romani videri possunt in iudicio contra Bomilcarem Iugurthæ comitem iure hoc gentium sanctum constituto. Ego enim sic accipio illa Salustij: *Fit reus magis ex aquo bonoque, quàm ex iure gentium Bomilcar comes eius, qui Romam fide publica venerat.* vt scilicet non expedito eo iure gentium, quo per certum promptumque rigorem res ilico transacta fuisset, iudicaretur: sed per longius, leniusque examen, per actiones plures, per vades ad mitiorem formam res tota inflecteretur. Restat verò vt historiam quandam, quæ totam istam tractationem absoluit, exponam, & finem huic capiti facio. Subtractus est legati ope, consilio obses. Quid legato pro tali delicto fiet? Romæ is casus cum euenisset, iussus (vt in selectis habet Polybius) legatus est vrbe intra dies quinque excedere. Narrat de altero Liuius libro vigesimo quinto, qui obsides etiam subduxit. Sed quid acciderit, non explicat: vt de obsidibus non taceat: quos reductos virgis in comitio cæsos, ac de saxo deiectos, ait. Quid nos iuris esse opinamur? Obsidum corpora eodem modo sacrosancta Dionysius facit, quo legatorum. Obsides verò necatos videmus pluries. Immo Volscorum trecentos securi percussit consul Appius, quòd ea gens a fœdere descuiisset

defcuiſſet. Atque ſi ipſi obſides digni eo ſupplicio videntur, quid non & legatus videbitur, qui conſilium, opem facinori præbet? Alios ſuadendo iuiſſe, ſcleris inſtar dixit Saturninus I. C. & conſultorem pari pœna puniendum cum delinquente, non ſemel traditum eſt. Et ego quidem ita exiſtimo, vt contrahat hoc factio legatus capitale crimen: & pro deditio fiat. graue enim flagitium in remp. admiſſum negari non poteſt. Exemplum Romanum ſit potiùs ex populi illius moribus, quàm ex ratione iuris. Sic & obſidibus peperciſſe alios ſcimus vtroque caſu, quo necatos a Romanis narrauiſus.

L. 16. D. de pœ.

L. in lib. 2.
Guicci. 2.

CAP. XXII.

De iure Legatorum cum ſuis.

SOLVIMVS tractatum iuris legatorum cum externis. Nunc de eodem iure cum ciuibus dicendum eſt. Faciam verò hîc partes duas: vt vna ex legibus Iuſtinianeis compoſita ſit, altera ex moribus popu-
lorum conſtet. Quæ nunc ſcribam, ea de minoribus legatis tradit Iuſtinianus. apta tamen pleraque ſunt & maioribus. quod, qui attendet, percipere facilè poteſt. Primùm ergo iure Romano munus ciuile perſonale legationem eſſe, traditum ab Hermogeniano eſt, & eleganter a Charifio exphecatum in titulo Digefſtorum de muneribus. Atque ideo Marciſus ſcripſit libro duodecimo Inſtitutionum, ordine vnumquemque cogi munere legationis deſungi: niſi ſcilicet iuſta excuſatio ſiet. Quæ non vna eſt. ſed eas hîc non exſcribo. Niſi etiam & prohibitus quis eſt, legationem obire. quod cum quibuſdam contingit: qui in lege quarta Digefſtorum de legationibus notantur. Id recito, quod ex lege decimaſexta eiſdem tituli habemus, eundem plures legationes ſuſcipere, non prohiberi, ſi & ſumptus ſuadeat, & itineris compendium: & quod ex lege quarta eſt, vnius legationis obeundæ gratia mitti plures potuiſſe, qui tamen tribus plures non eſſent. Rationē porrò harum mittendarum legationum præſcripſerunt & Auguſti in vltimis legibus eiſdem tituli in Codice. Dignum autem relatu eſt, quod is quandoq; cui iniuncta legatio eſt, poteſt & per alium mittere legationem. *Legati* (inquit I. C.) *vicarios dare non alios*

L. 1. & l. vlt.

L. 4 p. 3. de
legatio.

L. 6. 7. 8. 13. eo.

L. 12. de vaca.

L. 21. de iur. &

cu. l. 6. de exc.

D. l. 1. 3. 4. C. de

legatio.

L. 4. D. de legat.

no.

L. xi. eo.

L. xi. eo.

L. 8. eo.

L. 1. x. vi. n.

L. 24. D. de iudi.
di.L. 27. de lega-
tio. l. 30. ad S. C.
Treb.

L. 16. de legat.

L. 5. 8. 26. ex

qui. ca. ma. D.

C. l. 30. 86. de

ad. he. l. 1. C. ex

qui. ca. ma.

L. 5. de legatio.

L. 4. de vacatio

L. 7. quod cu.

vn. no.

L. 26. p. 6. D.

manda.

L. x. de Legatio

L. 1. 2. D. eo. l.

2. C. eo.

possunt, nisi filios suos. Sed & si absenti iniuncta est legatio, eamque gratuitam suscepit, potest is & per alium legationem mittere. vt alter docuit. Hæc de personis legatorum. Qui quàm obstricti sint negotijs reip. suæ, clarè liquet ex eo, quod interim nec alienis se possunt, nec proprijs immiscere. Sunt tamen aliqua de quibus agere non prohibetur: quæ in titulo de legationibus signantur, & in lege secunda de iudicijs. Ratio autem ipsius definitionis est, ne ab officio legationis suscepto legatus auocetur. Quare nec alij possunt legato negotium facere. vt dictum est. Quare etiam, si nulla sequeretur ex negotio auocatio, interdictū neutrum est. Immo nec leuis auocatio impedit. Hinc si ante legationem susceptā mota legato lis in patria fiet, absens etiam defendi debet. quod in lite mota vbi legatio agitur contra est. in patria enim defendendam causam cognatis, amicisque mandare discedens potest: & fideliter, & sine auocatione legati ea ab his optimè defendi valet. quod non contingit alibi, & legato præsentem. Si tamen quid in patria pateretur, propter quod ad auxilium restitutionis in integrum veniendum esset, competere auxilium legato, definitum est. Legato autem (id sequi videtur) tempus prodest, ex quo legatus creatus est, non ex quo venit illuc, vbi fungi legationem debet. Sed nec finitur ex eo die, quo est reuersus, at cum quodam laxamento itineris: vt perbellè libro primo Membranarum explicauit Neratius. Reuersum porrò posse pro sumptibus agere legatum, etsi gratuita legatio fuerit, quos in publicum negotium fecit, iuris esse opinor: nam legatio tantum carebit, si suscepit legationem gratuitam. quod & dabitur aliàs. Repetet verò etiam damna, quæ causâ legationis sustinuit. vt est ab iuris interpretibus traditum. quâquam in eo, qui mercenariam obit legationem, contrarium respondendum videtur. Est tandem & illud legato indultum, vt si in munere legationis, antequam ad patriam reuerteretur, decessit: sumptus qui proficiscenti sunt dati, non restituantur. Contra verò, si legationem deseruerit, aliterue in ea obeunda cessauerit, eum etiam puniri, cautum est. Quid his adiungere ex interpretum commentarijs cupiam plura? Vereor, ne & hæc, licet sumpta a fontibus iuris ciuilibus, sordescant in splendidiori ista, quam fecimus iuris gentium explicatione.

CAP. XXIII.

De iure morum erga suos legatos.

LTERAM itaque partem videamus, quæ est ex moribus magis, quàm ex iure: spectatque ipsos legatos maiores. Demosthenes in oratione contra Æschinẽ docet, a legatis rationem repetendam renunciatorũ, suorum, mandatorum; & in vniuersum, incorruptene ea facta sint omnia. nec enim ferendũ illud hĩc, *Pænas verborum non dari*: quia legatis hæc tantũ tradantur verba, temporaq;. Atq; in proposito quid Plato etiã voluisset, malo suis Latinis verbis recẽscere. *Si* (inquit) *legatus, aut præco ea, quæ sibi fuerint publicè demandata falsò nuntiauerit, vel falsam legationem alio quouis modo obierit, ea tacendo, quæ dicenda illi fuerant, vel aliquid a se fictum retulerit, quod minimè extiterit, siue aliter in legatione prauaricari comper- tus fuerit, siue apud hostes, siue apud amicos res acta fuerit: aduersus hunc agatur, aequè ac eum, qui Mercurij, Iouisq; legationes, & mandata impie & nefarie fuerit transgressus. cui si iudicio succubuerit, penes iudicum arbitrium esto, equonam supplicio pleetendus sit pro delicti merito.* Hæc Plato. Sed falsam legationem, hoc est, non demandatam capite vindicarũ Athenienses, & falsò obitam. Et ista enim falsa legatio (Suida declarante) dicitur, qua aliquid contra atque iniunctum fuit, actum, dictum est; aut contra rei publicæ vtilitatem. Fuit & illa Athenis lex, ne legati munera acciperent. & multi morte damnati sunt, qui acceperunt. Immo ille, qui pacem perhonorificam, probatissimamq; Atheniensibus omnibus cum rege Persa confecit, quòd in legatione munera accepisse visus fuerat, parum absuit quin & ipse occideretur. in referendis certè rationibus quinquaginta talenta ab eo exegerunt. Videtur & Romæ moribus cautum, ne legati munera, aut pecunias caperent. nam Fabritium a Censoribus scimus admonitum, iussuque reddere rationem, si quid in legatione ad Pyrrhum acta accepisset muneris, sordium contraxisset. Dux hodie Moscouitarum (referente in Icone Basilij Iouio) auferre legatis ad se redeuntibus munera omnia solet. Veneti suis interdunt pernīs grauissimis dignitatẽ accipere ab eo aliquam, apud quem legatione funguntur. Quæ e-

*Lib. vi. de Legi.**Demosth.**Xenoph. lib. 7. re. Gra.**Dionys. in Sele.**Iou. in Icone Her. Bar.*

*Alc. pref. 18.
reg. 1.*

*In vi. Agesil.
lib. 6.*

*Lin. lib. 77.
& Plin.*

*L. 1. D. de his
qui. ut ind. i.*

*Lin. lib. 3.
Phil. 9. L. 2. D.
de or. in.
Plin. li. 34. c. 6.*

go magis probo, quàm quod ab interpretibus iuris ciuilibus contendatur pro muneribus legato adseruandis. At ad istam partem fusiùs dicam vbi de temperantia legatorum verba facio. Ille quidem Atheniensis, de quo erat modò sermo, non ideo puniri non debuit, quod egregiè in pace ineunda se gesserit, si & munera aduersus legem accepit. Nam placet Spartanorum consilium, qui ob idem etiam factum eundem pœna affecerunt & præmio. Adolefcens is fuit, qui quod strenuè aduersus Thebanos pugnarit, coronatus ab Ephoris est: & simul quia armis non indutus, (vt scribit Plutarcus) vel armis insolitis (vt Ælianus refert) pugnarit, ætatèque nondum postulante: quæ contra leges erant, mille dragmarum multa affecere. Notabile exemplum, si quis præterea sciat, qua occasione pugnatum sit. Sed & Sylla seruum, vt is præmium promissi indicij haberet, manumisit, atque ob scelus proditi domini de saxo deiecit. Hæc laudo, quæ probata etiam Scuero, Antoninoque Augustis cognoscimus; & rationi, qua bona a malis non quasi per Satyram, sed ex se singula censentur iustiùs. Ea verò nec est prætereunda quæstio, quam Cicero libro secundo de Inuentione notauit: si viaticum datum legato non est, & is præstituto propterea tempore in legationem non ierit, an sit puniendus. Mihi (quidquid Cicero disputer) videtur pœna nulla dignus, si nihil diligentia in eo desiderari potest, dum non stat per ipsum, qui curauit, qui vtrferit, quominus sibi prospectum de legatio fuerit. etenim in hoc sunt rationes exploratissimæ. Et de pœnis hætenus. Benè actam legationem remuneratam Athenis non vno modo, cognoscimus. Sacræ oleæ corona: cœna in curia: laudatio: similes haud dubiè honores probè functis legatione dabantur. Romæ ad summos honores aditus inde fuerat. Cui legatio morti erat, statuas, columnas (si ferro periissent) posuere, publicam sepulturam fato absumptis decernebant: obtinuit tamen Cicero, vt Seruio statua poneretur, etsi is ferro non periisset. Atq; ista satis. nec enim historiam rursus ingredior: quando illam libro superiore explicasse voluimus: & hîc iam absoluimus tractatum de ipso iure legationum. Alij & erunt forsitan copiosiores, quibus hæc morum collectio fuerit cordi magis.



ALBERICI GENTILIS
DE LEGATIONIBVS
LIBER TERTIVS.

CAP. I.

*Quàm multa in legato conuenire debeant, vt
officium suum prestare possit.*



X his, quæ hætenus dicta duobus superio-
ribus libris sunt, ad legati officium explicā-
dum pergimus. Quod scilicet quanti sit, aut
ex eo vno liquet, quod Cyrus inter primos
educandum & instruendum sibi hunc dux-
it, qui fungi isto munere deberet. Et verò le-
gati munus quale sit, inde fuerit primò dis-
piciendum, quod mores, iuræq; legationum
volunt. nam prima officij pars est, iura illa, & illos mores seruare;
vellēque vt seruent alij sibi. Ex eo etiam, quod legatus nouerit, qui,
qualisque sit, instruetur maximè de reliquo omni officio: quia alia
sit vnus, altera alterius legationis persona. Iā igitur de officio isto
dicamus. Sed ita, ne oratorem, quo cum nomine conuenit, ne phi-
losophum ethicum, œconomicum, politicum, militare, quorū
non paucis instructus esse præceptis debet, ne denique aulicum,
cuius arte expers noster hic esse non potest, erudijisse velle videamur.
Ego enim de legato scribo. & quemadmodum M. Tullius,
qui rerum omnium exactam cognitionem in oratore requirit, ea-
rum tamen ne verbum facit: ita ipse, quæ propria legati sunt, per-
sequar, & quantum in me est, explicabo. Hoc mihi, vel ignoranti

*Xenoph. lib. 8.
de ped. Cy.*

*In libris Rhet.**Lib. 9.**Lib. 6.**Gale. lib. 6. de
sim. me. fa. lib.
2. 3. de pulf.**In Epinom. lib.
7. de legi.*

opus illud vniuersum conficere, vel rectè de scribendi ratione iudicanti, consilium placet. nec alios, qui diuersum obseruant, adeoque nec Aristotelem ipsum probare queo, qui, similem perscripturus artem, longè plurima, alterius quæ sunt artificis ac præceptoris, docet. Etenim responderi a Peripateticis nihil animaduerto, quod aut propositum Aristotelis rectè defendat, aut vnum hoc indignissimè non cogatur admittere, vt a libris inscriptiones sint remouendæ, si alia isti æquè habent præter id, quod operis titulus tenet. Ergo Quintilianus, Cicero, Aristoteles, Xenophon, & Itali illi Castelioneus, Casa, Guatius, similésque pro illis disciplinæ cōsulatur, qui docet. Mihi etenim satis est, dixisse, carere earū cognitione legatum non oportere: atque verum hoc esse, non vna ratione ostendere. Cupio autem & exteriora quædam in legato, & fortunæ, & naturæ bona reperiri: sine quibus appositè agere iniunctum munus non potest, nec officium suum rectè præstare. Quæ omnia qualia sint, & quàm multa, sequentes disputationes aperient. Certè, quæ ex superfluo (vt cum Polybio de militis persona differente loquar) sunt, & inaniter redundant, missa omnia faciam. Et nec oportere Nicephoro auscultari censeo, qui in legato rerum omnium, omniumque linguarum cognitionem, & quidem excellentem requirit. Turbida, & ridicula hæc est virium nostrarum elatio: cum si vel in triplum vita prorogetur, ne tum quidem nos rerum plenam posse cognitionem apisci, tanta est ipsarum obscuritas, & naturali intellectu sentimus, & viri doctissimi contestantur. Atque illi iidem tradunt, habitum pro miraculo olim, si duarum linguarum quis notitiam tenuisset. Quod tamen quale sit, mox videbimus. Nam hîc, vt verbum de rerum scientiis dicam, quid cum omni medicina faciet legatus, quæro. quid cum astrologia. quid cum astronomia. quid cum physica. Veri ne sint sensus: quæ sit mundi forma: quæ sit Solis magnitudo: quæstiones procul & ab sui oratoris officio remotas statuit libro primo de Inuentione Cicero. quid si remotiores innumeras ego prosequer? Quid noster cū eiusmodi artibus faceret? Politices pars est Legatio vt Plato indicat in maiori Hippiæ, & in Politico non semel scribit, Tassus etiam disertè ponit, nec non certissimum videri vnicuique valet. Quæ igitur illarum disciplinarum (ostende, qui ad-

LIBER TERTIVS.

93

adseris de cælestibus Plato) in legatione utilitas? Sed (vt diximus) nec possibilis est comparatio. egregiè enim & verè illic Cicero: *Lib. 1. de Iure, Quibus in rebus summa ingenia philosophorum plurimo cum labore consumpta intelligimus, eas sicut aliquas paruas res oratori attribue- re, magna amètia est.* Sed & mediocriter doctos magnos in repub- *Cic. lib. 3. de legi.* lica, multosque viros commemorant, & nos scimus, fuisse tales, qualis numquam vllus huiusmodi encyclopedicus extitit. Verùm & alibi disputatum a nobis est plenius aduersus istos, qui orbem *Lib. 2. 8. pad. Cy lib. 4. de fa. So. & in a. com.* vbique crepant scientiarum. contra quos, mirum, quàm multis, sæpeque est Xenophon, & in hoc maximè nostro Politices ar- gumento. His itaque in præsentia omissis, ad institutum progredi- amur.

CAP. II.

Exteriora quæ in legato volumus conuenire.



VAE igitur exteriora illa sunt, quæ in legato volu- mus conuenire, vt is munere suo rectius defungatur? Duo esse videntur: oportunitas profectionis, & ap- tus legatorum ornatus. Scitum quippe illud Tybe- rij est ad Ilienses legatos. Officiosa ea legatio fuit in morte filiorum Imperatoris: at cum seriùs, quàm par fuerit, adue- nisset, scommate excepta illo est: *Et ego, resumpsit Tyberius, casum doleo vestrum, Hectorem qui cinem fortissimum amiseritis.* Historia apud Suetonium est. *Cuiq; sua tempestas est.* inquit sapiens. Et tem- *Eccle. c. 3.* pus Stoici definiebant actionis oportunitatem: qua non seruata, mutari & in contrarium officia omnia, ostendit Cicero. Sic missi Roma legati ad Antiochum de rebus summis acturi pudentissi- *Lib. 1. de off.* mè substituerunt, luctu ex morte filij superueniente distentum re- gem audientes. vt apud Liuium est. Verùm nota hæc pars. Mo- *Lib. 35.* dum, ornatumue congruum ego & ex numero metior legato- rum, & ex reliqua circa ipsos pompa. Narratum enim est de Sul- tano quodam, quod ludibrio existimarit haberi se, si sine amplo comitatu, etiam & muneribus legati ipsum adiissent. Qua tamen in re & quid legatio habeat, & ad quem mittatur, videndum est. Nam, vt de numero legatorum scribam priùs, putauit & Deme- *Plin.*

Plut. App. de
be. Mithr.

lib. 30.
Proco.
lib. 3. de be.
Petr.

trius ille urbium expugnator, contemptum se a Lacédæmonibus esse, qui vnicum misere ad ipsum. Contra etiam in multitudine peccatum esse, Tigranes, sic de Luculli pusillo exercitu loquens ostendit: *Multi, si legati, ut pauci, si hostes adueniunt*. Atque cum hæc ita sint, vnum tamen missum non infrequentissimè, nouimus, & sine indignatione exceptum. Et e diuerso, a populis Indiæ quibusdam, memorat libro nono Curtius, ad Alexandrum centum venisse. & centum aliquando inducit Virgilius. & quingenti ad Iustinianum Persæ accessisse traduntur. siue hi fuerunt legati omnes, siue etiam comites, nihil in proposito refert. Nam & semper ferè vnus est, qui agit, dicit: & legationis princeps nominatur. ut reliqui comites & ipsi appellari quodam modo, censerique posse videantur. Miserat tam multos rex Cosroes, ut urbem quandam ingressi occuparent. Itaque nec admissi sunt, nisi viginti: & legato conquerenti responsum fuit, ex more legatorum cum sic non aduenire. Sic, legere me alibi memini, tria equitum millia in legationem quandam profecta. Sed a principe non excipiebantur, ad quæ ierant, intra moenia vrbis, multitudinem armatorum (nam & armati processerant) timente. In præsentī argumento definire certi aliquid nequeo. Sed nec valde de ea re laboro, quia non ad legatū, quàm ad legantem ipsa pertinet. Satis autem fuit indicasse: & quidem oportuit, quoniam aliquid momēti in hoc legatorum & comitum numero est; ut fungi suo officio commodius legatus queat: si enim rectè afficitur ex his princeps, quæ prima in aspectum incurrunt: aditus legato ad reliqua longè facilius erit. De reliqua verò pompa hoc tantum, quod & est cum supradictis commune. spectare maximè ad dignitatem vtriusque principis, cum res exigit scilicet, magno comitatu, magno apparatu instructos, & ornatos legatos incedere. nam vnus referunt personam, & alteri quasi pares futuri appropinquant. itaque fieri citra dedecus nequit vtriusque, si persona hæc aliter se habuerit, quàm tanti loci maiestas exigit. Equidem si histrionem exhibilarem, qui regis partes agens, sordido comitatu, nec ipse regaliter velatus, in scenam prodiret: quid huic fiet legato, qui non breuissimi temporis fabulam agit, sed verè induit principalem personam. Laudādi autē hūc mihi essent quamplurimi, qui & alias egregiè, & partem istam excell-

excellenter executi sunt: & sunt mihi cogniti. tamen nisi vnum certi negotij, & temporis vnum, omnium videlicet præstantissimos, non memorabo. Ille illustrissimus est *Henricus Standlynus Darbyensis Comes*, qui proximis his mensibus Galliarum regi insignia summi equitum ordinis a nostra Regina detulit tanto cum splendore, & pompa: vt Gallia propemodum admirata magnificentiam eius legationis dicatur. Alter est perillustis eques *Amicius Pouletus*, qui annos quattuor apud eundem regem pro regina versatus in legatione & ad reliquam partem præstantissime, & ad istam sic est, vt prioribus multis, & multis posterioribus plurimum de hac laude detraxisse, præripuisseq; constanti hominum fama existimetur. Non id est minimum in legato. atque Germani in legationes non alios mittere consueverunt, quàm qui virtute, & numero comitatus eminent.

Tac. de mo.
Gr.

CAP. III.

Natura bonis carere legatum non posse.



VM exterioribus illis si & naturæ dona in legato cōueniant, quis plurimum accessionis fieri neget? Pulcritudinem epistola quavis commendatiorem, ferunt ab Aristotele dictam: & eundem interrogatum, cur quæ pulcra sunt in amorem sui allicerent, respondisse, cæci hominis istam esse interrogationem. Isocrates certè supra alias res omnes extollit pulcritudinem: & quæ pulcritudine carent, ea omnia contemni adfirmat. Sed ego neque pulcritudinis encomium institui: neq; disseruero quam hominis pulcritudinē exigā, legatq; nam, vt hac in re mittam Aristotelis minutiolem partitionem: primo de officijs Cicero quæstionē soluit, qui duas facit species pulcritudinis, virilem, & muliebre: atque hanc in venustate ponit, illam, quam nos quærimus, in dignitate. Pulcrū itaque legatum esse velim: maximè verò is, qui ad barbaros proficiscitur. nam refutata in vniuersum est Stoicorum sententia, cui etumque constare hominem animo, corporeque: & hominibus barbaris in corporum maiestate venerationem solū etiam esse, liquet, quod & Magnus Alexander despectus a regina Amazonū traditur, quia non eam omnino pulcritudinem in maximo illo

Diog.

In enco. Hela

Lib. I. Rh.

Cic. de f. lib. 4.
5. lib. 1. de leg

Cur. lib. 6.

rege, & sanè pulcherrimo hæc reperisset, cuius ingentis rerum gestarum famæ rumore percita ad ipsum venerat. Sic & despectus & derisus Agefilaus Magnus (quod Plutarcus prodidit) ab Ægyptijs, vir breuioris staturæ. Non id Moschus anno superiore fecit cum illustri equite *Hieronymo Boeso*, qui ab Regina Angliæ legatus ad eum fuit. vir & maximis quibusq; legationibus aptissimus, & (quod nunc scribimus) nobili corporis proceritate, & ea aspectus præstantia, quæ simul & vigorem, & comitatem (pulcritudo Aristoteli in viro commendata) hominis facili ostendat, sic insignis, vt ipse vnus in tanta Angliæ pulcherrimorum hominum copia legari præ ceteris illuc meruerit. Alibi apud barbaros secundum hanc ipsam pulcritudinem, alibi secundum proceritatem honores deferri consuetum, scribit etiam Aristoteles. & faciem in illa mundi barbarie multum valuisse, Lucretius libro quinto canit. Nec verò mirum est, si id cum barbaris euenit: quoniam qui hominem ex solo corpore, vt alij ex solo animo voluerunt, consistare credent, si non credunt isti, qui, vt sentit Cicero, non re, sed nomine tantum homines existunt? Sed quid barbaros in rem presentem produco? Stoicus Cato in legatos populi Romani, quorum vnus, saxo quondam in caput percussus, fœdas cicatrices præferebat, alter pedibus laborabat, iocatus sic traditur: *Mittit populus Romanus legationem, quæ nec caput, nec pedes habet.* Hæc de pulchritudine. De reliquis corporis bonis quis dubitet, quin idem, immo magis non sit? Atque hæc ita se habent. non tamen vt aliquando diuersa consilia non sint meliora. Sentimus enim quàm valuerit afflictum legati Chalcidensis corpus in senatu Romano: *Chalcidensium (aiunt) legatio ipso introitu ob id, quod Micion princeps eorum pedibus captus, lectica est introductus, vltima necessitatis exemplo visares.* &c.

CAP. IIIII.

Quod fortuna bona conuenire in legato debent.



VNC de fortunæ bonis scribendum est. Hæc ego in legatis vehementer desidero: etsi sciam tantam esse quorundam principum siue stultitiâ, siue peruiaciam, vt quem omnino mittant, vix cogitent, seq; vnos mittentes respici debere opinantur. Sed nihil

Lib. 4. Polit.

Lib. 1. de off.

*Plus. Lin. lib.
30. App. de ba.
Mithr.*

Lin. lib. 43.

nihil de principibus dico. agant, legent vilissimos quosque, siue hos vilius redimant, siue sint hac in re gratiosi: ipsi sæpe sentiunt, quid hoc sit, faciem, & personam suam ignobilibus hominibus dare. Augustus, legatis esse in Orchestra locum, vetuit, cum quosdam etiam libertini generis mitti deprehendisset. Accepi, quod Ludouicus XI. Galliarum legato vti soletet quodam (o rem fœdam) barbitonfore. & homini sanè tantum exhibitum honorè, quanto fuerat dignus artifex vilissimus. tamen adhuc aliorum principum ego patientiam demiror, qui vel excipere hominem potuissent, & non se contemni existimarunt a Gallo. De legato ipso dico. Virum ignobilem posse nobilis, adeoque principis personam præstare, vix est verisimile. nobilitas enim ipsa est ille stimulus, quo ad res præclaras vrgemur. & plebeium genus, quin abiectè se, & humiliter non gerat, rarum est. Et vim verò fortune bonis connumero, quam secum eò affert legatus, quò proficiscitur, quamque aut a maioribus habet, aut nata eadem sibi est ex reliqua antea acta vita, quòue alio fortune beneficio. Ecce, quòd Valerij, Menenij, Horatij gratiosi apud plebem erant, cum hac efficere valuerunt, quod alij non sunt assecuti. *Placuit* (inquit Liuius) *oratorem ad plebem mitti Menenium Agrippam facundum virum, & quòd inde oriundus erat, plebi carum.* Et libro tertio. *Tum Valerius, Horatiusque missi gaudio ingenti plebis accipiuntur: quippe liberatores, &c.* Quid alios memorem? Sic ad Alexandrum, ad Antipatrum Phocio ab Atheniensibus legatus, quòd regibus vir esset acceptissimus, consecutus ea ab illis est, quæ alium consequi impossibile fuerat. Idem histrionem (ars hæc non dedecori Græcis) nescio quem ad Philippum misere, & notum regi hominem ex arte, & gratum. rem confecit. Antistites Christiani a Firmo missi tantum valere apud Theodosium favore proprio, quātum nesperandum quidem alijs fuit: vt ex narrante licet conijcere Ammiano. Infinitus sim, si istud prosequor argumentum. Ceterum Sabinarum mulierum nobilem legationem (legatio fuit teste Dionysio libro secundo) quis reticeret? Inter arma, cadesque legatione defunctæ illa sunt egregiè, quam alij nulli mortales potuissent. Quis in memoriam non reuocarit aliarum mulierum ad Coriolanum legationem? Hunc non amicissimi homines, non

Suet. c. 44.

Arist. lib. 2.
Rhet.

Lib. 2.

Plut. in Phoc.

Aeschin.

Lib. 29.

Dionys. lib. 2.

ipsi Dij, certè non Deorum sacra, & insignia frangere potuerunt: mater autem, & legatio muliebris ab ipso reportauit, quod est desideratum. Magna profectò, magna vis est in persona ipsius legati. Quod in secundo Gonzaga disseruit Tassus eleganter: & auctor Rhetoricorum ad Alexandrum hæc confert: *Ipse quidem nō potis est, qui pro vobis legatione fungatur: hic verò, qui Spartiatarum ciuitati amicus est, facilius apud eos, quæ vultis queat efficere* &c. Indicauit verò & hoc ipsum egregiè Annibal Pœnus, dum Scipionem sic allocutus traditur: *Vestri quoque (vt audio) patres non nihil etiam ob hoc, quia parum dignitatis in legatione erat, negauerunt pacem. Annibal peto pacem, &c.* eodemque spectant & illa, quæ itidem Liuius scribit de Cartaginensibus legatis, *Quorum ætatibus, dignitatibusque conspectis (nam longè primi ciuitatis erant) tum pro se quisq; dicere, verè de pace agi, &c.* & quod de Asdrubale Hæduo: *Is pacis semper auctor, aduersus factioni Barchinæ eo tum plus illi auctoritatis fuit.* Verum (vt dixi) longiori oratione istud non prosequor. Reliqua, quæ ad legati officium propriè spectant, diligentius examinemus.

Liuius lib. 30.

CAP. V.

Præstantem ingenio legatum esse oportere.

Cicero lib. 5. de fin.

ET quod in omnibus hominibus solet desiderari, id in legato ego requisierim maximè: atque illud ingenium est. Ac verò ne de singulis bonis, quæ vno ingenij nomine comprehenduntur longam orationem instituiam: quantus quæso potest legatus esse, qui celeri animi motu non valeat? Hæc scilicet ingenij dexteritas est animi quædam vehementia concitata. vt dixit in Carmide Plato. Corinthij legati ni promptum habuissent responsum, quod Alexandro aliquando dedissent, quantum aberant, quin impotens regis ira eos non tractasset pessimè? Ciuem Corinthi factum Alexandrum ei denuntiarent. indignatus rem minimi rex. at legati, Tibi vni, subdiderūt, & Herculi istud detulimus. Quo dicto sic placatus est Alexander, vt maximè etiam ea ciuitate gauderet, quod par Herculi visus, habu-

Sene. lib. 1. de ben.

habitusque fuisset. Leo Byzantius Athenas missus, ut in componendis, quibus Athenienses affligebantur, discordijs operam, quam posset, nauaret: obesus autem, & ventricosus cum esset, risum huic ciuitati statim commouit. Quid Leo? ingenio adeo valuit, ut ab hoc malo potissimum & desumpserit sibi dicendi occasionem, & ad concordiam traducendi Athenienses. nam statim ita: Quid me perpinguem ridetis viri Athenienses? Vxor mihi obesior longe est. & utrumque tamen, quia concordēs sumus, lectulus vel breuis tenet. &c. Demetrio (quod retulimus) excandescenti, vnum misisse legatum Lacædæmones, qui aliter os legatus obstruxit, quam quod queritanti responderit: Ita, rex, vnum ad vnum miserunt. Asdrubal Hædus dum victis Cartaginensibus pacem in Senatu Ro. petit, rogatusque, si ea daretur, per quos ipsi Deos in leges fœderum iurarent, quæ toties violassent: Per eoldem, dixit, qui tam infesti sunt fœdera violantibus. Lege libro trigesimo Lium In hac parte excellat legatus necesse est: quoniam sunt eius actiones plæræque omnes, quæ tempus ad consultandum non præbent: quæque nisi per istos celeres animi motus rectè expediti non possunt: nam hi sunt, qui momento temporis & consilia in re subita suggerunt, & ordinem, ornatumque, quod acutè excogitata proferantur. ut Aristoteles, ut Cicero, ut alij docent. Sed quid ego exemplis, rationibusque rem manifestam illustrare conor? Quin dicimus potius, quomodo vis ista comparatur? Sed a natura ingenium singulis ingenitum est. Credo tamen adiuuari ab arte posse, & quodammodo etiam comparari. Nam legato non deerit quod argutè & eleganter respondeat, dicat, agat, si solerti iudicio, magnaue diligentia cogitarit prius, quid sibi, suæque obijci, dici, fieri valeat legationi. parato enim quid vnumquam defuit? Illud nec iuuabit istos conatus mediocriter, quod & legatorum, & aliorum dicta, facta attentè notauerit, quæ huius argumenti sunt. Excitamur enim similibus ad similia: & fieri etiam potest, ut idem tibi sit respondendum, quod alijs dictum, hæc obseruando, cognoueris. Sic scilicet eadem dicta, factaque in ore non infrequenter legimus plurimum, & a pluribus vsurpata. In summa qui rerū, siue occasionum genera tenebit: tenebit autem qui ager, quod dictum est:

Plu.

A lib. 1. p. 1. es
lib. 1. Rh. C. lib
1. de ora.

is particulares, quæ teneri non possunt, occasiones moratum præcipitandarum nec formidabit, nec ab ipsis se ineptè expediet. quoniam in generis notione inerit specierum semper, & indiuiduorum sensus multus: adeo ut cum ad ista venerimus, deficere ingenio non valeamus.

CAP. VI.

Legatus ut sit orator.



VNC de reliquis, quæ legatum habere volumus, & homini non adueniunt, sed ipsi a se aut maximè quaeruntur, dispiciamus. Oratorijs excultum virtutibus legatum desideramus, & nomen ipsum oratoris commune desiderat. Neq; in adsertione adserenda est, cur tantillum trahamus moræ. Id monemus magis, quod is a me nunc legatus effingitur, qui non vni tantum aptus est speciei legationis sed omnium obire munus rectè potest. In bellico enim legato nõ admodum requirimus oratoriam vim istam, non in alijs multis. An requirimus in illo, quem agere mutam diximus legationem? An in tali, qui conceptis verbis legationem exponit? Qui reddere tantum litteras habet? Sed & illud in proposito tenendum est, quod nec vnumquam cupimus sic ab oratoria arte legatum instructum, ut arculas rhetorum omnes ei reuolutas velimus. Nec enim hunc virum, quem factis excellentissimis destinamus, ad verborum, linguæque anxiam illam sollicitudinem deuocare decet. Nam neque principibus, quorum personam legati gerunt, conuenit is dicendi character, quem vbique in lucrubationibus oratorum aspiciamus, sed simplex, sed nudus a coloribus, figuris, luminibus. breuitas sermoni conuenit legati, & ut sit is illustris sententiarum & rationum pòdere magis, quam elaborata dictione & amplificationum digressibus. Etenim quod Demostheni accidebat cum Phocione, id, nisi supradicta sequimur documēta, legato nostro continget. Quæ orator ille maximus longa sæpe dicebat oratione, Phocio ea, multum ac sæpe dolente altero, pauculis omnino verbis dispergebat. Vis dicam, quam orandi rationem in oratore legato cupio? quam non improbare Tacitus, siue is fuit Quintilianus, qui dialogum de

de oratore scripsit. quam Cicero alicubi popularem rhetoricam *Lib. 2. de finl.* appellat. quam Menclao fuisse, Homerus Iliados tertio tradit, non multiloquam, non vagam, sed breuem, argutamque. ac ego quidē *C. in Bru. 1. lib. 3. Rh.* breuem appello ex, Ciceronis, qui in proposito meminit Menclai, ex Aristotelis, & aliorum rhetorum documentis, quæ in medio-
critate cōsistat. Eam ego locutionem legati esse velim, quam philo-
sophorum esse Cicero in Oratore scribit, castam, verecundam,
virginem incorruptam quodammodo; & sermonē potius, quā
orationem. Nollem oratorem nostrum oratore Scauro meliorem
Catulo filio, Ser. Sulpitio, similibus. si in legatione exponenda, &
sententia dicenda grauitas, si naturalis quædam auctoritas, si pru-
dentia, si elegās quoddam & eruditum genus orationis, & in sum-
ma tantum eloquentiæ in legato est, vt munus illud tueri facile
possit: vltra nihil ab ipso exigendum, opinor. Hæc mea opinio est:
immo legati omnium, quos ego quidem nouerim, excellentissimi
certum iudicium est. *Franciscum VValsinghamum* dico. Is aliquādo
mihi in istam sententiam differebat. Sed & legati illi huc conce-
dunt, qui longas orationes missas faciendas, vt res paucis tran-
sigeretur, Belisarium aliquando monent. Hæc iam dicendi ratio-
ne noster agat, oret, lenocinetur. & Tassus enim lenoni legatum,
quemadmodum oratorem quendam coquo in Gorgia diuinus *Proc. lib. 2. de
be. Got.* Plato, assimulat. & hoc ipsum Plautus alicubi intulit. nescio verò
In Mil. glor. (nā id ab vltimis studijs pueritiæ memoria repeto) si etiam Iusti-
nus scribit, dum a rege quodam missos lenones tradit, atque eof-
dem mox legatos appellat. Socrates certè, vno se lenocinio confi-
dere vel maximè, apud Xenophontem in Conuiuio contestatur.
ea est ars conciliandi amicitias. ea est legati ars maxima. Restat
nunc vt de his verba faciamus, quæ tenēda ista in parte legato par-
ticulariter sunt, dum legationem renunciat. At executus id est A-
ristoteles in Rhetoricis ad Alexādrum. igitur ab opere ipse super-
sedebo. *Cap. 29.*

CAP. VII.

Sermonem teneat legatus eius, apud quem agit.



INGVÆ præterea illius, apud quem legatus est, notitiā
habere noster orator debet. hoc enim remouet incom-

lib. 5. Tuscul.

Cap. 19.

L. 3. D. de testi.

Bal. in l. 20. p.
ubi. de testi.

moda, adfertque commoda multa. Et, ut hinc faciamus initium, semper is barbarus est, qui loquitur homini, apud quem verba facit, si is non intelligit dicentem. Sumus surdi omnes (ut ait Cicero) in linguis, quas non intelligimus. Quid verò si interpretis copia non est? Fieri potest, ne sit. Meminerimus quid cum interprete Themistoclem egisse, scripsimus libro superiore. Caracalla interpretes non semel necauit, ut per eos non innotesceret, quid acti fuisset. quod in selectis de legationibus ex Dione rescimus. Esto autem, licuerit, liceatque interprete, quem & maniscatur legatus, uti: fidere tamen vel probitati vel ingenio eius, hoc quantum est? An & ex persona dicentis interpretis ita ille afficietur, qui audit, ut si ex legati ore digniori perciperet? Succedit verò mox & incommodum aliud, quod qualis fuerit responsio orationi sua data, omnino ex interprete (ut ut hic probus, prudensque fiet, benè rescire legatus nequit. Mitto quod cum Satyro histrione accidisse Demostheni, Plutarcus narrat: quæ scilicet eadem erant, visa diuersa fuisse recitante Satyro, atque cum Demosthenes recitaret. Demus interpretē (quod impossibile est: vel si ille interpretis fergius sit, quem libro quarto Agathias in negotio hoc præstantissimum facit) orantem planè ac is fecit, cuius verba referuntur: illam certè vocis energiam, & latentes illas affectuum significationes inter dicendum assurgentes referre interpretis nequit. Cedò, qui obseruabit eas etiam significationes affectuum, alio dicente, legatus, quas in auditoribus omnibus esse scimus, & is solus notare aptè potest, qui agit, aut qui singula sentit, quæ aguntur. Quid est, quod prudentes medici libentiùs ipsi vident, alloquuntur ægrotū quàm si, quid quid in re est, referatur eis ab alijs? Nempe quia multa sunt, quæ percipi nisi nostris oculis nequeunt. Et est simile, quod de testimonijs ad iudices quosdam Adrianus imperator rescripsit. Id tamen non refero. At hæc quoque fieri posse concedamus: quæso quæ certitudo manet legato, si ex interpretis iudicio (iudicat enim hoc loco iste, qui quod sensum excedit refert) totus pendeat? Verùm & quem statueremus illum oratorem, qui per interpretem diceret? quem legatum statuimus, si is est orator? igitur ob hæc vitanda incommoda, definimus, legatum indigere interprete non debere; atque ideo cognitum ipsi sermonem esse oportere, quo is v-

titur

titur, quem alloquitur. Probo Tiflaphernem Persam, qui legatum misit Spartam linguæ Spartanæ gnarum. Perseum probo, qui hominem legauit ad Gentium regem Illyriorum sermonem callentem Illyricum. Non dubito, quin Romanorum pleræque omnes legationes ab tali non fuerint lingua instructæ, qualis ipsis citra omnem interpretis opem satis ad munus obeundum fuisset. Etruscum enim sermonem, mox Græcum plerique omnes, qui ad rempublicam capeffendam nutriebantur, discebant. Sermo autem Græcus quâ non patebat? Cartagine erat benè notus, si verum est, quod interdixerint illis Romani, ne vterentur. Quis nescit de omni ferè cis Eufra-tem Asia? Quid Saguntum, Emporium, alios in Hispania locos, & Massiliam in Gallia memorem Græcas vrbes? quid rationes conquiram, quibus, non quidem communiter notam (id enim Cæsari refragaretur) linguam Græcam & in istis Europæ partibus ostenderem, sed incognitam non fuisse? Scripsi aliquid ex Cicerone ad rem alibi. Quid quod legatos vfos interpretibus in tota Liuij historia, aut fallor, non legimus? Scio tamen & alios, & legatos interpretibus aliquando vfos. Verùm quid quid facti sit, ego docui satis, sic fieri oportere, vt dixi. Et nunc quidem si legatus linguam Latinam teneret, benè prospectum ei opinor: quoniam longè hæc est hodie in vniuersa Europa notior, quàm fuerit Græca. Si tamén & eas cognosceret, quæ nunc viuunt, vbi futurus legatus est, magis atque magis probarem. nam, vt alia omitam, afficere, quemadmodum volet, poterit legatus regem sanè certiùs, si huius ipsum patrio sermone alloquitur. Quis isto magis non afficitur, qui congenitus nostris sensibus est? Iterum de interprete. An cum interprete hæc consequemur? Scilicet idem planè est interpres & legatus; atque quod hic dicendo nunc vnum, nunc affectum alterum in principe audiente mouendum, promouendum censeret, idem facturus interpres fiet. At immutanda oratio non infrequenter venit ex his, quæ dicendo, fieri animaduertimus. quod probè Rhetores omnes admonet. nec verò istud facere per se interpres, aut illum, vt faciat, surdus noster iubere potest, qui sentit eorum nihil, quæ fiunt. Mittamus interpretem, qui sapienti legato num-

Thucida. lib. 8.

Polyb. in se-
lect.Lin. lib. 2. 9.
Diony. 4.

Lib. 4. lect. 3.

Cic. in ep. ad
Therm. & in
ora. pro Bal. &
l. 5. de Cap.
Sall. de bo. In.

Lib. 5. Tuse.

Gell. lib. 17. cap. 17

Plus in Anto.

Thucid. lib. 1.

P. m.

quam adfuerit. Discat & viuentes aliquas legatus linguas, vel nobiliores, vel quæ vsui sibi ex cōmercijs gentium, vicinitate, oportunitate, alia occasione esse queunt. Onus non impono homini omnium addiscendarum linguarū. quod Nicephorus facit. nullæ enim humanæ vires id ferent. siquidem linguæ innumerabiles sunt, vt scribit Cicero; tantum abest, vt disci etiam possint, & vir optimus Manutius, totam ætatem vel vni addiscendæ linguæ Latinæ consumere homines, non vno in loco conquestus est. Illéque in hoc forsitan poëtam agit, qui vsque etiam ad eloquentiam cognitas cuidam canit linguas Hebraicam, Græcam, Latinam, Hispanicam, Germanicam, Gallicam, Italicam, Æthiopicam, Arabicam, Syriacam, Persicam, Anglicam, Chaldaicam. Mithridatem, quem duarum & viginti gentium, quas sub ditione habuit, linguas calluisse scribunt, scio linguas tam multas non calluisse: nec enim tam patebat in immensum eius imperium; vt liquet ex Appiano optimè. Fuerint itaque non linguæ, sed idiotismi plerique omnes. Idem de Cleopatra responderim: de qua scilicet magna etiam notata in proposito sunt. Meminerimus verò risum ducis Romani, qui Dacas, Medos, Elimæos, Cadusios, alia nomina vix fando audita Antiochi legato accensente pro rege stare: *Atqui*, inquit, *hi omnes Syri sunt.* elegans est apud Liuium libro vigesimo quarto historia. Tres igitur cum Ennio, qui & tritor propterea dictus est, linguas teneat legatus noster, & si potest, vnā adhuc & alteram. Nec enim admodum difficile iudico mandatum præsens hominibus, qui rerum scientias minutissimè persequi non coguntur; & abundant affatim otio, reliquisque commoditatibus, quibus ista comparari solent. Themistocles anni spatio Persicam didicit. Sic & Themistocles testimonium in definitionem nostram. nam didicit Persicè loqui cum Persis futurus, acturus. Et quoniam multa hîc diximus, caput cum Demosthenis facto concludo. Is Græciam legatus peragrans colloquendo, & instigando omnes ferè populos, & Thebanos ad bellum resides in Philippum armauit. Num tanta per interpretē effecisset? Cum interprete principium & finis.

Magna in legato historiarum cognitio requiritur.



HISTORIARVM præterea cognitionem legato nostro commendauimus. Nam vt infinitas historiarum laudes prætermittam: hoc certe ex earum cognitione legatus assequetur, quod quasi innumeras obierit ipse legationes, dum tot legatorum facta, dicta, euenta perlegerit, eruditus euadet facile atque peritus normam componendi actionum suarum. Neque enim aliud est nostra prudentia, quam euentorum obseruatio, rerumque præsentium ac futurarum ex præteritis tamquam ex fonte scientia deriuata. Et hoc ipsum illud est, quod apud Procopium libro tertio de be. Goth. legati Longobardorum dicunt, & passim viri prudentes adfirmare consueuerunt, eum, qui de futuris velit dispicere, præterita intueri debere. *Nam quæ* (inquit libro secundo Rhetoricorum Aristoteles) *futura sunt, plerumque paria, similiaque sunt ijs, quæ iam facta sunt.* & libro primo: *ex præteritis futura coniectantes iudicamus.* Quoniam scilicet res mortales omnes, omniumque temporum summa nexæ similitudine sunt. etenim, qui omnia faciunt, homines iidem sunt, naturam eandem, eosdemque affectus perpetuò retinentes. quare, effecta eadem existere, necesse sit. Sed & rerum obseruatione patet, verum esse, quod dico. quantam enim videmus morum in singulis populis vicissitudinem? Sanè aut nullam, aut leuissimam. Est hoc cœli, terræque opus, vt hæc huius, illæ illius gentis sint rationes. quod Hippocrates docuit, & alij plures exscribunt, atque in persona Manlij Consulis Lini libro trigesimo octauo elegantissimè tractat & ex se libro quinto dicit, dum de Rhænis loquitur: ac rursus libro quadragesimo quinto de alijs. alibi etiam, licet a se diuersus, tamen & illud in nostrâ sententiam, habet, quod nec terra mutata genus, aut mores mutat; & quod natura insita velut ingenio terræ vinci nequit. Hæc eadem de vi terræ, ac cœli Herodotus, Plato, Polybius, Cicero, Plutarcus, Curtius, alij (vt dixi) notata reliquerunt. Si itaque idẽ cœlum, eadem perpetuò manet terra: eadem & perpetuò ratio-

Arist. c. 3. Rh. ad Alex.

Machia. lib. 3. Obseru. in Lin. c. 43.

In lib. de ar. ag. c. 10.

Lib. 37.

*H lib. vii. Pla.
lib. 5. de legi.
Po. lib. 6. C. de
le. agr. Plu. in
Pomp. Cn. li. 8.*

108

DE LEGATIONIBVS

Cic. in Lucu.

*Cic. lib. 2. de
Orat.*

nes populorum manebunt. Scio, educationi, consuetudiniq; de-
ferri plurimum. Sed non vt rerum natura inuertatur: nam quod
natura insitum est velut ingenio terræ vinci nequit. Quamquam
ista quid diutiùs prosequor? Historiarū peritus & præterita sciet,
& cognoscet præsentia. Volo namque legatum, cum antiquis de-
disse historijs operam, tum etiam recentioribus. Quare ad eas, li-
cet certissimas, coniecturas ipsi recurrendū non fuerit, qui hodie-
na nequaquam ex antea actis, sed ipsa per sese nota probè, & explo-
rata habebit. Quid? Potuit Lucullus, cum esset Roma profectus
rei militaris rudis in Asiam factus Imperator venisse, opera simi-
li, sed paucorum dierum adiutus, quæ existere aliquem legatum
posse, nos adfirmamus: & id ipsum non fiet? Age: negari illud nō
potest, instructum ab historijs euasurum in legatum optimum
trihorio longè facilius, quàm, destitutus si sit ab isto auxilio, annis
multis, multisque faceret. Ecce autem me ipsum do in quale quale
exemplum, qui ex perfunctoria, breuissimique temporis lectione
historiarum hæc potui (credo inutilia penitus non fore) observa-
ta, præcepta explicare. Quid ergo faciet is, qui in hanc vnā curam
intendet? qui propterea diligentius, qui plures historias euoluet?
cum profectò futurum legatum summum, & antequam attingat
vllam legationem, opinor. Nec enim nauta ex commentarijs (vt
dicere solebat Galenus) hic noster erit: aut desipere credetur, prout
& desipere & delirare Phormionem philosophum dixit Anni-
bal, quod de re militari, cum numquam in militia fuisset, se coram
milite, & imperatore præstantissimo ausus esset disputare. Nam
iste legatus, non ex fallacibus hominum siue coniecturis, siue ra-
tionibus huc acceder, sed doctus ab certissimis rerum experimen-
tis prouinciā sibi demandatam ingreditur, animo iam perlustra-
tam suo, totamque cogitationibus suis exploratam, immo etiam
oculis subiectam, & pedibus serè permeatā. Positus enim est quasi
in specula, & summo quodam monte is, qui cum historijs est: vn-
de subiectos campos, valesque, & quoscumque, qui loca hæc infe-
riora perābulent, horūq; gressus omnes facilè despicit. Ergo cum
descenderit ipse, inq; aliquod se dederit iter, commoda, & incom-
moda loca, & rectas, & obliquas vias præclare noscet, & in itinere
instituto, susceptoq; cum fructu ac laude versabit. Habet profectò
hoc

hoc præter alias scientias historia, vt ex ea & theoricam, & practi-
cam simul assequamur. Atque cum hæc ita sint rationibus com-
probata, quid Alexandrum ab rerum gestarum Achillis, quid ma-
iorem Africanum ab Cyri facinorum nobilissimorum siue histo-
ria, siue fabula eruditos commemorem? Maximè vtilitatis histo-
ria legato est.

CAP. IX.

Quatenus philosophia legatum deceat.



ED ad historiarum cognitionem accedere &
illam philosophiæ partem, necesse est, quæ de
moribus tractat, & ciuitate. Nam ista quasi ani-
ma est historiarum: vt quæ omnium causas cõ-
tineat, explicetque dictorum, factorum, euentu-
um: atque ideo historiæ notitiam non nudam,
inanemque esse sinat, sed in certos, vtilisque re-
rum vsus perducatur. Nec verò in negotio isto verebor omnium
præstantissimum dicere, & ad imitandum proponere Machia-
uellum, cuiusque planè aureas in Liuium Observationes. Quod
namque hominem indoctissimum esse volunt, & sceleratissimum;
id nihil ad me, qui prudentiam eius singularem laudo, nec impie-
tatem, aut improbitatem, si qua est, tueor. Quamquam si librum
editum aduersus illum considero. si Machiaulli condicionem
respicio. si propositum scribendi suum rectè censeo. si etiam me-
liori interpretatione volo dicta ipsius adiungere. non equidem vi-
deo, cur & ijs criminibus, mortui hominis fama liberari nõ possit.
Qui in illum scripsit, illum nec intellexit, nec non in multis calum-
niatus est: Et talis omnino est, qualis qui miseratione dignissimus
sit. Machiauellus Democratiz laudator, & assertor acerrimus: na-
tus, educatus, honoratus in eo reip. statu: tyrannidis summè ini-
micus. Itaque tyrannò non fauet: sui propositi non est, tyrannum
instruere, sed arcanis eius palam factis ipsum miseris populis nu-
dum & conspicuum exhibere. An enim tales, quales ipse describit
principes, fuisse plurimos ignoramus? Ecce istiusmodi principi-
bus molestum est, viuere hominis opera, & in luce haberi? Hoc

*P. lib. 8. de**re**A. lib. 5. Polis.**Pla. lib. 5. de*
*rep.**Agath. lib. 1.**S. orato.*
In Phædro.

fuit viri omnium prudentissimi consilium, ut sub specie principalis eruditionis populos erudiret: & eam speciem prætexuit, ut spes esset, cur ferretur ab his, qui rerum gubernacula tenent, quasi ipsorum educator, ac pædagogus. Ceterum hæc disceptatio vltius haud ducitur. Si favere scriptoribus volumus, multa & in hoc vitia emendabimus: aut illa saltem feremus in eo, quæ in Platone ferimus, & Aristotele, alijsque, qui non dissimilia commifere peccata. Feremus autem, quia meliora deterioribus longè plurima & is habet. Hoc habet, quod in præsentia quærimus, ut in lectione historiarum non grammatizet, sed philosophetur. Eget profecto altera alterius scientiæ cognitione. Nam absque historia philosophus talis mihi esse videtur, qualis qui rectam quidem ingreditur viam, sed quod in tenebris ambulet, certò cognoscere nequit, vbi sit: nec ea bona colligere potest, quæ Sole exorto solum apparent. Historicus contra ambulat ipse quidem in luce & splendore rerum gestarum: at quoniam eundem viam non ideo tenet, quod prospectus sibi undique patet; temerè incedere, casuque cum oportet. Si enim in re aliqua peragenda is velit cum suis, quæ multa observauerit, exemplis progredi, cedò quæ sequetur? Non proferet exemplum, cui exemplum contrarium desit. ut vel ex his, quæ superiore libro tractata a nobis sunt, cognosci facile licet. Philosophia ergo est, quæ de exemplis iudicabit, & iuris scientia (philosophiæ pars) fuit, quæ de iure legatorum dum disputaretur, exempla subtili trutinâ æstimavit. æstimabimus, si quid in nobis huius virtutis plus erit, & in reliqua omni disceptatione. quoniam & Socrates dicebat, turpes absque scientia opiniones esse: & id esse si aliena quidem facta, sententiasque producere, quid autem nos sentiamus, & rectum existimemus, fari minimè valeamus. Philosophia id faciet, ut possimus. Philosophiæ iunctam historiam cum encomio illo admittit, ut haud secus quàm domina, nec nutabunda, nec adulatrix iubeat, planèque constituat, quibus nam adhærere, quæ fingere nos oporteat. Non fero aliàs. Philosophi legatum sine multa historiarum cognitione non fero. puer enim hic a Cicerone diceretur. Nuda, tenuiaque eiusdem bona appellaret Plato. Docent periti, & ipsos politicos homines philosophiæ paulò familiariores factos, ad reip. gubernationem inutiles proflus evadere, omnique

nique intellectu destitui, & communi etiam sensu carere; reliquis
 certè ineptiores ad res gerendas, experientia ipsa quotidiana com-
 probari. Nec his sanè, quæ in Socratem in re præsentī aliquando *Plat. in Gorg.*
 Callicles dicit, aut his, quæ ipsemet dicit Socrates, video ego, quo- *& in Theæt.*
 modo responsum sit. Sit enim vel in vulgo virium, quod uti phi- *Plat. lib. 5. de*
 losopho nolit, vel in eorum imbecillitate ingeniorum, qui philo- *rep. & in Hip-*
 sophiæ dediti pares etiam publicis rebus esse non possint, sit in re *ma.*
 alia: nos perspicimus satis, purum putum philosophum ineptum
 curis huiusmodi esse. Ridiculi igitur illi sunt, qui Alexandri, simi-
 liumque exemplo omnem philosophiam viro in rep. versanti dis-
 cendam, penitusque demandant. Et nesciunt vani homines, Lunæ
 ecclipsim regi ignoram, fluxum, & refluxum Oceani præfuis in- *Cic. lib. 4. 9.*
 auditum, aliasque haud dubiè similes rerum historias. nec enim de
 causis, etiamnum philosophos summos latentibus, iuvenem coar-
 guerim. quod & me contra facerem: qui nihil istorum in viro po-
 litico exigī velim. Aliud in Imperatore requiri, ait Pollio, cum
 inter litteratos emicuisse Gallienum narrasset. atque idem oratio-
 ne Marij verissima apud Sallustium, & alterius apud Linium libro
 nono (ne plura appellem testimonia) liquidò confirmatur. Nomi-
 nem præstantissimos viros vel vlla absque litterarum cognitione?
 Carolus V. nostra ætate, Consalius Magnus, Sfortia Mediolane-
 sis, innumeri & bellicis, & politicis artibus clarissimi viri exitere *Iou. in vi. Adr.*
 tales. Sfortia, quod nec scribere sciebat, se, dicere consuevit, qua ma- *& in lib. 3. ubi*
 nu ensem tractare didicerat, eadem calami ductiones discere non *illus. in vi.*
 potuisse. Et politicus noster eleganter adfirmet, licet, se studia rerū *Sfo. c. 81.*
 publicarum sectatum, vacare alijs cogitationibus, & contempla-
 tionibus nequijse. Est verò eadem & de legatis ratio, quæ de poli-
 ticiis illis, principibusque est: nam & politicus est legatus, & prin-
 cipis etiam personam tenet.

CAP. X.

De litteratis legatis.

V V A T in præsentī argumento paulum adhuc im-
 morari. Quid tu, dicent, huc viros benè litteratos ve-
 nire non sinis, si litteratissimi admodum multi mu-
 nus legationis peregerunt? Accipe ex omni ferè ge-

*Diog. App.
Plin. Poly. Zor
Proc. Gell.
Xenoph. Pla.
Cic.*

nere philosophantium. Theologi legatione funguntur. Augustinus, Chrysostomus, Gregorius, alij, vt ipsimet, & ecclesiasticæ historiæ narrant. Philosophi, quos communi nomine appellamus, legationes gessere ex cunctis pænè sectis. Archelaus, Critolaus, Menedemus, Xenocrates, Arcefilaus, Theodorus, Crates, Aristoteles, Carneades, Diogenes: & hi vltimi duo, Ciceronis testimonio, e scholis excitati, cum nullam vnuquam reip. partem attigissent. Quid plures memorem? Rhetores, Sophistas, Grammaticos, Medicos, Iurisperitos vocem? Nullum litteratorum genus fuit, quod isthæc munera non attigerit. Testimonia autem auctorum singillatim proferre, molestum. Ita dicent, opinor, qui aduersarij esse volent sententiæ, quam nos inducimus. addentque pro colophone vulgatam illam Platonis sententiam, quæ septima in ipsius epistola habetur, & libro quinto ac sexto de rep. Philosophantes rectè in his administrationibus versaturos, non alios. Huic sententiæ & rerum experimenta adiungent: Epaminūdum, reliquosque Thæbeos philosophos, & remp. illam, philosophis clauum tenentibus, scelicem: item Dionem, & philosophorum exercitum eius: similia exempla adgregabunt, quibus sua hi dicta confirment, nostra refellant. Ceterum neque nos longè hinc iubemus litteratos facessere, sed literaturam exquisitam non requirimus, & si placet, etiam improbamus. Et nostræ stant rationes. Nam horum omnium, quos appellauimus, philosophorum legationes aut tales fuerunt, quales ab talibus (Num & mulieres sanctas legationibus ignoramus?) hominibus tractari etiam poterant? Nos optimum legatum cogitamus, qui omnibus est legationibus aptus. Vir in libris perpetuò abditus an est huiusmodi? Scilicet & in lucem noctua dimissa oculis non caligat. Notatus in re politica & Aristoteles est: atque erratorum eius causa illuc refertur, quòd minimè in rerumpub. rectionibus versatus fuerit. Quid alijs fiet studio litterarum penitus addictis, siue obeunda legatio est, siue id generis aliud peragendum? Sed neque ego dum philosophos a legationibus vacare iubeo, philosophos omnes intelligo. Seruium, veterem illum iurisperitum, nostros Bartolū, Butrium, Iasonem, Budæum, Guicciardinum, alios, qui legationes obiere, ineptos huic rei fuisse non iudico. Non Ciceronem inep-

*Bod. x. bis. c.
4.*

tum legatum existimassem, quem Senatus Romanus aptissimum opinabatur. Demetrium Phalæreum, Hermolaum Barbarū quis legatos optimos non censuisset? De illo Tullius, de hoc testimonio recentissima adfirmant, & doctrinæ studijs, & ciuitate regenda viros excellentissimos extitisse. Istos ego a communi definitione sepono, & alios eiusdem rationis. isti enim vt qui in Sole ambulant colorantur, sic cum litteris suis traduci animis semper in rerum curam publicarum valent: maximè si litteraria studia ea sint, quæ diuersa ab cura ista non sint. Ea fuerunt Phalerei, Ciceronis, Seruij, reliquorum, quos vltimò nominabamus. Studia fuisse Ethica, Politica, Legalia. & illa nos adprobauimus. hoc tantum ex consilio Neoptolemi (dissentiat, vt velit, Cicero) additum cupimus, ne omnino sit incumbendum vel istis siue cognoscendis, siue vsurpandis præcognitis. Nam quid aut in iure ciuili penè innumera velit legatus cognoscere, quæ priuati iuris sunt, quæ sunt forensis exercitij, quæ sunt administrationis certæ cuiusdam personæ? Si cognita & hæc dein velit vsurpare, an non cum Scæuola ridebitur, cuius in Graccana seditione ineptissimum a iure ciuili sumptum consilium Valerius libro tertio capite secundo notat. Ridiculo & Iulianus Imperator fuit, quòd iuri innixus ciuili cum Senero tamquam ex interdicto contendere de imperio voluisset. Fori aliud ius est, aliud regni. Ius ciuile, quod vestigia etiamnum multa iuris huius publici tenet, & rationes vbique, optimasque ad vtrumq; habet ius, in his scilicet legato inseruiet. Hæc nouisse, satis: cetera inutilia, etiam & vsurpata inepta. Disciplina Peripatetica, quā sectatus Phalæreus est, ipsa non minoris fuerit utilitatis legato. disciplina enim est, quæ non ex inanibus speculationibus prodijt, sed ex ipsis rerum experimentis: vt rebus agendis sit aptissima. itaque rectè Cicero, ab hac claros instructos viros rempublicam sæpe gessisse, non semel memorat. Reliquæ sectæ nihil omnino huc conferent. Non vides Mulum illum, qui legatus Vitellij, Senatusque permixtus Flauianorum manipulis dum bona pacis, ac belli discrimina Stoicè, quorum philosophorum placita æmulabatur, disserit, ludibrio, tædio fuit cum sua sapientia intempestiua. Quid Coriolanum, qui natura Stoicus fuit, quid Catonem dicam? illius

*C. lib. 2. Tullius.
Gell. lib. 5.*

*Spania. in
Nigro.*

*In Luc. & lib.
5. de fini.*

Tac. lib. 5. his.

*Eras. in mor.**Plin. adu. Colo.
& in rep. Sto.**Lib. 7. de rep.*

duram istam sapientiam benè improbat libro octauo Dionysius: & alterius seueritatem stultam quoque alij faciunt. Aprus an est reip. tractandæ Academicus, qui, quid agendum sit, numquam definit? De cæteris scholis nihil est cur aut verbum fiat. iacent enim solo prostratæ, conculcatæ ab omnibus sapientibus. Epicurei genus hoc vitæ etiam auersabantur: sed & Stoici. Legalem itaque, Ethicum, & Politicum, at e Peripato, philosophum legatum volo; at etiam sobriè. Volo non ex vmbra earum scholarum educi, sed educatum in consilijs rerum, atque in imperiorum administratione versatum. Volo, studia litteraria huc sua omnia, semperque relata fuisse. nam & Plato ineptissimos suos illos philosophantes ducit, qui aliter egissent. Ac (vt ad alia progrediamur) tales fuisse Epaminundam, Dionem, reliquosque istorum existimo. Ita Aristotelem accipio, qui libro secundo Rhetoricorum ex philosophiæ studio homines ad prudentiam fieri accriores contestatur.

CAP. XI.

*De fide Legatorum.**Epist. x.**Pla. de ani.
m.*

Nunc peruenimus, vbi disputandum de his virtutibus est; quas in legato præcipuè (omnia enim superiora elegantias, atque vrbانيتates dixerit fortasse Plato) reperiri oportere existimamus; fidem, fortitudinem, temperantiam, prudentiam. Ad istas virtutes legati animus conformandus est, atque instituendus: nimirum ad fidem veluti corpus ad pulcritudinem: ad fortitudinem veluti ad robur, & vires: ad temperantiam veluti ad sanitatem: ad prudentiam verò veluti ad sensuum subtilitatem. Harum verò virtutum primordia quidem sunt ex natura: media verò & fines ex diligentia: ac sicut illa in corpore gymnasticæ adiumento, & medicinæ; ita in animo ista eruditionis, & philosophiæ beneficio cõparari dicuntur. Et de fide quidè ita statuimus, vt ea virtute nihil in legato illustrius, nihil magis formosum, decorumque reperiri posse existimemus. Ea virtute debet maximè abundare legatus, nam in ipsius fidem princeps

princeps se totū commisit. habita autē fides ipsam (inquit vir vel barbarus) obligat fidem. Atque id validè contra Æschinē intorsit Demosthenes, dum virtutem hanc in legato non ex semisse requirit, cui fides adiuncta intotum amittentibus est. Sic efficiet, vt Sapiens laudet ipsum, dicens: *Legatus optima fidei medicinam facit.* iterumque: *Vt frigus niuale tempore messis legatus fidus mittētibz ipsum: nam animam dominorum suorum restituit.* Quo etiam oppositum virtuti vitium maius est, ex eo, quā minimè liceat ab ipsa virtute declinare, clarè perspicitur. At proditione quid grauius, tetriusque? Legatur Xenophon rerum Græcarum libro secundo, Cicero in oratione pro Sex. Roscio, Dionysius libro secundo, & octauo Antiquitatum. Sed pœnas quoque infideliter gestæ legationis percensere, inutile haudquaquam fuerit. nam ita ostendetur, curæ Deo maximè hanc curam esse, qui non vltam, & seuerissimè quidem, esse perfidiam, haud facilè patitur. Metrodorus igitur, qui a Mitridate ad Tigranem missus, vt regem arma Romanis inferre persuaderet, cū a Tigra-
ne, quidnam hac de re ipse sibi consuleret, rogatus esset, responderitque, se vt legatum rem expositam suadere, vt consiliarium improbare, redactus in Mitridatis potestatem supplicio merito affectus est. Alexa legatus Antonij ad Herodem pari delicto pares & ipse pœnas persoluit. Necatus ab Atheniensibus Timagoras eandem ob infidelitatis occasionem. Sed quid singula exscribam? In Logobaso Selgensium legato diuinæ iræ iudicium vehementer enituit. qui quòd legationem prodiderit, non ipse solū, sed stirps eius tota crudelissimè, inopinatoque trucidatur. Vindicatur scilicet ius istud legationis sic seuerè, vt & in filiis vindicetur. Accipe in diuersa parte exemplum. Filij Antimachi nequidquam Agamemnoni supplicantes necantur, quòd pater Menelaum ad Troiam legatū profectum interficiendum monuerit. Verissimè igitur sapiens: *Nuncius improbus incidit in malum.* Nescio autem, si inter istos referam Attilium Regulum, qui supplicijs exquisitis interfectus a Cartaginensibus est: eam proculdubio ob causam, quòd legationem in contrarium egit, pro qua fuerat Romam dimissus, & quam ipse se obiturum receperat. Laudetur sanè Reguli fortitudo,

Liu. lib. 12.

Prou 13. & 29

Plus in Lucul

Plus.

Xenoph. lib. 7.
et. Græ.

Polyb. lib. 5.

Iliad. j.

Ap. de be. Pu.
Flor. lib. 2. A.
Vet. alij.

Cic. li. 3. de off

& hæc ipsa fides, dum reuersus Cartaginem est, sicuti promiserat: certè in eo vituperandus videtur, quod contra suscepta mandata disseruerit: & propterea genere pessimo mortis enectus iustissimè fuerit. Prodidit legationem. At patriæ caritatem ius omni iure potentius aliquis fortassè ad Reguli fidem excusandam nobis obijciat. verùm is rectè videat, si excusatio procedit. ego enim potius non suscipiendam, quàm vllam ob causam prodendam susceptam legationem existimo. Nam quod ipsis hostibus data fides seruanda sit, nec in dubium reuocatur. Cetera, quæ de fide legatorum dicenda supersunt, ibi explicabimus, vbi eam a prudentia expensam ostendemus. Nunc enim de istis virtutibus simplicius disputamus.

CAP. XII.

De fortitudine Legatorum.

ALTERA virtus, qua præditum esse oportere legatum diximus, fortitudo est. Nec verò est ratio, cur intrepidè munus suum non obeat, tanto iure munitus, tutusq.

Sed tamen fortem præstare se virum legatus debet, etià si quid contingat secus. Nam vt potuit multis sibi propositis exemplis cogitare, fieri istud posse, ne iura legationis inuiolata sibi illic sint, quo proficiscitur: ita & aduersus omnem vim præstatum se officium suum pollicitus existimabitur. Neque enim verum puto, quod M. Tullius quandoque protulit, sine vllò mortis metu ceteros legatos semper profectos, vno Seruio Sulpitio excepto, qui ad Antonium missus erat. Cur enim omnes non vereantur, quod sciant legatis non rarissimè solitum euenire? Sed iste supra mortales omnes immanem Antonium esse volebat. Non eam ergo confidentiam sibi legatus noster adsumat: at cogitet se vel ad regem Eleorum ire, qui quàm seuius esse in legatos consueuisset, Heraclides nobis recenset. illos admodum multos cogitet, quos capite decimoquarto retulimus proximi libri, quique non vno modo ius legationis sanctissimū violarunt. & cogitet Marcum (vt nominat libro primo Patrculus) siue (vt appellat Ci-

cero,

Philipp. 9.

In li. de Polis.

cero, Liuiusque) Caium Popilium Lenatem, qui longè minus præclarè se gessisset, si priùs & non cogitasset, mortem sibi extanta asperitate obtingere potuisse, & vitam, forti facinore, reip: non deuouisset. Non hoc est Popilij nisi ingentis fortitudinis factum, quod longè superat opera omnia confidentiæ. Hunc cogitet virum legatus; quem nouit etiam interfectum, cogitet alios: cogitet & reliqua pericula; & animum aduersus cuncta obfirmet. Nam iuri tantum confidere, maximè periculosum est, cum quid secius contingit: quoniam turbamur a rebus non cogitatis, animis non paratis. *In eo, ait Dio, quod accidit præter conceptam opinionem, defisit mens, & perturbatur consilium sic, ut omnes tum temporis pessimè soleamus deliberare.* Et Plutarcus: *Gignit quidem audaciam, hæc non cogitare, sed tantum ius: at aufert etiam fiduciam.* Et Socrates (vt est apud Xenoph. lib. 4.) inquit: *Fiducia negligentiam parit. & rebus. impronitis turbamur.* ipsius Xenophontis testimonio in Hipparchico. Ad hæc verò agenda & legatum inuitare alia multa debent, & fortissimorum, laudatissimorumque legatorum exempla, & honores habiti legatis, qui in legatione fortiter gesta, vel mortem, vel aliam iniuriam passi sunt. Interfectus Popilius est? At (quod ait Cicero) pro breui vita diuturnam homini ciues sui memoriam, columna in Rostris erecta, rediderunt. Errat enim Plinius (vt ad illum Barbarus scribit) factum hoc non Popilio esse, sed Octauio narrans. Octauio statua posita est. reddita (inquit Cicero) est Octauio a maioribus statua pro uita: quæ multos per annos progeniem eius honestaret. De alijs alibi, & de alijs honoribus diximus, qui fortibus legatis more omnium gentium tributum sunt semper. Quare eosdem, similésue expectare omnis meritò legatus potest. Iustus enim hic honos est: & iustitiam sperare a suis vir benè meritis optimè valet. Age igitur, legate, pro iure tuo sanctissimo, pro ea fortitudine, quam debes, pro ijs honoribus, quos expectas, tot imitare fortissimos legatos, fortiter æmulare. Age, en alia tibi exempla commonstro. Iphiclem memineris Epiroram legatum ad Valentinianum, Epaminondam ad Agefilam, Clodium ad Tigranem, Casperium centurionem ad Parthorum regem Vologesem, & alterum centurionem Cornelium, qui cunctanti Senatui petrum Octauiano consulatum deferre, re-

c. Phi. 8. lib.
43.

Lib. 42.

In com. Peri.
& Fab.

Lib. 34. r. 5.

Ann. lib. 30.
Plu. in Age.
in Luc.
Tac. lib. 15.
Suet. in Aug.

Plin. App.

iecto sagulo, manuque ad gladij capulum admota, Hic (dixit) faciet, ni vos feceritis. Agidem reminiscere Persam, qui Crasso, dispecturum se Seleucia nescio quid minitanti, sublata manu mediamque palmam ostendens, In hac prius (ait) palma seræ nascuntur. quàm tibi Seleuciam conspiciendi potestas fiet. Sed nec plura legatorum fortia facinora tibi legato nostro enumero. Tu, quem peritissimum historiarum scimus, hanc ipsemet tibi operam nauabis. Nunc ego de temperantia scribo.

CAP. XIII.

*De temperantia legatorum.**Lib. 1 de off.**Scal lib. 3.
Poet.**Lib. 4. Ethic.*

ARISTOTELES libro Nichomachiorum secundo, & magnorum moralium primo temperantiam circa voluptates medium quoddam esse docet: non quidem circa omnes, sed corporales, atque eas maximè quæ in tactu existunt; immo circa has solas: vt in magnis moralibus loquitur, & eorundem Nichomachiorum libro tertio. Cicero autem paullo accipit latiùs pro ea virtute, quæ rebus decorum imponere modum videtur, siue id sit in corporis quibusque, siue in animi voluptatibus moderandis, & cohibendis. Et Plato in Conuiuio: *Illud inter omnes esse constat temperantiam, voluptatibus, & cupiditatibus dominari*. quam habet & in Phædone definitionem. Sunt qui matrem, & normam cæterarum omnium virtutum esse contendunt. Et quæque bonis rationibus stat. Itaque liceat mihi Ciceronem sequi, aut etiam Platonem, qui libro tertio ac nono de repub. planè sic accipit virtutem istam, vt hîc ego acceptam velim: pro ea scilicet, quæ ab avaritia, nimis cibis, venereque, alijsque oblectamentis nos retrahit, ac, in summa, concupiscibili multiplicis, variæque rationis parti frenum adhibet, & dominatur. Sic quod vix benè referri ad liberalitatem posse visum Aristoteli est, nos huc retulimus, abstinere, & temperare se a muneribus accipiendis. Temperare autem legatus debet: quoniam munera qui semel acceperit, & largitionibus est corruptus, is (vt exclamabat in Æschinem alter) non iam constans manere index commodorum publicorum potest. immo vt vt obierit rectè legatione

gationem, probat ille, nec id credi oportere, nec fieri omnino posse. Præceptum verò huiusmodi personis illud Dei est. *Ne suscipi-* Deut. 16.
to munus, quia hoc oculos excitat sapientum, & verba iustorum per-
uertit. Qui a quocunque pecuniam recipit, sui ipsius dominum il-
 lum constituit. vt ex Socrate libro primo de eius factis, dictisque
 Xenophon refert. Abstineo ab alijs testimonijs cōquirendis. Sic
 itaque ille idem orator in Æschinis concionantis (vt credo) morē
 acerbissimē inuectus, *Non cōcio, inquit, habēda est, Æschines, manu*
in sinu condita, sed obeunda legatio est manu in sinu condita. Lib. 4. c. 3. Et
 verò cur ita legatus non faciet? Refert Valerius, legatos
 quosdam Romanos munera quidem accepisse, sed detulisse
 etiam in ærarium, & quidem prius quàm ad senatum legationem
 referrent existimantes de publico ministerio nihil vñquam præ-
 ter laudem benè administrati officij debere priuatis accedere. Sed
 non ij solum sic iudicarunt. In summa, temperare se a muneribus
 accipiendis legatum debere, id docet maximè, quod omnium gē-
 tium legislatione cautum est. vt capite vltimo libri proximi ad- Plut. in Abo.
 notauimus: & hīc Corinthios addimus, quorum ibi mentionem
 non fecimus. addimus & illud ex re Romana, quod rogationem
 Romæ latam Sallustius scribit in eos, qui pecunias in legationi-
 bus a Iugurtha accepissent. Temperandum & a voluptatibus le-
 gato est. Quid enim (ne quid de vicio intemperantiæ absolutè di-
 cam) si in Philippum aliquem, aut in aliquem Bonosum legatus
 inciderit? Legatos Thebanorum, quorum temperantiam De-
 mosthenes laudat, an putamus abstinere a muneribus potuisse, de-
 incepsque incorruptos manere, si inter Philippi pocula temperā- Vopiscus.
 tes, dolente rege, non exiissent? Bonosus ad ebrietatem legatos
 pellicere cōsueuerat, vt arcana pectoris eorum palàm omnia nos-
 ceret. Sed & Persæ legati ab filio Amyntæ interfecti documento
 omnibus legatis sunt, vt a vino, vt ab illicitis cupidinibus sanctè In Terpsie.
 abstineant. Habet Herodotus historiam. Nec tamen ego adoles-
 centis factum tum temporis improbatum probo: sed iusta peri-
 cula ostendo. Simile quid Arabum apud Herodem legatis acci-
 disse, Iosephus libro decimosexto, capite septimo antiquitatum
 narrat. Quæ vel similia Xenocrates Atheniensium legatus cum
 incurrere noller, dicitur nec quidquam voluisse aut gustare prius

quàm legationem suam exposuisset. ea erat ad Antipatrum de redimendis captiuis. igitur ad cœnam a rege inuitatus talia protulit carmina.

*Quis cupiat Circe prudens, vel sanior umquam
Sustineat bibere, atque cibum gustare priusquam
Soluantur socij, mihi vel reddantur ad vnum?*

*App. de be.
Mist. r.*

*P. Symp. lib. 2.
9. r.*

Plus.

Refert etiam Laertius, hunc & ad Philippum cum alijs legatione functum & a conuiuijs, muneribusq; (Philippo etiam fatente) solum Athenas incorruptum rediisse: ac ibi maximis propterea honoribus honestatum. Gabinij legati Romani extat exemplum non absimile, & Antalcidæ aliud apud Ælium. Verùm de temperantia hoc loco satis. neq; enim huius virtutis partes percurrere omnes decreui: neque exempla omnia recitare, quæ de temperantibus, & intemperantibus legatis tradita sunt: nec illud quidem, quod de Celtiberis ridiculū scribit libro quadragesimo Lilius. Temperantiam sic sectari legatū volumus, vt nec facto, nec dicto villo decoram minus aliquando reddat personam, quam sustinet. Scripserunt Cicero, Plutarcus, Castellioneus doctē, plenēque de liberalibus, & illiberalibus dictis, facetijs, iocis, salibus. Illud certē flagitiosum etiam fuit, quod in Demetrium a legatis suis prolatum est apud Lysimachū. Huic cicatrices, quas ex moribus Leonis, quo cum Alexandri iussu aliquando pugnarat, ostentanti, Et noster quoque (retulere legati) rex graues in collo gerit morsus, quos ab Lamia (hæc mulier Demetrio adamata) fera accepit. Homines in principem contumeliosi, qui iocum de eo sumptum voluerint. De prudentia sermo consequitur.

CAP. XIII.

De prudentia legatorum.

*Cic. lib. 1. de
off.
Plain Hipp.
ma.
Demost.
Gnicc. lib. 15.*



DE prudentia verò quam hoc loco virtutem dico in perspicientia veri, sollertiaque versantem, sic statuo, vt ea ad legatū pertinere maximè videatur. nec enim nuncius tantum verborum legatus creditus est, sed & rerum iudex appellatur: & (quod nobilis Venetus monuit) aures, & oculi imperiorum legati sunt. Quod aliud profectò non est,

est, quā summæ prudentiæ partes legato de mādatis asserere. Prudentis enim est hominis acutissimè videre quid in re quaque verum sit, non labi, non errare, non decipi, non nescire. Et Ægyptij sic per depictam aurem intentum hominem significabant, & per oculum vigilantiam, atque prudentiam. Adde, quod Sapiens facit nuncium imprudentem tamquam si sine pedibus ire deberet. In hoc igitur genere virtutis ut excellat legatus, maximè ei fuerit enitendum. & excellet facilè ni ingenium ad res subitas deest: & si incognita pro cognitis numquam habeat; non his temerè assentiat, sed adhibebit ad considerandum & tempus & diligentiam. nam omnia (ut dicebat Fabius) non properanti clara, certa que sunt: & festinatio improuida, ac cæca est: scientiæ nouercam dixit Plato in Politico: & ille Ætolorum prætor, Consilij nullam rem tam inimicam, quàm celeritatem; celerem enim pœnitentiam, sed eandem seram atque inutilem sequi; cum præcipitata raptim consilia neque reuocari, neque in integrum restitui possint. Vbi igitur tempus datur, illic nihil temerè. Quum enim quid factum opus est, illud certum ac persuasum iam esse debet. ut Socratē Crito admonebat. Hi sunt sapientiæ nerui. Videndum tamen, ne cunctatio sit atque si sit nihil. Nam ut sapientis est non præcipitater credere, ita omnino haud credere, rebus agendis (quod alter dixit) aptum non est. & ineptè alioqui Senator ille præstantissimus auri- bus legatū comparasset; quæ & intentum hominem, & ad aliquid agendum intentū ostendebāt. Ni scilicet innuere magis volebat, legatū etiam exploratoris munere defungi oportere. Quod a verisimili non longè positū est. audimus etenim legationibus multis & hoc iniunctum, ut specularentur, explorarent res eius, ad quem ibant. Nec fortè indecorum est: si Plato exploratores omnino in rep. sua iubet esse. Sensit verò ita se rem habere Henricus VII. Angliæ, quem propterea passum numquam temporarios apud se esse legatos, narrant. Et sanè quid non palam vel profitentur legati Veneti, qui nihil non narrare a legatione reuertentes solent, quod ad rem spectet publicam, in qua fuisse legati? Ceterum ipse hoc in legatis non adprobauit. & alieni regni arcana non scrutanda, Honorius ac Theodosius Augusti monuerunt. Ergo de prudentia, vera virtute, sermo sit noster. Atque ut prudens legatus

Orus.

Prov. 26.

Lin. lib. 22.

Eun. lib. 31.

Epicarmus.

Polyb. lib. 8.

Lin. lib. 22. 27.

38. 42.

Eun. i. Illia. 4.

Lib. 13. de legi.

L. A. C. de com.
mer. & merc.

*Arist. li. 2. Rhet.
& lib. 1. Eth.*

Odysseus.

Lib. 12. de legi.

fit, nec iuuenem cum ego velim, nec talem, qui exteras regiones numquam frequentarit, præter id, quod diximus, esse ipsum oportere iam olim in rerum negotijs publicarum versatum. Ac in eo, quod de ætate scribimus & Græca conuenit appellatio, qua idem senibus, legatisque nomen tributum renunciant, & iuuenum natura certissima, vt simplices sint, creduli, ac facilè decipiantur, imperitique actionum vitæ meritò iudicentur: ex quibus tamen rationes conficiuntur, & tota prudentia informatur. Alterū quid attinet dicere? peregrinationes esse perutiles, ait libro primo Rhetoricorum Aristoteles, nemoque non adfirmat: & Vlysses cum vellet Homerus prudentissimum fingere, virum ipsum cecinit, qui multorum hominum mores, & vrbes nouisset. Quid exterarum rerum imperitissimum mittemus ad exteros? Illum autem peregrinatum dicemus, qui peregrinationis suæ testimonium tale habeat, quale rerum peregrinarum peritum virum ostendat. Nec enim quidquam mouet, si peregrè fueris, & huic scientiæ operam non nauasti. Itaque nec adolescentes crediderim fructum huiusmodi referre posse. quod omnino scilicet sensit Plato, qui annis quadraginta minorem peregrinari prorsus vetat. Chalcidenses autem (Heraclide in Politijs narrante) legem habebant, ne quis annos infra quinquaginta natus legationem obiret. Ego certè vt nollem ætatem adeo prouectam expectari: ita, quid in legatione sit, sic censeo videndum, vt ex eo iudicium de re isthac tota fiat. Nam adolescentes ad Iugurtam legauere Romani. & duos ego pænè pueros egisse legationes præstantissimè scio: *Georgium Khisl Baronem a Kaltenprun, Germanum, & D. Philippum Sydneiu Anglū*: pares mehercule præstantibus animis, virtutibusque viros. Nam etsi cum Barone Khisl versatus non sic, vt cum altero, siem: quid tamen de illo a Matthæo patre non audio, qui etiam familiarissimè, dum medicus vtriusque Ducatus Carniolani fuit, & cum illustrissimo ipsius parente, totaque familia nobilissima, & annos quidem se plures habuit? quid non fama prædicat? quid edita ingenij specimina non ostendunt? quid & ego, tamquam leonem ex vnguibus, vno, & altero congressu virtuosissimum virum non agnouerim? Eius, Sydneique legationes in officium fuerunt. Has cur etiam adolescentes non agant, ratio non est. Ad reliquas certè, quæ

quæ iudicij maturitatem quandam requirunt, etsi de Guicciardini ad regem Aragoniæ legatione, aliâue quis exciperet, nisi cum, qui trigessimum annum excesserit, aptum adfirmare non ausim: nec hominem iuniorem censeo peregrinari rectè posse. Supra illum annum ætas est, quæ Aristoteli probatur, nec improbat Platoni. Sed non est præsens locus statutus, vbi de prudentis legati rationibus exquisitè dicam. Statutus est, vt ad eam virtutem legatus excitetur. In id igitur addo, quod ab legatorum imprudentia contingere mala maxima possunt, solentque: quare vel ne istud fiat eniti summo opere, vt prudentissimè omnia attendat, & agat, legatus debet. Num proferam enunciati historias? Sunt eæ non paucae. Spartani legati Athenas pacis gratia ineundæ missi, consilio Alcibiadis fraudulento auscultantes per imprudentiam, bellum pro pace, quam quærebant, & iam habebant in manibus, retulere. Adi Plutarchum. Legati quidam Cartaginenses (idem auctor scribit) lapsi foedè sunt, cum non cognoscerent actiones eò tendere Timoleonis & Andromachi, vt illorum resp. rebus Siculis prospicere statim nequiret, & Timoleonis resistere conatibus. Delusi præclaram rerum Sicularum occasionem suis præciderunt: & frustra mox iactarunt minas, in quibus relatum eis par est. Ceterum longissimus fuero, si ista vel attingo leuiter. Imprudentia legati Romani bonam benè agendæ rei rationem præstitit Persis. quod recenset Procopius. & legatorum ab Alba imprudentia eam occasionem regi Romano dedit, quam cupierat. vnde & cecidit Albana ciuitas. Hæc satis. Nunc de prudentia dicemus, quæ (vt apud Platonem in Critone est) non vna est virtutis species, sed reliquarum dux, & mater: & ad cuius præscriptum omnes cōstituuntur. Istam Plato, & Cicero definierint, scientiâ oportunitatis idoneorū ad agendum temporum, & causam, vt rectè agantur omnia: arbitram, & normam cunctarum virtutum. Ipsa fidei modum præscribet, ne ad superstitionē, aut huic contrariam impietatem labatur. ipsa ostendet tempora, mensuramq; fortitudinis, ne temeritas, feritasue fiet. ipsa rationē temperantiæ docebit, ne in rusticitatem, simileue aliquod vitium euadat. ipsa denique medium illud exhibebit, in quo omnis virtus consistit. ipsa sui moderatrix est, ne versutia meritò existimetur.

*A. lib. 2 Rh.
Pla. ep. 2.*

*In vi. Alc. &
& in vi. Nich.*

*Lib. 2. de be.
Pers.*

*Lin lib. 1. Dionys.
lib. 3.*

*Diog. in vi.
Pla. Cic. de off.
de off.*

ET verò vt coeptam disputationem ex ordine resumamus, agitedum, quæstiones de fide examinemus ad istum lapidem. Illa autem, quæ incurrit prima, nullam habet difficultatem, Si legatus, vt fidum se domino præstet suo, a fide potest discedere, quam Deo debet. Sceleratorum hominum, mancipiorum turpissimorum, Orco deuotorum peccatorum voces illæ sunt, illi animi sunt dicentium, nutum principis suam esse in Deum fidem, suam religionem. Itaque nec temporarius legatus audiet, si quid ipsum agere princeps velit, quod fidei Deo deuinctæ vel tantillum derogare videatur. Quid enim in obligatione omni, qua quis homini obstrictus est, sic obligatio non excipitur, qua Deo tenemur, vt in fidelitate sit feudali cum rege & Imperatore? Rescribat ergo legatus principi, obedire ei se per religionem suam non posse. quam debuit & notam illi fecisse, maximè si causâ sit, cur aliud, diuersumque de legati sui religionem princeps potuerit cogitare. Nam vt nullam subibit legatus notam, qui notus principi est, si is quidquam mox petat, quod religioni suæ aduersetur: ita iustam non euitabit reprehensionem, si legationem suscipiet rege de ipso aliter opinante. Sed nec alius vllus legatus adeo amens fuerit, qui in diuinam fidem peccare, quàm in regiam malit. Is tamen, quicumque erit, aget pessimè, si certam suscipit legationem, cui lex Dei sui impedimento est, quominus illam conficiat. Alter fidem principi tantopere non violabit. Violat tamen vterque. Tamen vt violet, maior ratio facit. Et ad rem Claudius apud Dionysium pulcrè illa: *Instrumenta rei male seruare impium, non seruare pium est: Deus enim se ad pulcros, iustosque consensus adhiberi gaudet, non ad iniustos, & turpes.* Quæ eleganter, ac multis vtriusque iuris, ceterorumque testimonijs auctorum confirmantur. Atque hæc in tanto nostrorū temporū religionis dissidio inutilia nullo modo sunt. Velim autem, tantum esse superni numinis respectum, vt si vnuquā, hîc maximè cogitaret legatus, ratione eius distinctionis non habendam, An quid vt legatus, vel vt Fabius agat. Vanum enim

*Feud. li. 2. tit. 7**Lib. vi.**p. l. Anth. sce. non so. Vide de reg. in. in VI.*

enim documentū & rustico illi visum est, cuius ea quæstio fertur, Quid Fabio fiet, legato in Tartara demisso. Mixta est in legato persona, non duæ personæ sunt: in qua ius Dei cum sit potentius, trahi ab hoc alterum omnino debet. Non ignoro quid de Syro, 1 Reg. 9. quid de alijs nostræ ætatis regeri queat. Sed horum facta consensu mox omnium reprobata facere negotium definitioni nostræ nō valent. Altera quæstio est, si principi parere legatus debeat in his rebus, quæ suam lædunt admittæ famam, existimationem, dignitatem. Fingite, iubere principem, legatum suum mentiri, fidē fallere, simile quid probrosum admittere. Et ipse hanc eadem definitione excipio. Quid enim si ista licerent in principis gratiam, non licerent & reliqua? furem esse? adulterum esse? paricidam esse? bel-
luam esse? hoc est, vitijs omnibus inquinatum. Fortunas, sanguinē ipsum principi debemus, & vtrumq; effundet legatus libēter, quo se fidum domino suo probet. Sed religionem, sed virtutem non deferat. Equidem scio, quā ista sint ab vsurpatis moribus dislita. Sed ego legatum fingo, non qui esse solet, at qui esse debet. Num verò probem legatos vel millies missos speculatores? perfidos? fallaces? Sed proditores iurisgentiū isti sunt. Num Romanos laudem, qui legatos miserunt, pueri in speciē regis Demetrii regni constituendi, reapse vt infirmarent, Macædoniæq; Græciæque res vt specularentur? Num Syracusanos feram, qui, vt Plato (si eius est dialogus) in Eryxia tradit, legatos in hoc vnum misere Athenas, quò istam ciuitatem fraudibus circumuenirent? Sexcenta huiusmodi sunt. non me fugit. Sed iustitia quid constans est, nec motabile prauis vllis hominū institutis. Certa hæc sunt. Modò quæstionem propono: in quā paullò magis sit desudandum.

CAP. XVI.

Vtrum legatus, si e re esse credit, fallere debeat principem.



QVAESTIO est, si principi imponendo, dum eiusdem commodum quæritur, malè, & contra fidem legatus faciat. Et sanè quidquid excellentissimus distinguat Tassus, ego in ea sententia sum, ne aliquod tale a legatis vmquam committi debeat. Si enim quod optimè etiam cessit, voluit siue Posthumius, siue Manlius,

*Polyb. in Se-
lect.*

Lin. lib. 4. 8.

aut & hic, & ille præstantissimorum filiorum mortibus punitum, quoniam contra imperatorum patrum præcepta pugnassent; & in Fabio mox pro renouato habitum exemplum iustissimum est: atque similem de Epaminanda quæstionem libro primo de Inuentione recitat M. Tullius: quid istas laxamus nos legato habenas? Illic de re benè gesta iam non dubitabatur. hîc vel si certus spondeatur euentus, non deest hæsitatiōi locus. vtrōque contemnitur præceptum non contemnendum. Ac Athenienses quidem licentiam hanc legatis esse minimè opinabantur, qui legatos in Arcadiam missos, quoniam alia via, quàm imperatum erat, profecti fuerant, mulctarunt morte: mandata etiam si perfecissent. Et iidem quid mandatis subiiciebant, *Legati præterea quidquid boni possint, agunt*: si credidissent, ex fide facturos isthæc legatos? Quod si nec de omiſſis cogitarūt interponere se legatū posse, quid in quæstione nostra censuissent? Grauius profectò est, contra voluntatem, aut expressa mandata facere, quàm id facere, de quo cautum non est. Et verò quid possit legatus absque mandatione tentare? Procurator certè, cui sic est similis legatus, vt pænè idem videatur, nihil agere huiusmodi valet. Legatus interpret est. an interpret est, qui diuersa refert ab eo, quod interpretatur? Huc morem aduocemus, cuius Seruius meminit, vt a legatis superflua quoque renunciarentur: id quod omnino significat, nihil prorsus celatum principi esse oportere. *Nuncium* (dicitur Ilia. 9.) *renunciate: hoc enim munus est legatorum.* & Plato in Politico sic: *Preconum genus obsequijs addictum, ubi alienam sententiā accepit, eandem indicit.* Nec quidem, si in certo mandato versamur, dubito quin non legatis liceat vel transuersum ab illo vnguē secedere. Et Homerum, quem Tassius notat, quòd legatos eodem verborum contextu loquentes facit, quo dictata illis legatio est, ego potiùs adfertorem nostræ huius laudo opinionis. Nam quæ ea fuit & Virgilij religio? Quæ sua Tassij? Hi certè etsi non adeo præcisè, vt Homerus, valdè tamen sunt in formula retinenda & ipsi. Loci Homericī sunt Ilia. 2. 7. 8. 9. alibi. Quod si Homerus idem in hominum legationibus seruat, nec est tamen improbandus. quia in heroibus non diuersa fuerit ratione procedendum. Plato quoque omnium legationes (quod retulimus) hac in parte a Ioue facit. & de legatis Romanis

Aelia lib. 6.

Aeschin.

Lib. II. Aeneid.
id.

Lib. 4. Aeneid.
Lib. 1. Hierus.

Romanis Tarentum aliquando missis sic Valerius: *Legationem quibus acceperunt verbis peregerunt*. Atque Valerio Appianus non aduersatur in re ista, etsi diuersa quædam (vt non multò post dicemus) in reliquo habet. Simile autem de Q. Fabio tradit libro vigesimo primo Liuius. Ait. *Et Q. Fabius nihil ultra quàm vnum, quod mandatum erat, percunctatus*, &c. Ergo nihil nec falsi legatus renunciet, nec reticeat veri, cuiusque quod quod gestum, dictumque fuerit. Non principi reticeat, apud quem legatus est: quoniam iustam capiet molestiam ille, quandocunque ista rescierit. & non aliter atque matrimonia multis vltro, citroque iactatis mandacijs contracta existere sæpe parùm grata, parumque concordia solent; ita proculdubio & cum negotijs sic transactis eueniet. Ferendum id minus cum legati principe. qui quòd certam formam legationis præscripsit, certè omnem huiusmodi licentiam legato ademit. Scio, quid mihi responderi, aut obijci possit, fallendos amicos scilicet, qui errarent alias: adq; eorum vtilitatem multiplici etiam mendacio, varioque errore abutendum. quæ Plato lib. 2. & 5. de rep. ac Xenophon lib. 4. de fac. Socr. alijque scribunt, cum id generis alijs. sed ea legatum non attingunt. Igitur hoc vnum legatus sciat, officium se suum maxime agere, cum intra suum se officium continet: neque voluntatis dominicæ arbiter esse volet, ac moderator. *Obedientiam* (dixit Deus: cuius imaginem principes in terris tenent) *non sacrificium volo*. Legati officium (legatus Iustiniani ait Proc. lib. 1. de be. Go.) est suum cum fide ministerium exequi. Atque his, quæ probata satis existimo, illud adiicio: quod nec de re alia agent legati, quàm de ea, quæ vna ipsis demandata est: idque licet nec de mandata possint, si de altera agere nolint. Exemplum præbent legati a Philippo rege ad Titum; quod in fragmentis Polybij est: & Fabius, de quo monuimus. Et si omnino nihil dicere mox iussi sint, & reuerti: hoc quoque fideliter præstare debent. vt bellè sanè cum Ludouico Moro actum a Florentinis legatis recitat libro tertio Guicciardinus. Non hæc egent latiori confirmatione.

Lib. 2. c. 3.

Xenoph. lib. 2.
de fac. & de
Socr.

1. Sam. 15.

Lib. 17.

*Polyb. & Ap.
in Seleſt. Dio-
ny. lib. 3. 6.*

Caſſin. lib. 1.

Li. lib. 45.

DIFFICILIVS eſt iudicare, quales ſint legati partes, iuſſi agere, quod ſibi videbitur. Neque enim dubium eſt, legationes huiuſmodi ſolitum mitti. Romam miſſere Cartaginēſes, Achēi. Roma miſſæ ad Coriolanū ſunt, & ad plebem, quæ ſeceſſerat. Ab ſingulis Latij ciuitatibus veniſſe ad concilium quoddam, memorat Dionyſius. Ab Athenis ad Lyſandrum, Xenophō lib. 2. re. Græc. Ab Olynthijs ſpartā lib. 5. Athenas a Lacedæmone lib. 7. & Plut. in Alc. Et ſæculo proximō miſſus a Duce Britannia legatus tanta cum poteſtate ad principes in Ludouicum XI ſcederatos eſt, vt purum acceperit ſolium, cui inſcribendum curaret, quod factum ipſe cum principibus a ſuo Duce voluiſſet. Poſtulat ita aliquando res, ne quid certi legato præſcribatur: ſed vt ei ampliffima poteſtas tribuatur agendi, quod e re eſſe crediderit. Sic Athenienſes apponebant: *Legati præterea, quidquid boni poſſunt, agunt.* Sic Demotheſes verba, dixit, temporæque legatis tradi: hoc eſt, poteſtatem rei, quibus vellent verbis, agenda, & quo tempore vellent. quia ſcilicet notū hoc fuerit: multa contingere ſolere, de quibus præſtitui nihil in mandato poſſit. Illa certè, in quibus præſens tractatio rerum certiora ſubijcere conſilia valet, committi legatis prorsus oportet. In his legatis prudentia maxima requiritur. His legationibus omnes ex æquo homines fungi non poſſunt. His legatis habendis diligentiffimè incumbitur a principibus. Quæ erant Taſſi rationes, vt legato liceret verba, aliaque non pauca in mandatis mutare. Nam quid hæc omnia, ſi legatus nihil niſi mandata, præſcriptaque renunciare deberet? Et veræ rationes ſunt, niſi in mandato certo verſemur. iuuanturque (ſi inde ſcilicet non deſumpſit Taſſius) ex his, quæ in oratione pro Fonteio Cicero de officio iudicis diſſerit elegantiffimè. At verò huius etſi ſit tanta legati poteſtas. ſemper tamen ſapientiffimi Menenij exemplum meminiffe eum oportet, vt ſi quid præter opinionem omnem accidat, auctoritati non indulgeat ſuæ: ſicut nec Menenius, collegæque indulſerunt, qui ſumma poteſtate a Senatu donati pro pace cum plebe incun-
da

da, tribunos, postulata plebis, concedere, æquum eis visum non fuit: quoniam (vt dixere) id præter omnem opinionem peteretur. Et fortasse facit iuris nostri documentum, ne mandato vtcunque generali vniquam id veniat, de quo mandator cogitare haud potuerit. Certè consilium Menenij contrario Cassij facto egregiè comprobatur. de quo scilicet sic Dionysius scribit: *Leges fæderis cum Hernicis Cassium consulem instituere suo arbitrio, & rata esse ipsius placita, Senatus decrevit. Tamen huic non placuit factus hominis, qui accepto à Senatu honore, non vicissim patribus honorem habuerit, vt communicaret cum eis consilium, sed, vt ipsi visum est, condiciones pertulerit.* Scio autem, & hoc præceptum, variari ex occasionibus posse, quæ moram illam a Menenio interiectam non ferrent. Sed nos diximus, quid fides, & prudentia non præcepta reposcant. Et documentum proculdubio verissimum est, ne quisquam quantavis potestate instructus rem quamlibet peragat, inscio, nec auctore principe suo, eoque, qui rem mandauit. Nam alia sunt in eam definitionem exempla Herculis Ferra-riensium Ducis, Philippi Austriæ Archiducis, Antipatri, Agrippæ, Ioabi: quorum duo primi, quod vsi sint data potestate, illaudati; secundi probati sunt, qui peractæ rei nomen dominis reseruarunt. In Guicciardino, in Curtio, in Dione, in sacris libris legat, qui cupit, historias istas. ego indicaui. Dico ad fidem legatorum pertinere, vt ita agant. nam ei, qui tibi dederit totum, par est aliquid afferuare. Quod si præcipitandæ sunt moræ, nihil est, cui legati fidem princeps desideret: etsi faciat ille vel aduersus ea, quæ iste cogitat, monueritque. quoniam mandatorum supremum fuit, vt ex arbitrio ageret legatus suo. Sicut autem hi legati abstinere se a quibusdam debent, quæ permissa ipsis sunt: ita ex aduerso agere multa possunt rectissimè, de quibus ne verbum quidem factum est. Ecce in legatione P. Villij ad Antiochum regem quantum fuit, quod regi scierit (Polybio ego & Appiano potius credo) suspectum Annibalem facere? De ea re nec cogitatum a Romanis existimo: nam Villio in mandatis non datum, certissimum est. Quid egit Clodius Luculli ad Tigranem legatus, vt Mitridatem deposceret? Multos interea potentissimos principes Romanis etiam conciliauit. Legatorum Atheniensium rogatu interce-

Lib. 8.

G. lib. 4. 6. D.
lib. 4. 9. Sam. 2
c. 12. C. lib. 6.

Plut. Lin. lib.
35. P. lib. 3. A.
de be. Syr.

pti a Sitalce illi Lacedæmones, quorum libro secundo meminimus, capite tertio. & de re ista omnino vel suspicari populus Atheniensis nō potuit. Legati Athenienses, Spartæ cum alia ob negotia diuersarentur, legatis Corinthijs ibidem Atheniensi populo maledicentibus egregiè responderunt. & longam eorundem Atheniensium cum Melijs disceptationem retulit & in dialogum lib. 5. Thucidides. Habet similia Liuius, & legatorum orationes ferè generis cuiusque. Xenophon & multus est in hac Agefilai virtute extollenda, quòd legatione defungens, & alia egregia patrare solitus fuerat. Sed an hæc facere licet? Diximus libro superiori. Nec sanè licet, si hostile quid admittatur in eum, ad quem legatio est. Et si enim de eo, qui ad hostes mittitur, dici aliud posse videtur, quia inimicorum mala procurare, hisque lætari, neque iniusti, neque inuidi hominis ducitur: tamen quòd legatio non sic admittitur, vt præter ea, quæ cum illo agenda sunt, ad quæ iuit, alia etiam agere possit (nam non est in alijs legatus; cùm is ad quem missus in alijs sit, non sit omnino) contra officium certè, immo & contra ius fiet, inimicè siquid (vt dixi) fiet. Videat legatus præterea, ne dum fidem summam, diligentiamque in rebus domini præstare contendit, aut minus commodū aliquid, aut honorificū minus principi curet. Nam Quinctius (si ijs non credimus, qui mandatum Senatus fuisse dicunt) pro Romani populi maiestate indignissimè egit, apud Prusiam legatus, de Annibalis nece. Et Victor quidam, Urbiciusq; libro trigesimo ab Ammiano, hisque verbis traducuntur: *Legatio ad Parthum missa, vt rex Armeniam non concupisceret: recta quidem & libera, ni deniasset in eo, quod absq; mandatis oblatas sibi regiones in eadem Armenia suscepit exiguas.* At id non cōtra officium modò actum ab his legatis est, qui fidem istam, & sollicitudinem intempestiuam esse non iudicarunt: sed in ius etiam legationis peccatum. nam hostilis ea susceptio fuit. & in itu, redituq; legatus muneris sui meminisse debet. An duplex admisissent hoc facinus, si iura legationis calluissent & historias? Clodius ille id sanè noluit. amicitias si inijs quasdam: id nulla potest ratione iusta reprehendi. Hæc habui, quæ de fide prudentis legati notarem. Scio autem lucida ex ipsis dogmata stare: quare, ea vt ego explicatiores faciam, non laboro.

Pla. in Phile.
Xenop lib. 4.
de fac. Socr.

Plut. Lin. lib.
39. App. de be.
Syr.



EQVENS tractatio est & de prudentia legatorum & fortitudine. In qua illud primò monendum venit, vt qui aduersùs omnem vim, omnemque euentum pectus imperterritum nō gerit, is saltem cognoscat hoc, & non suscipiat legationem: imiteturque Ciceronem magis quā Demosthenem. Ille ista ratione legationem ad Antonium prudenter depræcatus est, & refugit. iste imprudenter egit, qui ad Alexandrum destinatus, & vsque in aliquam viæ partem progressus, dum subinde regis impotētem iram reformidar, deserta legatione retrocessit. Legatione suscepta, consideret legatus mox, quando vtendum fortitudine est, quandoue tempori cedendum fuerit. Fortis fuit Popilius, prudensque, qui nullam omnino moram sibi ab Antioco fieri passus est. nam impubes Ægypti rex, pro quo Romanus legationem agebat, nullam saluti suæ moram non perniciosam poterat sustinere. Recolamus quid Masaniissæ nepoti acciderit, quòd legati Romani iusta acerbitate cum Iugurta non egerint causam adolescentis, & suam legationem. Itaque Polybio adfentiendum non est, qui graue & superbū vult hoc Popilij factum fuisse. Ecqui isti reges erant, quos & cum imperio alloqui legatus populi Romani non posset? De Annibale, qui eodem modo, quo illi reges, Romanis parebat, dixit consul, eum & vectigalem, & stipendiarium, & populi Romani seruum esse. astipulatur autem & Cic. lib. 4. in Verr. vbi seruos pariter istos appellat. Etiamne opinabimur, loquacem & temerarium (sic nominat Polybius) grammaticum Isocratem rectè dixisse, factum superbè & per impudentem licentiam, quod alij legati Romanorum ex lege fœderum naues exussissent, occidissentque elephantos Antioco Eupatori: & Octauium propterea principem legationis iustè a latrone cæsum Laodiceæ? Si iustè agitur, si pro auctoritate mittentis agitur, si agitur prudenter; an nō agitur fortiter? At iustè, & pro auctoritate, & prudenter isti Romani. Sed ceteri inferiores sunt longè, qui mittunt legationem ijs, ad quos mit-

*Phillip. 12.**Plus.**Sal de be. Iug.**In Select.**Lin lib. 21.**In Select.**Ap. de be. Syn.*

Dio in Select.

titur, poterit tamen legatis forti quadam elatione vti, si magnanimi sint illi, quibus exponetur legatio. Ecce, cum Romani nihil moderati, æquique Cartaginensibus legatis respondissent, Anno vnus legatorum dum liberè multa, & apertè in Romanos dicit, concluditque orationem ita: Nisi pacem nobis dare vultis, Sardiniam & Siciliam reddite; quibus non ad tempus aliquod, sed æternam a vobis emimus amicitiam: verecundiores, & æquiores Romanos effecit. Præclarè & legatus Priuernatum, cuius libro octauo Liuius meminit, in duriori adhuc patrie conditione. Adi, lege illam historiam. Liuius adsentiri caueas, qui Priuernatis ferociam non admodum probat: nam & rectè processit legatio; & de Romanis vera monuit Consul: habetque similia planè Diodorus. inquit: *Romani etiam hostes a virtute magnanimos, & victoria cupidos diligunt.* Exempla in id plura non desunt, & ait in fine libri primi de Inuentione Cicero: *Sape virtus & magnificentia, in quo grauitas, & auctoritas est, plus proficit ad misericordiam commouendam, quàm humilitas & obsecratio.* Ceterum oportet animaduertere, vt alia non repugnent. nam ferocia Ætolis obfuit legatis Romæ. Arrogantes hi, perfidique in populum Romanum fuere. itaque ferociter agendum victis non erat: cum altera Romanorum virtus in debellando superbos confisteret. Sic prudentius Cartaginenses more adorantium adeunt Scipionem. Sic imprudenter Spartani, qui a Gelone aliquando auxilia petentes agūt tamen cum tyranno insolentissimè. quæ est ab Herodoto scripta historia libro sexto. Cauendū, ne quid nimis. Cymbros enim legatos nō fortes, sed feros & stolidos dixerim, qui cum victa ea gēs esset, & in angustias redacta a Mario, huic tamē minitabātur. Nec enim probris inceslere, sed orare necesse est, & præcibus, non criminibus placare id, quod est potentius. Quorum legatorum non ferociter agentium, sed demississimè etiam supplicantium plura occurrunt exempla, & dicta a nobis sunt, quàm vt vel vnum hīc præterea proferatur. At id sanè reticendum non est, quod a legato Veneto nostrorum auorum memoria gestum est. Armis totius Europæ Veneti præmebantur, cum pro regulo Mantuano apud istos captiuo sic verba Baiazethes Turcarum Imperator cum eo legato fecit, & nullam omnino admitteret excusationē, quin pro-

mitteret

In Select.

Liv. lib. 30.

Plus.

mitteret legatus sibi, futurum prorsus, ut regulus liberaretur. nec enim legato auscultabat barbarus referenti, rem haud suæ potestatis esse, & se tamen spondere audere, Venetam remp. Imperatoris petitioni facile, ac libèter assensuram. Acerbitate igitur, & iniustitia hominis perculsus ipse id legatus promisit, quod nec potuit, nec, si rem consideres simpliciter, spectesque, debuit polliceri. Verum alieno illo, pessimoque reip. tempore fortissimi legati fuit fortitudinem obliuisci totam, & cauta magis, quàm elata consilia sequi. Idq; virorum prudentissimorum testimonio probatum est. *Æschines* verò generaliter inquit: *Temporibus accommodare se publicè & priuatim omnes necesse habent.* Hoc capite dicendum de iuniore illo legato esset, qui iussu Teucæ reginæ obtruncatus fuit: libro enim secundo *Polybius*, quòd ei suorum latrocinia ex regij, consuetudinibus excusanti, comprobantique legatus, Dabimus, dixerit operam, ut non longè post regias istas consuetudines emendare cogaris; magnanimum quidem responsum, sed non satis pro tempore dictum scribit. De illis Romanis videndum foret, quorum parrhesiam tulisse egerrimè *Cartaginenses*, idem auctor nobis recenset. Disceptare de alijs oporteret. Sed & alibi hanc partem executi sumus; & ex hîc dictis, prudentiam immo neque in iuvene illo rectè desiderari, liquidò liquet. Magis igitur illud dicamus, quod a paratis præcibus decurrendum aliquando ad hanc animi ferociam legato est. ut ostendit *Veturia Coriolani mater*: & relatum a *Liui*o est. Et is fortè potest casus vnus esse, in quo vel a certo mandato resilire legatis liceat: quando scilicet rem aliter inuenit legatus, atque creditum fuerat, cum mitteretur: aut se sanè habuerit res aliter sed mutata sub aduētum legati sit. Nouis enim rebus noua consilia aptanda sunt. Dogmati certè alterum quoque adstipulatur exemplum, quod de *Luculli* legatis ad *Parthum* missis *Plutarcus* habet. & alterum, quod habet *Xenophon* lib. 4. re. Græc. de *Bœotijs* ad *Agésilauum*. Atq; quod de præcibus in indigationem vertendis diximus: idem & contra valet. eadem quippe est disciplina contrariorum. idem in omni alio immutando mandato obtinet. Si etenim nullum esset in mora periculum: quin legatus non possit ad principem suum rescribere, cumque monere de his, quæ sibi videntur contra eius mandatum, ego non video.

Guicci. lib. 9.

Lib. 15.

Lib. 2.



Ec verò in magnis solùm, sed & in omni re magnū, dignūque gerere animum legatos volo; nec, vt tantillum de sua dignitate vllō modo imminuatur, pati. En quidam legati Germanorum aduertentes cultu externo quosdam in sedibus Senatorum Romæ; & quinam foret rogitantes, postquam audissent, earum gentium legatis id honoris datum, quæ virtute, & amicitia Romana præcellerent, nullos mortalium armis, aut fide ante Germanos esse exclamant, digrediunturque, & inter patres confidunt. Et hoc quidem est, in quod valdè, rectèque incumbere legati solent, ne alijs supra se locum digniorem esse, si non postulet ratio, patiantur: aut quid huiusmodi fieri. nam videmus Martium noluisse transire amnem; & ratione, iocoque ad se Perseum pellexisse *Minor*, inquit, *ad maiorem, & filius* (Persei pater Philippus, quod cognomen Martio fuerat) *ad patrem transeat*. Orobazum videmus regis Parthorum legatum necari a rege, quoniam Syllæ imperatori Romano nobiliorem in consessu sellam concesserit. Videmus Demagoram multatum Athenis, quia Persarum regi more gentis cultum exhibuisset: & Demadem quoque, qui Alexandro similes honores, Græcis auersos, præstitisset. Quid agendum? Venetus legatus clauo sensit capiti affixum pileum, qui Moscho Duci id honoris non detulit, vt ipsi aperiret caput. ego pilei gestandi consuetudinem potius sinerem longè ante, quàm, si de summo iure nihil remittendum censerem, in hæc mala me, principemque meum conijcerem. Prudenti legato consilia minimè deesse possunt, quibus se ab istiusmodi omnibus expedire queat. Alter, quo Persicam adorationem non exhiberet, accusari tamen non valeret de non exhibita, dimisit e manibus nescio quid, quod vt reciperet, se flexit, atque ita barbaris visus est, morem ipsorum tenuisse. Aliquando etiam dignitas isthæc facienda non tanti est, quin non sit curæ (id pro sua prudentia metietur legatus) recta ratio magis, qua legatio perficitur expeditius. Sic fortè legatus Theodosij non malè ex equo descendit regi Persæ obuius factus. nam & obstu-

puit

*Tac. lib. 15.**Lin. lib. 42.**Plin.**Val. lib. 6.
cap. 3.**Athen. lib. 6.
Sigi. in his.
Musc.**Proc. lib. 1. de
be. Pers.*

puir ad tantum honorē barbarus, & legato petita indulfit. Quod tamen alij Romani legati adfentando, & demulcendo Cosroem item Perfarum regem postulata confecerint, minimè ex dignitate Romana egisse notati sunt. Illud igitur confirmat certè, quod monui, quod legatus itidem Romanus in Ætolorum concilio dicere primum Atheniensem legatum voluit, quia immania Philippi hic erat explicaturus; vnde inflammari Ætoli ad bellum poterant, quod volebat Romanus. Sed quid si per principem, apud quē est, legatus non potest dignitatem suam retinere? Quid factū opus sit, principem consulat suum. interim se sic contineat, vt vitet, quātum potest, omnem indignitatem. & quidem si nequibit effugere, quominus contumeliā aliquam tulerit, id sciat primum, grauissimam omnem iniuriam esse nullam penitus, quod attinet ad personam propriam. atque tantum docuit Zeno, qui rogatus, contumelias quemadmodum ferret, Quomodo legatus, qui sine respōso dimittitur, dixit: & leuissimum iniuriæ genus nominās, & quod legati personam omnino nihil attingeret, sed tantum legationem Et idem in omni iniuria est. Ego ita Zenonem accipio ex suæ sectæ instituto. Pelagius tamen ad Totilam legatus aliter sentire visus est, dum ait: Iniuria legato fit, non tantum si vapulet, sed & si re infecta dimittantur. Ceterum huius ego dicta magis deduxerim ad Zenonis sententiam. Atque hinc illud facit, quod responsum ab altero legato est. rogatus, vtrum publicè, an priuatim adesset: *Publicè*, respōdit, *si quod volumus adipiscimur, sin minus priuatim*, ostēdens, non ei iniuriam istam fieri, qui agit legationem, sed omnino ei, cuius nomine agitur. atque is piè contumeliā in se omnem cadere voluit. Quemadmodum deinde in contumelia vel vindicāda, vel ferēda se gerat, arbitrij sui non est, sed sui principis. Et hinc laudatur Tarentum ab vrbe legatio missa, quæ sordibus illic re-perfa, nihil de re ista dicitur quæsta, at mandatum tantum exposuisse. Nam si legati iniuria non est, quid eam legatus prosequitur, aut mittit? ignarus penitus quatenus ad animum suum illam princeps, cui facta est, reuocet. Ait tamen in Selectis Appianus, respōsum in theatro vrina legatum Romanum non sine plausu multitudinis, vtque barbarum loco eiectū, magnanima hæc protulisse verba: *Accipio omen, plura enim datis, quàm petimus: & vestem hæc*

Lin. lib. 35.

D'og.

Proc. lib. 3. de
be. Go.

Plut. in Lycur

Val. lib. 2. c. 2.

sanguine lauetis. nunc gaudete, Tarentini, breuiter, nam longum lugebitis. Ceterum non aduersantur ista prioribus, & definitioni nostræ. Et hanc animi præstantiam in legato ipse quoque requiro: verum illud dico, non spectare ad legatum mox, quomodo iniuriam persequatur. Ast tempus iam, vt ad temperantiæ etiam repedemus tractatum.

CAP. XX.

De prudentia legatorum, & temperantia.

DE temperantia orationem resumentes, vetus hic pro-
uerbium censeo tenendum, quod de muneribus acci-
piendis est. *Neque omnia, neque passim, neque ab om-
nibus nam* (vt Seuerus, & Antoninus Augusti elegân-
tissimè complexi sunt) *valde inhumanum est, a nemine accipere: sed
passim, vilissimum est: & omnia, auarissimum.* Ego hoc loco de mu-
neribus pleraque omnia dico, quòd nihil aut occurrat frequenti-
ùs, quàm de corruptis munere aliquo legatis sermo, aut faciliùs
obrepat & officium ista in parte legatorum contaminet, quàm si
animus ipsorum intemperans ad munera factus est. Nec enim vt
in reliquis voluptatibus fit, dici res improba potest donorum ac-
ceptio, si in liberalitatis partē vocatur: & propterea decipere apta
est maximè. Ea accipere non debet legatus munera, quæ propte-
rea dantur, vt corrumptur. & accipere a Pyrrho Fabritius nolu-
it. non enim honoris gratia a rege delata (quidquid attesteretur Plu-
tarcus) sunt: sed mercandi gratia Romanam beneuolentiam, &
sceleris ergò. vt Liuius, Valerius, alij rectiùs tradunt. Dona isthæc
dolosa prudens legatus facilè agnouerit, agnouerunt Thæbei illi,
alijque, quorum capite decimotertio fecimus mentionem: tempe-
rans refutabit, iidemq; refutarunt. *Ab impuro capere munera neq;
bonum virum neque Deum decet*, Quæ honoris & beneuolentiæ
caussa dantur, ea aspernanda non sunt quod res ipsa docet, & pro-
batissima exempla confirmant. Sic videlicet Pelopidas legatus a-
pud Artaxersem dona ea tantum, dimissis reliquis, accepit, quæ e-
iuscemodi erant. idem & legatus Luculli apud Tigranem Clodi-
us. Immo quedam munera sunt, quæ velle legati debent, tantum
abest

L. 3. D. de off.
procons.

Est. lib. 4.

L. lib. 13. 35.
V. lib 4 c. 3.
V. Et. de vi.
illus.

abest, ut nolle debeant. Ista sunt ordinaria quaedam. Sunt, quae legatis discedentibus dari consueverunt. Atque Germani (quod habet Tacitus) haec ostentare etiam solebant, & maxime indignabantur, si quando consecuti non fuerant. ut additum ab Ammiano est. Non est hic a corruptione periculum: nam res fere debita soluitur, ut propter ipsam nulla legatus obligatione muneratori obstringatur. Si in commodum quoque reip. suae oblata munera velit legatus ab munifico principe verti, laudabile proculdubio facinus faciet. nam id iactitat se fecisse apud Philippum Demosthenes. Aliae etiam causae esse possunt, propter quas legati munera non refutent. Sed praecipis moralibus eruditus legatus hoster, & bene ab historijs instructus quid operam nostram exigit longiorem? Initiandus quasi a nobis erat quod fecimus: relinquendus mox ingenio, iudicio, sapientiae, virtutibus suis est: & statim relinquetur. Plura quoque, quam offerantur, si dono sibi legatus desumiat, id potest aliquando elegantis hominis factum esse. & exemplum in Plutarco est. Missas ad legatum Atheniensem stolas duas commemorat, ut unam, quam vellet, filiae domum acciperet; illum vero utramque sumpsisse sub hoc elogio: *Filia eligit melius*. Hic tamen praeter quam quod videndum est, ne pretia rerum arguant avaritiam accipientis, debet & illud inspicere, si gratius donatori factum continget. quod cum liberali, amico, & verecundo, subuerenti plura offerre, eveniet. Ac satis de muneribus. Aliud quid? Si sordidus alibi legatus sit, temperasse sibi a muneribus accipiendis non est satis. Liberalitas, quo est nomine minus vir princeps laudandus, ita si legato viro principi absit, infamem cum penitis, prorsusque red sit. non enim acquisititium quid id est in supremis viris, sed institutum, propriumque. atque hoc qui illorum caret, esse illorum non potest. Et hic tamen advertere prudenter oportet, ne dum timet legatus avari ac sordidi nomen, non dico, prodigus fiat; talis enim persona fieri prodiganequit: sed ne in legationem, & ius eius per nummorum contemptum male aliquid admittat. Casum petis? Do ex historia exemplum loculentissimum. Missi Romam ab Aetolis legati interceptiuntur in itinere a Romanorum socijs Epirotis. Fit illis copia rediunendi se, si singuli talenta exsoluissent quinque: mox & si

De un. Ger.

Lib. 16.

In Lysan.

Plutarch.

In Select.

trias; paupertatem scilicet caussantibus. hæc omnes soluerunt; atque adeo dimissi sunt. uno, qui solus ditissimus erat, & quidquam præstare renuerat, excepto. tanta (inquit Polybius) in eo vis auaritiæ inerat, ut tabe potius confici, quam tantula pecunia luveller. Certè si respectum pecuniarum præ se tulit, in eo sordidus; et si ius legationis inuocabat, prudenter egit. & subdit quidem Polybius, magnè fuisse laudi hanc rem homini; quoniam litteræ allatæ mox Roma sunt, quæ legatos dimitti imperabant. & dimissus hic est; & solus fundus legatione est. Cetera iam præsentis virtutis prædica philosophis sunt. Ego ea dixi, quæ legationibus maxime accidunt. Nisi ad relatam modò historiam omitendum non est, quod si legationis occasio per moras conseruandi iura illius contumperetur, ferendum potius sit, eripi ius legationis sibi, quam legationem totam perire. & id quidem exploratum est, nec necesse habet, ut argumentis probeatur. Sordes alias, quæ manifestò sordes sunt, legato quid statem, & fugiendas proponam? Quis est non prorsus sordidus homo, qui facinus sordidissimum non sentiat, quod tres, & quidem viri patricij, Florentini legati non admodum pridem egerunt? Ad Carolum V. & Clemen-tem V. I. proficiscentes Bononiam merces secum eò aliquas devehébant, quas a vectigalibus immunes, ut legatorum suppellectilem, in urbem induceret. sed res scrutati publicani, & indecoram legatorum fallaciã deprehenderunt, & patefacientes, risum Imperatori, bilem Papæ Florentino omni commouerunt. Ipsi legati inauditi dimissi sunt cum infamia. Hæc, similiq; quis non norit? quis, ut a nobis præmonstrentur, requirit? Claudio istum tractatũ cum ea Platonis sententia, *Et dicere, & facere ea, quæ decent, ad sobrium & prudentem hominem tantum pertinet.* est in Timæo. Ad id, quod de prudentia restat dicendum, pergo.

Iou. lib. 28.

CAP. XXI.

De prudentis Legati rationibus.

PRUDENTIA legati (quantum quidẽ mihi videtur) vel in consilijs excipiendis est, notandisq; actionibus aliorũ, vel in explicandis proprijs, recteq; componendis versatur. Ad aliena quod attinet, siue ea cõsilia sint ad se delata, siue sint actio-

actiones negotijs suis coniunctæ, duo legatus, ne fallatur, diligenter considerabit, personam consulentem, agentem, & quod consulitur, agitur. Auctorem enim intueri solum (quod tamen sit) leue est, & periculi plenum. ac rursus, nihil nisi rem æstimare, quid erit aliud, quam delectum tollere personarum? & dignis æque atq; indignis fidei testimoniū communicare? Auctori vni attēdere, quā leue sit, Liuius ibi ostendit, dum Aecio Tullio Volscō sit creditum a Romanis memorat, vt hi per summam contumeliam ex vrbe Volscos eiecerint. Quia ex re concitatum illud bellum fuit, quo, ni fortuna muliebris obstitisset, Romanum potuit nomen, imperiumque succumbere. Et leue igitur fuit in auctorem tantum oculos defixisse, & perniciosum. Sed & quodd auctoris humilitatem, & propter eum monita quoque Decorum mox iidem spreuissent, an non captam a Gallis urbem sensere? Si Pythius Apollo illis eisdem Romanis non accurrisset, qui leuem, nec satis fidum auctorem censuere vatem Veientem in eo, quod vnicum erat remedium expugnandi Veios, an potius ciuitatem hanc nobilissimam vniquam fuissent? Quid pluribus opus est? Sapientissima Hannonis oratio haud multos Cartagine mouit. nam (inquit Liuius) & similtas cum familia Barchina (contra Annibalem Barchinam loquebatur) leuiorem auctorem faciebat. Perijt Carthago. Ego in persona consulentis & vitam omnem antea actam attendendam existimo, & magis quæ ipsius in re præsentī mens esse possit, ac verisimiliter fiet. Generalis enim illa prior coniectura non adeo certa est, vt hæc posterior, quæ ipsi agendæ rei coheret. Ergo quodd vir probus, innocensque habitus is sit, cui præstamus aures: si tamen singularis subest ratio, ne in præsentia fidamus: viro huic prudens legatus non credet. Nam certum illud est a malis nec posse, nec solere nobis imponi, sed tantum ab ijs, quibus fidendum esse existimamus. nec verò, nisi bonæ famæ hominibus dari istud oportere, censemus, aut damus. Et vt bono viro fidem non adhibendam iudico, si eius persona nunc ipsa sibi deneget fidem: ita hominem improbum, cūque, cui aliàs non crederetur, si in proposita re talis sit ipsius persona, vt a narratis, suasisque non discrepet, sed conueniat cum illis potius, audiendum esse opinor. Numidarum gens fallax sæpè pro-

Lib. 2.

Lib. 5.

Lib. 13.

Xenoph. lib. 7.
de exp. Cy.

Lib. 35. 26.

missi fidem præstitit hac, quæ nos dicimus, occasione. Massinissa & Numida, & hostis Romanorum acerrimus summa fide iniit, coluit, retinuit amicitiam Romanam: nam rei qualitas vincebat hominis ingenium: & tutissimè ei creditum est. Hæc sunt & legationum præsentis argumento apta. Si enim in legatione foeliciter peracta verteretur etiam salus, magnæque commodum hominis, qui consilium affert: indignus certè ut hic sit aliàs omni fide, nunc levis auctor haberi non potest. Ast in re ipsa, quæ proponitur magis multò est. *Numquamne vos res potius, quam auctores spectabitis?* Appius plebi aduersus tribuniciam quandam rogationem clamabat. Res verò & loco, & tempore, & reliquis adiunctis, quæ non modò rem comitantur, sed variant quoque diuersimodè, debet diligenter expendi. Res magna neque creditur facilè, neque sperni solet. si maior sit, quàm ipsius auctores, & horum opera peragenda est, prudentius spernitur, quàm arripitur. Et in huiusmodi casu Annibal postquam dubitavit diu, fideritque, & diffiderit his, qui Capuam se ei prodituros pollicebantur, an, ut tandem crederet, moueri sapienter potuit ante cladem Cannensem? Sed quæ etiam credidit? Inspiciendus libro Liius vigesimo secundo. Quod si persona, resque vnà suadeant consilium suscipiendum, non hæsitabimus. Verùm si aliò nos personæ existimatio, aliò existimatio rei ducit: electio difficilis reddita est. certior tamen est ex re coniectura. rei namque nihil coheret magis, quàm res ipsamet. & si coniectura ex personis sumpta illa præfertur, quæ agendæ rei propiùs iungitur: certè coniectura ex re ipsa accepta reliquis omnibus anteponetur. & cognatos, & familiares infidos esse æquè ac ignotos posse, notat Plato, siue quis est Demodoci auctor, & rem ipsam præcipuè intuendam, si consilium nobis detur, ostendit. Martius ille, qui duobus Scipionibus extinctis rem Romanam in Hispania restituit, quid aliud ad animandos in maximum facinus milites potuit asferre certius, quàm quod dixit: *Nec huius occasionis spem, milites, fortè, semerè, sed ex re ipsa conceptam habeo.* Difficilis tamen (ut dixi) optio est. Nam quid si rem visam, sensibus subiectam narret legato is, cui fides aliàs præstaretur: num fidere legatus denegabit, quoniam narrare rei ratio repugnare videtur? At res plures & præter

Liv. lib. 6.

Liv. lib. 37.

Liv. lib. 25.

opinio.

opinionem, & præter rationem omnem accidere solent: nam vt multa hominibus credibilia sunt, quæ sunt falsa: ita multa, quamuis sint incredibilia, vera tamen esse, decet existimare: vt Aristoteles libro secundo Rhetoricorum ait. Id semper legato suaserim, ne sic fidat vnuquam, vt non putet & aduersus omnem benè iactam sententiam cedere rem posse: vtque malo huic non studeat paratum, pròptum habere auxilium, quod potest melius. Nihil enim adeo certum est, quod non frustrari nos queat: turpe autem semper illud, *Non putaram. Quorum ego* (dicebat Scipio) *fidei ita innitor, vt veriturus perfidiam sim.* Dicebat de Syphace, ac Masanissa. Habet iam & alienarum actionum dijudicatio non dissimilem rationem. Tenenda hìc tamen præcipuè sententia Liuij est: *Fraus fidem in paruis sibi præstituit, vt, sum opera precium sit, cum mercede magna fallat.* Omni standum facto non est. Quid rursus indicem deceptorum legatorum historias? Addo, inanibus colloquijs frustratos a Cæsare legatos Pharnacis ipsos imperatori Romano expeditissimam adtulisse victoriam illam de rege suo, quæ tribus est præscripta verbis. Legatos Atheniensium a Lysandro delusos notat lib. 2. rer. Græc. Xenophon: & inde Athenarum seruitutem Quod autem est, si quis vel legatos audire procrastinetur, aut eis responsum dare, vel frustretur aliàs: idem & in responso, aut quo alio facto ambiguo est. Quid enim ambiguum a nullo distat? Egregiè igitur Fabius Æquis ambiguè respondētibus talem se præbuit, ac si iniquè respondissent. & ille eiusdem gentis cum tergiversantes Pœnos in re petita videret, indigna, quam illi proponebant, disceptatione refutata, bellum eis extemplo indixit. Egregium exemplum: quo legatus instruitur, & indecoras loco, quem tenet, altercationes, & inexpedita respōsa, alia refutare. Illi ab istis cunctationibus bellè se vindicarunt, quibus mora iniecta cum iugiter esset, ne regem alloqui possent, & huius inualetudo semper obtensa: *At locuturi, hi retulere, venimus non luctaturi.* Agesilai regis astum vt astu superarint legati Thebanorum, Plutarcus docet. ego non recenseo: neque alia, quæ huc adduci valerent. Dixi satis multa. Et quod restat de proprijs consilijs a legato explicandis, & proprijs actionibus componendis, exponi ipsum potest ex ijs, quæ dicta latè sunt tota hac vltima istius uoluminis parte. Il-

Liuij lib. 28.

App. lib. 2. de
be. cin.Dimy. lib. 9.
Polyb. lib. 3.

Pla. in Pha-
dro.

Iud hic est caput, principiumque, vt id, de quo cōsiliū inītur, be-
nē intelligamus, vel omnino necesse est, deliberātes prorsus aber-
rare. Achaicus ille quantum erratū admisit, quōd legatus ad Pro-
lomæum, vt cum eo rege fœdera quædam confirmaret, nec dis-
pexerit in fœderum varietate, quæ illa essent, de quibus confirman-
dis mandatum acceperat, atque omnia adeo confirmari: quātum,
inquam, erratum iste admisit, & nosse omnes valemus, & reci-
tat in Selectis Polybius. Turpe erratum. Nec tamen & errata alia
non sunt, etsi adeo turpia, crassaque non sint. Intelligenda autem
non generalia modò, sed & singularia sunt. Cauendum maximè
ab imperitorum medicorū vitio, immo (vt in Phædro dicit Pla-
to) ab amentia: qui scilicet quum ex quodam medicorum libro a-
liquando quidpiam audierint, & medicamentorum nōnullorum
vsum temerè didicerint, medicandi tamen viam, rationemq; ne-
quaquam intelligant, se medicos euasisse arbitrantur. Vir prudens
& legatus noster cognoscere præterea debet, quibus, quando, qua-
tenus hoc, illudue cōsiliū fuerit adhibendum: siue habeat ex se
cōsiliū, siue petītum ex historiis est. Sic enim fiet, vt alterum
quoque vitium vitemus, quod puerorum appellat libro decimo
de rep. Plato. Inquit: *De his rebus, quæ acciderunt, cōsiliū inueni-
dum est, & tamquam in talorum iactu, prout fors secidit, ita res cō-
ponenda quomodocunque ratio rem melius, oportuniusue futuram e-
dixerit: non verò, sicut solent pueri, inherendum est ei rei, ad quam
impegeris.* Et id tamen, quod de mutandis cōsiliis dicitur, non sic
est accipiendum, vt si quid non ex animi sententia cesserit, confe-
ctim a suscepta deliberatione discedendum opinemur: immo tam-
quam in naui moderari nos oportet, quousque aura sequundior
flare incipiat. id enim si non fecerimus, quo pacto vñquam, quò
tenditur, poterimus peruenire, si re quapiam leui impediēte, ilico
in contrarium volumus nauigare? Quæ Critias vnus triginta ty-
rannorum Atheniensium prudenter disseruit. Magna, & difficilis
ad docendum hæc pars est. dixisse nos tamen aliquid, opinamur.
Omnia verò prosequi velle, & operis immensi foret, & quemad-
modum in Hipparchico scribit Xenophon, mandare litteris, quæ
facienda sunt omnia, non magis facile est, quàm omnia futura sci-
re. Genera quædam attingimus, & summa quasi capita rerū: a qui-
bus

Xenoph. lib. 2.
re. Græc.

bus non leuissimam specierum cognitionem legatus (arbitror) potis fuerit deriuare. Tamen res ipsæ, quæ consilia magis dant hominibus, quàm homines rebus, virum prudẽtem rectius in legatione tota instruent. Quoniam verò nec quisquam est, qui sapiat semper, & fidis, prudentibusque consiliarijs, nisi Deum (vt doctissimè libro octauo exprimit Dionysius) fingas, aliquando non indigeat ac illud verissimum sit, oculos quàm oculũ videre magis: suadeo sanè, vt legatus noster comites sibi præstantes viros adsciscat, quorum in arduis negotijs vti opera possit. Exemplum summorum omnium virorum, qui id fecere, non commemorabo. vnum Scipionis sat fuerit. Hic, dum nobilissimam obit ad reges legationem, Lælium illum sapientem habuit secum, siue (vt tradit Cicero) Panætium. Ceterum pigro, & inerti sæculo hoc nostro legati hanc partem (at quam plerique) curare minimè solent. Nec tantum sapientes, doctosque in comitatu suo viros legatus ducet, sed & qui grati eo loci esse valent, vbi peragenda legatio est. quod scilicet probato exemplo Dinocratis Messenij (habet in selectis Polybius) fiet. Ac quidem, vt in summa dicam, tales adesse sibi comites, legatus studeat, qui vel singuli legatione defungi quirent non minus, quàm de exercitu Fabiorum scriptum est, vnumquemque in eo militem potuisse partes imperatoris obire.

Liu. lib. 12.

Vlt. in. vi. ill.
C. in Luc.

Liu. lib. 2.

CAP. XXII.

De perfecto legato.



EAE c mihi esse omnia videntur, quæ perfectum constituere legatum possunt. Nametsi singillatim nisi de quibusdam virtutibus diximus: eæ tamen illæ sunt, quæ ducunt, tamquam familias suas, cæteras omnes. Perfectus legatus, qui negotia & officia demandata, aut quæ ipse sibi incumbere nonit, aptè conficere valet. Cuius itaque generis legatus sit, teneat oportet: ne alteram personam pro altera induat. Consuetudines, morèsque indute personæ & seruet ipse semper, & seruari sibi prospiciat. Iura legationum quanta, qualiaque sint, sic didicerit, vt in numerato penitus habeat, ac retineri sanctissimè, religiosissimèque velit. Splendore circa ipsum

*In ora. pro P.
Sex.*

Cic. in ora.

*Lib. 2. de pulff.
diff.*

Pla. op. 4.

*C. de senec.
Val. lib. 4.*

apparatus, comitumque pro eius, qui misit, dignitate ornatum, & honestis ortum natalibus, & nunc loco agētem honesto cum esse oportet. Valere etenim nobilitatem, quam etiam Cicero blandam conciliatriculam dicit, non parum, rationi consentaneum est. Aperta quoque in rem præsentem si alia adsint fortunæ, naturæque bona, pluribus exemplis commoda commonstrauimus. Quanta erit in ingenio vis? Quanta in sermonis, & actionum comitate? Magno hic opus ingenio est, nihil enim videtur difficilius, quam grauitati facilitatem morum, res scilicet longissime distantes, adiungere. Neque sanè cuiusvis est, in comitate dignitatem retinere, sed eius tantum viri, qui summis præditus virtutibus est, quinque magis atque magis æstimari, quo cognoscitur magis, solet. Inertes barba (quod alicubi peritissimus Galenus notat) ad pectus promissa, ceteraque mirè tetrici grauitatis consequi nomen conantur, ad alteram virtutem aspirare non possunt. quia si explorari se sinerent, ab omni prorsus caderent bona (nam multos ea specie fallunt) opinione, quam de ipsis homines habent. Et alter tamen vir egregius in istis virtutibus coniungendis negligens esse non potest, sed quæ prudentissimi in proposito docuere, ea diligenter seruiabit. neutra carere legatus potest. nam principali personæ grauitatem debet: & hæc sine comitate facile solitudinem legato pariet: qui scilicet nunc cum suis non viuit. Qui verò (vt optamus) apud legarum erit in solitudine splendor? Gratia, quæ omnes humanas actiones (Dionysio præclare docente libro octauo) exornat, desiderari in legato nostro haud debet. Nec debet legatus adeo principalis personæ meminisse, quin non recogitet etiam clarissimos viros, principesque, qui summa ex comitate sic summam consecuti sunt laudem, vt ad reliquam gloriam nihil istam obsuisse ipsis lenitatem, sed multum quoque profuisse, non dubitetur. Suam etiam personam legatus intuebitur, quam quidem vt rectam quodammodo habeat, non habet tamen extinctam: itaque exerat se & ista aliquando, necesse est. Sed & si exempla requirat, exemplis profecto res non carebit laudatissimis. atque ego illud vnum in memoriam reuocabo, quod Spartanis oratoribus accidisse Athenis, & Cicero, & alij litteris consignarunt. Illi Athenis cum in theatro ad spectacula sederent, senem, a nullo suorum ciuium receptum.

ceptum confurgentes, & in suo loco susceperunt, & a cuncto consensu plausum multiplicem ipsi propterea exceperunt. Ea, quæ de duabus Macedonicis legationibus referuntur, etsi hinc non longissimè abeant, iuuat tamen, aliud si documentum legato præstant. quod est, ut hæc etiam facere legatus sciat, quæ mandata sibi non sunt, nec etiam rectè spectant legationem, sed tamen & ipsi legato, & principi suo esse, si fiant, utilia queunt. Hoc indicat & Tassus præceptum, ut legatus omni studio, omnique opera amicis sui principis semper adsit. Et ita actum ab Macedonibus est. nam in funus P. Æmilij viri & clarissimi, & de Macedonia benè meriti, incidentes; funebri lecto sponte se subiecerunt. Altera legatio, quid egerit, audi Cicronem pro Plancio. *Missi ob aliam causam, tamen huius repentino periculo commoti, huic adsident: huic si præsto fuerint, gratius ciuitatibus suis facturos sperant, quam si legationem, & mandata sua confecerint.* His documentis & ea, quæ pluris sunt, addere oportet. Dicere non quidem de omnibus posse, sed de his sanè legatus benè debet, quæ sub artem politicā, & ciuilem cadunt. Loquetur autem philosophica magis, quam oratoria oratione. Sed hæc patria illi sit, apud quem loquitur. Historijs omnibus curam magnam impendet. Adiungit iuris ciuilibis, & probatoris philosophiæ aliquam cognitionem. Fidem eximiam sentiet se debere, & præstet: nec vlla vñquam cauillatione a prima hæc sui muneris parte declinet. Scelerata enim facta Metrodori, & Alexæ notauimus. & legati officium est non nuncium modo exponere, sed & illud suadere. quod Homerus alicubi indicauit Neptuni voce, & libro octauo de rep. Plato. Egregiam fortitudinem, insignem temperantiam, prudentiam singularem in legato requirimus. Prudentes verò Romanos illos haud fuisse, quis opinabitur, qui Dionysia agentes Tarentinos adierint, quare & turpi illic fuerunt contumelia affecti. quid enim homines temulentos adeas, quibus legationem exponas? Temulentos fuisse, non dubitamus. Illi egregium legatis omnibus exemplum præstant, qui apud Ptolomeum dum essent magnificentia summa excepti; non istud, non ipsis ostentata gaza, non cetera regia, non sumptuosa conuiuia eorum oculos, aut animum detinuere, sed vrbs, sed regio, quam diligentissimè perlustrarunt. Sentin',

Val. lib. 2. c. 2.

Ilia. 15.

*App. Dio in
Select. Pla.
lib. 1. de legi.
Diodor. in Se-
lect.*

Legate noster, documentum? Ceterum quid te pluribus moror? Quid iterum quasi admoneam, ut hæc humanitatis officia, quæ legatis præstari solent, tu rectè consideres, si quid extra ordinem habent, & id ipsum quid fiet? Dicam legatos Rhodios in perniciem ciuitatis suæ ineptiisse, qui ingentem ipsis Romæ præstitam humanitatem referri illuc voluerint, quasi Rhodios vererentur Romani? Alia huius generis narrem? Scribam, e legationis dignitate non fuisse, quod Plinius de legatis Cyprijs narrat? Erat illorum vnus ex ea familia, quam a venenatis non lædi perhibent. itaque a Coss. in dolium serpentium coniectus experimenti causa. Non, etsi fuerit legatio prouincialis, id ille debuit. nisi enim Græcæ licentiæ hic aliquid demus, legationis personam turpiter habitam, quisque cognoscit. Iam dicendi finem aptè cadere opinor. Copiosius de Legato (ut arbitror) scripsi, quam scripserit Crates, aut Phalæreus: Tassi certè testimonio latius, quam ab Hermolao factum perhibeatur; & quod ego scio, ab ipso Tasso factum est. De alijs (non ignoro, alios adhuc in isto argumento elaborasse) dicere, meum non est, qui ipsorum libros non legi. Dicet alij & de re isthac, & de alijs, quas quidem a me tibi, Legate, præstitas desideravi. Optimi legati formâ latissimis, siue expressam, siue adumbratam disputationibus, quantum in me fuit, tradere conatus sum: & eam minutiori mox ista tabella, nec tamen sine emblematur adiectione, reddere studui. At neque prius te dimitto, quam, quod Socrates iucundius adhuc existimabat, tibi etiam imaginem istam, speciemque viuam perfecti legati exhibeam. ad quam scilicet rem nec mihi Zeussis artificio, nec alterius cuiusquâ, qui quid simile sunt executi, censeo opus esse: in vno enim viro excellentem hanc formam inueniri, & ostendi posse confido: nam is omnia sic habet, quæ ad summum hunc nostrum oratorem constituendum requiruntur, ut cumulatoria etiam habeat, & ampliora. Is est

PHILPPVS SYDNEIVS.

Poly. in select.

Lib. 27. c. 3.

Diog.

*Xenoph. in
Oecon.*

*Cic. lib. 2. de
Im.*

Erratorum Correctio.

Pag. 11 lin. 1. Tullius. & lege, Tullius Philipp. 12. quique in Vatiniana cum belli, tum pacis nuncios nominat. & P. 12. l. 15. gessisset. Mittuntur. L. gessisset: quamque veritam Tacitus lib. 15. scribit. Mittuntur. P. 17. l. 2. numerum. L. munerum. P. 21. l. 32. suis. L. tuis. P. ca. l. 34. Terræ. L. Terræ. P. ca. in fi. adde. Et si alij aliter. P. 23. l. 9. Genialium. Et. L. Genialium. standum verò est: quia habet illud Plin. lib. 15. c. 29. atque is eleganter nostram hanc rationem confirmat. Et P. ca. l. 33. sunt. Porcum. L. sunt. Quamquam si feminam volumus interuenisse, laudo Ciceronem, qui eo in genere victimæ huius bis meminit lib. 2. de Inu. Porcum. P. 28. l. 14. eam. L. eas. P. 47. l. 31. legati. L. legatorum. P. 49. l. 14. erat. Si. L. erat. Habet verò lib. 2. Thuc. planè simile Atheniensem factum. Impio homini interdici posse legationem opinor: atque atheum Theodorum, cum Lyfimachus illi interdiceret, ne iterum ad se veniret, non benè respondisse dicentem: *Non venietur, nisi me Ptolomæus iterum mittat.* Quà in vita Aristippi Diogenes historiam tradit. Si. P. 42. l. 23. violassent. Et. L. violassent. Superflue quoque (si tamen in re certiori facièda quid sit superflue) Gothos inter & Romanos conuentum, vt si quid datum iniuriarum esset inducijs stantibus, legati tamen tutò irent. quod recenset Proc. lib. 2. de be. Go. Et. P. 55. l. 14. Quam. L. Quando. P. 58. l. 33. Secundum. L. Secundam. P. 68. l. 21. An. L. Alias an. P. 69. l. 28. legatione. L. legationes. P. 70. l. 23. sordidus. L. sordibus. P. 77. l. 1. Iustinianus. L. Iustinianæus. P. 80. l. 2. postulari. L. postulare. P. ca. l. 28. pugna. L. pugno. P. 87. in margine pen. Falci. L. Aquil. P. 98. l. 29. exemplo. L. extemplo. P. 112. l. 26. poterant. L. poterant. P. 124. l. 14. fit. L. fit. P. 132. l. vlt & L. vt. P. 135. l. 21. dimittantur. L. dimittatur.